



CONSELLERÍA DO MEDIO RURAL

SECCIÓN 13

I. ESTRUCTURA ORGÁNICA E COMPETENCIAS

I.1. ESTRUCTURA ORGÁNICA

A Estructura orgánica da Consellería do Medio Rural foi establecida polo Decreto 318/2009, do 4 de xuño, (DOG núm. 114 do 12/06/2009) e adaptada mediante o Decreto 8/2011, do 28 de xaneiro, á Lei 16/2010, do 17 de decembro, de organización e funcionamento da Administración xeral e do sector público autonómico de Galicia, nos seguintes órganos:

- I. O conselleiro/a.
- II. A Secretaría Xeral Técnica.
- III. A Dirección Xeral de Producción Agropecuaria.
- IV. A Dirección Xeral de Desenvolvemento Rural.
- V. A Dirección Xeral de Innovación e Industrias Agrarias e Forestais.
- VI. A Dirección Xeral de Montes.
- VII. A Dirección Xeral de Conservación da Natureza.
- VIII. As xefaturas territoriais.
- IX. Os órganos colexiados.

I.2. COMPETENCIAS

I.2.1. DA CONSELLERÍA

O artigo 30.1.3 do Estatuto de Autonomía para Galicia dispón que lle corresponde á Comunidade Autónoma Galega “nos termos do disposto nos artigos 38, 131 e 149.1.11 e 13 da Constitución, a competencia exclusiva da agricultura e a gandería”.

Por outra banda, o Estatuto de Autonomía de Galicia dispón que lle corresponde á Comunidade Autónoma Galega a competencia exclusiva nas seguintes materias:

Montes, aproveitamentos forestais, vías pecuarias e pastos, sen prexuízo do disposto no artigo 149.1.23 da Constitución. (art. 27, apartado 10).

Réxime xurídico dos montes veciñais en man común (art. 27, apartado 11).

Caza e pesca fluvial. (art.27, apartado 15).

O réxime das fundacións de interese galego (art. 27, apartado 26)

Normas adicionais sobre protección do medio ambiente, nos termos do artigo 149.1.23º da Constitución. (art. 27, apartado 30).

Asemade, Galicia asumiu a competencia exclusiva en materia de cooperativas en virtude da transferencia feita pola Lei orgánica 16/1995, do 27 de decembro, ampliando a recollida no artigo 28.7 do Estatuto de Autonomía de Galicia.

Tamén se realizou a transferencia do Parque Nacional das Illas Atlánticas a través do Real decreto 1082/2008, do 30 de xuño, ampliación das funcións e servizos da Administración do Estado traspasados a Comunidade Autónoma de Galicia, en materia de conservación de la natureza

Indícanse a continuación as competencias distribuídas en cada órgano superior e de dirección en que se estrutura a consellería:

I. O conselleiro/a.

Como titular do órgano superior da Administración xeral da Comunidade Autónoma de Galicia é a superior autoridade da consellería e con tal carácter está investido das atribucións que lle confire o artigo 34 da Lei 1/1983, do 22 de febreiro, de normas reguladoras da Xunta e a súa Presidencia.

II. A Secretaría Xeral Técnica.

Como órgano de dirección da Consellería do Medio Rural, a Secretaría Xeral Técnica exercerá as competencias e funcións establecidas no artigo 29 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, así como no Decreto 119/1982, do 5 de outubro, e todas aquelas que lle sexan encomendadas pola persoa titular da consellería.

III. A Dirección Xeral de Producción Agropecuaria.

Como órgano de dirección da Consellería do Medio Rural, correspóndelle á Dirección Xeral de Producción Agropecuaria a elaboración, a proposta e o desenvolvemento das directrices de política agraria da consellería en materia de ordenación, fomento e mellora da produción agrogandeira, incluíndo a resolución dos procedementos relativos á xestión da cota láctea; de protección e control da sanidade animal e vexetal; de formación, promoción e fomento do asociacionismo agrogandeiro, e a elaboración, a proposta e o desenvolvemento das directrices da

política agraria en materia de mellora da estrutura das explotacións agrarias.

IV. A Dirección Xeral de Desenvolvemento Rural.

Como órgano de dirección da Consellería do Medio Rural, correspóndelle a elaboración, proposta e desenvolvemento das actuacións de fomento do desenvolvemento socioeconómico do territorio rural galego, da dinamización das áreas rurais de Galicia, da formulación de iniciativas e programas de desenvolvemento das zonas rurais e da execución das accións que contribúan á diversificación económica no medio rural, sen prexuízo das funcións atribuídas pola Lei 5/2000, do 28 de decembro, á Axencia Galega de Desenvolvemento Rural. Correspóndelle, ademais, a elaboración, a proposta e o desenvolvemento das directrices da política agraria en materia de mellora e modernización das infraestruturas rurais e do medio rural, mobilidade de terras agrarias e xestión de zonas regables.

V. A Dirección Xeral de Innovación e Industrias Agrarias e Forestais.

Como órgano de dirección da Consellería do Medio Rural, correspóndenlle a elaboración, proposta e desenvolvemento das directrices de política agraria da consellería en materia de industrias agroalimentarias; de promoción e defensa da calidade dos produtos agroalimentarios galegos e recoñecemento e vixilancia das denominacións de calidade. Así mesmo, correspóndenlle as competencias e funcións atribuídas á consellería en materia de industrialización e comercialización de produtos forestais. Igualmente, correspóndenlle as funcións de programación, coordinación e impulso da investigación, a innovación tecnolóxica e a formación no sector agrícola, gandeiro, forestal e agroalimentario galego; propiciar e facilitar a transferencia e a adopción dos resultados da investigación; elevar o nivel tecnolóxico dos sectores produtivos a través de programas de formación e transferencia de tecnoloxía; a realización de programas formativos dirixidos ao persoal dependente da consellería que melloren o seu coñecemento técnico no eido agroforestal.

VI. A Dirección Xeral de Montes.

Como órgano de dirección da Consellería do Medio Rural, exercerá as competencias e funcións atribuídas á consellería en materia da ordenación, fomento e mellora da produción forestal, así como as medidas de prevención e loita contra os incendios forestais, así como a xestión do Centro de Investigación Forestal de Lourizán.

VII. A Dirección Xeral de Conservación da Natureza.

Como órgano de dirección da Consellería do Medio Rural, A Dirección Xeral de Conservación da Natureza exercerá as competencias e funcións atribuídas á consellería en materia de conservación, protección, uso sustentable, mellora e restauración do patrimonio natural e da biodiversidade de Galicia e dos seus elementos etnográficos e a súa preservación para as xeracións futuras; o fomento de medidas de desenvolvemento socioeconómico dos espazos naturais protexidos; a ordenación, conservación, protección, fomento e o aproveitamento sustentable dos recursos cinxéticos e piscícolas nas augas continentais; a divulgación dos valores do patrimonio natural; a xestión dos hábitats naturais, da flora e fauna silvestres, das paisaxes naturais e dos elementos singulares da xea da Comunidade Autónoma galega, así como o desenvolvemento e dinamización do uso público e recreativo do medio natural; a promoción da defensa integral da natureza e dos elementos que a compoñen; a conservación específica dos espazos que compoñen a Rede Galega de Espazos Protexidos e da Rede Natura 2000 de Galicia ou doutras zonas de alto valor ambiental, sen prexuízo das competencias atribuídas a outros órganos desta consellería.

VIII. As xefaturas territoriais.

Como órganos de exercicio das competencias da Consellería do Medio Rural, esta organízase nas xefaturas territoriais da Coruña, Lugo, Ourense e Pontevedra, que desenvolverán as súas funcións no ámbito territorial provincial respectivo, sen prexuízo das funcións de coordinación do exercicio das competencias que asume cada delegación territorial no seu correspondente ámbito territorial de acordo co disposto no artigo 2 do Decreto 245/2009, do 30 de abril, e o artigo 35 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

IX. Os órganos colexiados.

Están adscritos á Consellería do Medio Rural os seguintes órganos colexiados:

Os xurados provinciais de montes veciñais en man común.

Os comités territoriais de Montes

O consello forestal de Galicia

O consello agrario galego

O comité galego de pesca fluvial

Os comités provinciais de pesca fluvial

O comité galego de caza

Os comités provinciais de caza

1.1.1. DOS ORGANISMOS AUTÓNOMOS

FONDO GALEGO DE GARANTÍA AGRARIA (Fogga)

Creado pola Lei 7/1994, do 29 de decembro, e coa denominación actual segundo a Lei 7/2002, do 27 de decembro, ten como finalidade executar as políticas referentes á aplicación das medidas de ordenación, fomento, reestruturación e mellora do sector lácteo e gandeiro, levando a cabo as accións necesarias para a aplicación na Comunidade Autónoma da Política Agraria Común (PAC) e para o funcionamento da organización común do mercado.

1.1.2. DAS AXENCIAS PÚBLICAS AUTONÓMICAS

AXENCIA GALEGA DE DESENVOLVEMENTO RURAL

Agader creouse no ano 2000 pola disposición adicional 6ª da Lei 5/2000, do 28 de decembro, de medidas fiscais e de réxime orzamentario e administrativo (DOG nº 25 I, do 29 de decembro) e na actualidade está adscrita á Consellería do Medio Rural.

Segundo a anterior lei, a axencia será o instrumento básico de actuación da Xunta de Galicia no fomento e na coordinación do desenvolvemento do territorio rural galego, para mellorar as condicións de vida e evitar o despoboamento dese territorio.

Dentro da execución do plan de reorganización dos instrumentos de xestión da Xunta de Galicia no eido do desenvolvemento rural está previsto na Lei 15/2010, do 28 de decembro, que a Axencia Galega de Desenvolvemento Rural asuma as funcións das sociedades en proceso de extinción Banco de Terras de Galicia, SA (Bantegal) e Sociedade Anónima para o Desenvolvemento Comarcal, agás respecto da área SITGA desta última que é asumida por un órgano da Consellería de Medio Ambiente, Territorio e Infraestruturas.

A propia Lei 15/2010, do 28 de decembro, na súa disposición derradeira terceira establece que Agader será o instrumento básico de actuación da Xunta de Galicia no fomento e na coordinación do desenvolvemento do territorio rural galego para mellorar as condicións de vida e evitar o despoboamento deste territorio, impulsará a creación e a ampliación de explotacións agrarias e gandeiras en canto actividades produtivas relevantes no medio rural galego, mediante a promoción e xestión, e posibilitará a creación e a ampliación de explotacións agrarias e gandeiras, en canto que actividades produtivas relevantes no medio rural galego, mediante a xestión do Banco de Terras de Galicia.

Así mesmo, a Axencia Galega de Desenvolvemento Rural será o órgano competente en materia de desenvolvemento comarcal, que exercerá como instrumento básico de actuación da

Xunta de Galicia para o deseño, a aplicación, a coordinación e o seguimento do Plan de desenvolvemento comarcal.

De acordo co disposto na disposición transitoria terceira da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, as normas de organización e funcionamento da Axencia Galega de Desenvolvemento Rural adecuaranse ao disposto nesa lei para as axencias públicas autonómicas.

INSTITUTO GALEGO DE CALIDADE ALIMENTARIA

O Ingacal foi creado pola Lei 2/2005, do 18 de febreiro, de promoción e defensa da calidade alimentaria galega.

De acordo coa lei de creación, o Ingacal será o instrumento básico de actuación da Xunta de Galicia en materia de promoción e protección da calidade diferencial dos produtos alimentarios galegos acollidos aos distintos indicativos de calidade.

Así mesmo, será obxecto do Instituto o desenvolvemento da investigación agrícola, gandeira e alimentaria e o desenvolvemento e transferencia tecnolóxica no sector alimentario, para o que coordina os centros de investigación, estacións experimentais e o Laboratorio Agrario e Fitopatolóxico de Galicia, dependentes da consellería.

De acordo co disposto na disposición transitoria terceira da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, as normas de organización e funcionamento do Instituto Galego de Calidade Alimentaria adecuaranse ao disposto nesa lei para as axencias públicas autonómicas.

1.1.1. DAS SOCIEDADES MERCANTÍS PÚBLICAS AUTONÓMICAS

EMPRESA PÚBLICA DE SERVIZOS AGRARIOS GALEGOS, S.A.

Seaga é unha sociedade pública, creada mediante o Decreto 260/2006 do 28 de decembro, para a realización, como medio propio da administración galega, e ao seu servizo, de todo tipo de actuacións, obras, traballos e prestación de servizos en materias agrícolas, gandeiras, forestais, de desenvolvemento rural, de conservación e protección do medio natural e medioambiental, de acuicultura e pesca, así como os necesarios para o mellor uso e xestión dos recursos naturais e para a mellora dos servizos e recursos públicos, ademais da prevención e loita contra os incendios forestais en particular, e, en xeral, contra as pragas e enfermidades vexetais e animais.

XENÉTICA FONTAO, S.A.

O obxecto social da sociedade anónima Xenética Fontao, S.A., de acordo co Decreto 237/1998, do 18 de setembro, é a prestación de asesoramento e servizos ás persoas tanto físicas como xurídicas e organizacións dedicadas á mellora xenética animal. A través do Decreto 237/1998, do 30 de xullo, fóronlle adscritos os bens e dereitos que integran o Centro de Escolma e Reprodución Animal de Fontao-Lugo.

1.1.1. DAS FUNDACIÓNS DO SECTOR PÚBLICO AUTONÓMICO

CENTRO TECNOLÓXICO DA CARNE

A Fundación Centro Tecnolóxico da Carne é unha fundación de interese galego, sen ánimo de lucro, dependente da Consellería do Medio Rural, constituída ao abeiro do artigo 34, apartado primeiro, da Constitución Española, e inscrita no Rexistro Público de Fundacións de Interese Galego, o 5 de novembro de 2003, número de inscrición: 2003/28, sita no Parque Tecnolóxico de Galicia.

A Fundación ten entre un dos seus fins o desenvolvemento tecnolóxico das empresas galegas relacionadas co sector cárnico en todos os seus eidos de actividade e en todas as cabanas existentes

II. PRINCIPAIS LIÑAS DE ACCIÓN PARA O ANO 2012

II.1. DA CONSELLERÍA

A Consellería do Medio Rural ten como principio fundamental de acción a de contribuír a que as zonas rurais e os sectores agrario, gandeiro e forestal participen do progreso social e económico, reducindo as desigualdades entre os territorios, que os sectores primarios se adopten ao contexto dunha economía máis global e competitiva, que produzan alimentos sans, que contribúan á loita contra o cambio climático, todo iso en harmonía coa conservación do medio ambiente e dos nosos espazos naturais.

As liñas básicas de acción da consellería centraranse na mellora da calidade de vida e a diversificación económica nas zonas rurais, como medio para frear o despoboamento e o envellecemento da poboación; na conservación da natureza e a biodiversidade en harmonía coas actividades humanas; na mellora da renda agraria; na garantía de produción de alimentos sans e seguros; na mellora da transformación e a comercialización dos produtos; na innovación tecnolóxica; e na valorización do monte. As políticas de conservación da natureza intégranse na Consellería do Medio Rural, posto que moito do que queremos conservar hoxe é o resultado da racionalidade no uso e no aproveitamento dos recursos levados a cabo por persoas que desenvolven a súa actividade no medio rural. Non se pode deseñar as estratexias de conservación sen ter en conta as políticas sectoriais que conflúen sobre o territorio e moi especialmente as de desenvolvemento rural.

As prioridades da Consellería do Medio Rural para o ano 2012 son, por tanto, e sen prexuízo do seu detalle nos concretos programas de gasto, as seguintes:

1. A mellora da calidade de vida no medio rural, para o que se incidirá na mellora dos servizos básicos, incluída a mellora das comunicacións terrestres e telemáticas.
2. Os espazos Naturais Protexidos e a Rede natura 2000 nos que se concentrará o esforzo de conservación, conscientes do papel que estes territorios teñen non só na conservación senón na posta en valor e nas novas oportunidades de emprego e riqueza.
3. Un obxectivo constante de adaptación a un contexto nacional e internacional cada vez máis competitivo é o da mellora da competitividade das explotacións agrarias e gandeiras, mediante a redución dos custos de produción, a elevación das garantías sanitarias e de calidade dos produtos, a incorporación de novas tecnoloxías e a diversificación da produción. Para iso, fomentárase o rexuvenecemento do sector coa incorporación de mozos e mozas ás actividades agrarias, gandeiras e forestais, así como o apoio aos investimentos mediante plans de mellora das explotacións agrarias.
4. O fomento do dimensionamento cooperativo e do asociacionismo agrario como ferramenta para acadar unha maior competitividade das producións mediante cooperativas e outras entidades asociativas ben dimensionadas e da utilización da maquinaria común.
5. O mantemento dos procesos axeitados para mellorar, consolidar e soste os niveis sanitarios das explotacións gandeiras e controlar a calidade e a seguridade das producións.

1. A xestión dos seguros agrarios como ferramenta eficaz de protección dos agricultores e gandeiros contra as adversidades metereolóxicas e outros fenómenos alleos ao seu control que poidan causar perdas nas súas explotacións.
2. O fomento e mellora da transformación e da comercialización dos produtos, como medio para gañar valor engadido nas producións, identificando ao produto galego como sinónimo de produto de calidade, a través do apoio ás denominacións e indicacións de calidade.
3. As actuacións dirixidas á mellora da formación, á investigación agraria e a innovación tecnolóxica, como base para a diversificación e o aumento da eficiencia e calidade dos sistemas da produción nos sectores agrario, gandeiro e forestal. En relación con este último sector, poñeráse en marcha un conxunto de actuacións dirixidas a proxectos de investigación aplicada, relacionadas coa innovación e mellora das producións forestais.
4. A valoración e unha correcta xestión do monte en todas as súas funcionalidades e producións, dentro do contexto da loita contra o cambio climático. Dentro dun plan de fomento da produción forestal, estableceranse medidas para a mellora e o aumento da produción dos materiais forestais de reprodución; para o control e seguimento do estado de saúde e vitalidade dos ecosistemas forestais; para a consolidación de masas de alta produtividade forestal; para o fomento da aplicación de modelos silvícolas dirixidos á obtención de madeira de serra en quendas máis longas; para a consolidación e expansión de rexenerados naturais de frondosas; e para a recuperación do potencial forestal afectado. Ademais do aproveitamento madeireiro, fomentaranse as producións alternativas do monte, como o aproveitamento enerxético da biomasa forestal, o fomento da produción de castañas, cogomelos e outros froitos do monte, así como a creación de áreas silvopastoris. Tamén se impulsará a creación e mellora de empresas de aproveitamentos forestais e o fomento da certificación forestal.
5. A política de prevención e defensa contra os incendios forestais: Para a redución do número de lumes, estableceranse os plans de investigación policial e forestal, co fin de definir as zonas e os riscos e desenvolveranse as campañas de educación forestal, sensibilización social e divulgación.

No marco do plan preventivo potenciaranse as infraestruturas defensivas e no de extinción aplicaranse as últimas tecnoloxías en materia de defensa contra os incendios, cos sistemas de detección e avaliación de incendios dende medios aéreos, a utilización de sistemas dixitais de radiocomunicación e a incorporación de modelos de predición do comportamento do lume.
6. A conservación da biodiversidade como expresión da preservación da vida silvestre, así como a protección dos animais domésticos e salvaxes en catividade. Tamén están as necesidades relativas a aplicación de políticas preventivas, funcións de policía e vixilancia, control e prevención de impactos no medio natural; así como a promoción e ordenación do aproveitamento das especies da fauna cinexética e da piscícola nas augas continentais, asegurando unha xestión sostible das mesmas.
7. A divulgación, a información, a educación e sensibilización ambiental, constituirán outro elemento de fomento de cara a garantir a participación pública no contexto do dereito constitucional de gozar dun medio ambiente axeitado.
8. A recuperación e incremento da superficie agraria útil (SAU) e a mobilización das superficies

1. agrarias infrautilizadas, en estado de abandono.
2. O fomento da agricultura multifuncional e sostible: Os obxectivos que se perseguen son o apoio á conservación da biodiversidade, o fomento de métodos de produción compatibles coa protección do contorno e a remuneración das funcións territoriais, sociais e ambientais da actividade agraria.
3. O apoio ás rendas dos agricultores e agricultoras. A través da xestión das axudas directas da PAC e a súa mellora para garantir o pagamento dos incentivos económicos de apoio directo ao sector, mellorando a xestión dos dereitos de axuda.
4. Enfoque Leader: durante o 2012 continuarase co desenvolvemento do Programa Leader no marco do PDR de Galicia 2007-2013 cos traballos para o financiamento dos proxectos dos grupos de desenvolvemento rural.
5. A xestión do potencial vitícola: aplicación da reforma da OCM vitivinícola e o do Programa de Apoio ao sector, poñendo énfase na política de reestruturación e reconversión do viñado para favorecer as producións de calidade con denominación de orixe, a correcta xestión do potencial vitícola priorizando a recuperación das superficies abandonadas, e a promoción dos viños galegos das distintas denominacións de orixe no mercado.
6. As accións dirixidas á mellora da formación e investigación agrarias: A mellora da formación permanente dos agricultores e técnicos agrarios, profundizando tanto nas ensinanzas regradas como ocupacionais, e potenciando o asesoramento e transferencia tecnolóxica por parte dos servizos da consellería dun xeito máis próximo e directo ás explotacións agrarias.
7. O desenvolvemento dos programas de información e formación profesional regrada e continua, incluída a divulgación de coñecementos científicos e prácticas innovadoras de persoas que traballan no sector agrícola, alimentario e forestal, que incorporan medidas específicas formativas en materia de benestar animal, seguridade nos traballos agroforestais e formación continua do persoal que traballa no dispositivo de prevención e extinción de incendios forestais da consellería.
8. AS políticas dirixidas ás mulleres rurais: O papel das mulleres seguirase potenciando como protagonistas do tecido produtivo e social galego, á redución das desigualdades e a facilitación e a plena integración das mulleres en todas as actuacións de desenvolvemento rural mellorando a súa situación e o seu contorno social, laboral e económico.
9. Continuarase co proceso de reorganización dos instrumentos de xestión no eido do desenvolvemento rural. Racionalizarase a estrutura comarcal dedicada ao desenvolvemento rural, integrando os actuais centros comarcais co resto de servizos administrativos da consellería e cunha vocación cara ao impulso da economía produtiva nas zonas rurais.
10. O impulso na simplificación e modernización administrativa. O achegamento, a transparencia e a colaboración da Administración cara os agricultores, prestando especial atención á introdución das tecnoloxías de información e comunicación dos procedementos administrativos para axilizar a tramitación das solicitudes que dirixan á Consellería do Medio Rural ou ás entidades dependentes desta, coa implantación e fomento da tramitación electrónica no marco do proxecto xeral da Xunta de Galicia.

1.1. DOS ORGANISMOS AUTÓNOMOS

FONDO GALEGO DE GARANTÍA AGRARIA (Fogga)

Este organismo ten como obxectivos para o ano 2012 a xestión eficaz no pagamento dos fondos europeos dirixidos ao sector agrario galego e procurar unha mellora das rendas dos agricultores galegos, desenvolvendo as seguintes principais actuacións:

1. Desenvolver as funcións inherentes á súa condición de organismo pagador dos fondos europeos agrarios FEAGA e FEADER, pagando e contabilizando os importes das axudas con cargo aos citados fondos, e exercendo as demais funcións de coordinación, comunicación, auditoras, e outras conexas que lle corresponden como organismo pagador.
2. O desenvolvemento da xestión das axudas da PAC en Galicia, tendo en conta o marco derivado da reforma da PAC aprobada en 2003 e sen prexuízo do horizonte da nova reforma da PAC prevista para o ano 2013. A tal fin, logo da implantación e xestión dos primeiros anos do réxime de pagamento único, seguirá a executar as accións necesarias para a concesión dos pagamentos previstos no devandito réxime e outras axudas, primas gandeiras e restitucións con cargo á Política Agraria Común.
3. O pagamento e contabilización das actuacións incluídas no Programa de Desenvolvemento Rural 2007-2013, financiadas polo Fondo Europeo Agrario de Desenvolvemento Rural (FEADER), para as que a xestión corresponde a outros órganos da Consellaría do Medio Rural.
4. O pagamento e contabilización, en tanto que organismo pagador, das medidas relativas á apicultura e reestruturación do viñedo financiadas polo FEAGA.
5. Efectuar as operacións en réxime de intervención e regulación de mercados por conta do FEAGA, entradas, saídas e almacenamento das mercadorías, de acordo coas instrucións ditadas segundo a xestión encomendada polo Fondo Español de Garantía Agraria (FEGA).
6. Realizar accións destinadas a mellorar as producións gandeiras e fortalecer con iso a puxanza do sector cárnico e lácteo galego no contexto estatal e europeo, tales como apoiar ás sociedades públicas participadas polo Fogga que operan no sector agropecuario.
7. A xestión e pagamento de axudas a agricultores en zonas desfavorecidas.
8. As concesións de axudas derivadas do contrato de explotación sustentable: medidas agroambientais e de benestar animal

1.2. DAS AXENCIAS PÚBLICAS AUTONÓMICAS

AXENCIA GALEGA DE DESENVOLVEMENTO RURAL (Agader)

A Axencia Galega de Desenvolvemento Rural (Agader), foi creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo, configurándose como un instrumento para o fomento e coordinación do desenvolvemento no territorio rural galego para mellorar as condicións de vida e evitar o despoboamento dese territorio. Ademais, de acordo coa modificación introducida pola disposición derradeira

terceira da Lei 15/2010, do 28 de decembro, de medidas fiscais e administrativas, Agader posibilitará a creación e ampliación de explotacións agrarias e gandeiras mediante a xestión do Banco de Terras de Galicia e será o órgano competente en materia de desenvolvemento comarcal, que exercerá como instrumento básico de actuación da Xunta de Galicia para o deseño, a aplicación, a coordinación e o seguimento do Plan de desenvolvemento comarcal.

Entre as funcións atribuídas destacan a elaboración de estratexias e plans integrados de coordinación de actuacións de diversa natureza no medio rural e a difusión das políticas e medidas de desenvolvemento rural, a dinamización e coordinación dos grupos de desenvolvemento rural.

Xa que logo, a acción da axencia, que tamén conta como obxectivos os de contribuír de forma eficaz á diversificación económica, á modernización do tecido produtivo rural, e a mellora da calidade de vida e nese marco, desenvolverá as seguintes actuacións:

1. A xestión, control e seguimento dos programas con enfoque Leader, centrándose durante o ano 2012 as accións de Agader en acadar un nivel axeitado de execución do Programa Leader 2007-2013, despois da posta a punto dos mecanismos de implementación.
2. Aplicación de programas de apoio a iniciativas de desenvolvemento rural, executados directamente por Agader:
 - i. A convocatoria de axudas a proxectos a desenvolver nas áreas rurais de Galicia e a implementación das novas medidas que Agader executará directamente dentro do programa de desenvolvemento rural 2007-2013.
 - ii. O estudo, impulso e execución, se é caso, de investimentos directos cara á implantación ou mellora de servizos básicos para a economía e a poboación rural, así como de convenios con axentes socioeconómicos públicos e privados do medio rural, destinados á posta en marcha de plans e accións específicas destinados á dinamización económica e a mellora da calidade de vida no medio rural.
3. A coordinación das actuacións recollidas nos plans de zona redactados e executados ao abeiro da Lei 45/2007, de desenvolvemento sostible do medio rural e do Programa de desenvolvemento rural sostible 2010-2014.
4. Os premios Agader ás iniciativas de desenvolvemento rural.
5. Aumentar a transferencia de superficie agraria ás explotacións agroandeiras favorecendo a redución dos custes e a mellora da súa competitividade.
6. Favorecer a creación de novas explotacións a través da transferencia de terra favorecendo o asentamento da poboación no medio rural e freando o abandono, tanto no eido social como agroambiental.
7. Actualizar, clarificar e mellorar o estado dos bens e dereitos que son titularidade da SA Xestora Bantegal en proceso de extinción (no futuro de Agader), coa finalidade de poñer estes en boa condición para a súa produción.
8. Mellorar a planificación das actuacións que tenden a identificar, conservar, por en valor agro

I. nómico ou en produción a superficie con vocación agraria.

INSTITUTO GALEGO DE CALIDADE ALIMENTARIA

A Lei 2/2005, do 18 de febreiro, de promoción e defensa da calidade alimentaria galega, crea no artigo núm. 31 o Instituto Galego da Calidade Alimentaria (Ingacal), configurándoo como un ente de dereito público dos previstos no artigo 12.1º b) do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, e adscrito á consellería competente en materia de agricultura. A Lei 16/2010 do 17 de decembro, de organización e funcionamento da Administración xeral e do sector público autonómico de Galicia na súa disposición transitoria terceira establece a transformación do Ingacal nunha axencia pública autonómica establecendo o prazo dun ano para a transformación dende a entrada en vigor da citada lei.

Na Lei 2/2005 defínense os seus obxectivos e funcións, as súas facultades, o seu réxime xurídico e mais os seus órganos de goberno, e establécense as liñas xerais do seu réxime económico, patrimonial e de persoal.

Estes aspectos foron obxecto de desenvolvemento regulamentario posterior, mediante a aprobación do Decreto 259/2006, do 28 de decembro, polo que se aproba o Regulamento do Instituto Galego da Calidade Alimentaria.

O Plan Estratéxico Galicia 2010-2014, horizonte 2020, sinala como unha das principais necesidades do sector produtivo rexional a de reforzar e facer uso de novas ideas e innovacións. Actuacións fundamentais neste sentido no eido agroalimentario serán o apoio ao investimento en I+D, a integración da I+D no sistema formativo, o impulso da transferencia de tecnoloxía, e o fomento da innovación empresarial.

A potenciación das actividades de investigación e transferencia tecnolóxica no eido agroalimentario, xunto co fomento e posta en valor dos produtos alimentarios galegos cunha calidade diferenciada a través de denominacións xeográficas de calidade: denominacións de orixe ou indicacións xeográficas protexidas, e outras figuras de protección da calidade como os produtos da artesanía alimentaria, a agricultura ecolóxica ou a produción integrada serán actuacións clave da consellería para contribuír á consecución dos obxectivos de valorización das producións e do medio rural.

O Ingacal ten encomendada a función de control e a certificación das producións elaboradas polas novas denominacións de orixe e indicacións xeográficas que se están a crear, da artesanía alimentaria de Galicia, así como servir de apoio das xa existentes que o soliciten. Para iso conta cun Departamento de Protección da Calidade Diferencial que será o encargado de desenvolver esas tarefas de control e certificación e que colaborará na posta en marcha de novas denominacións de orixe e indicacións xeográficas.

En materia de investigación, fíxanse como obxectivos a formulación e a execución de proxectos de investigación aplicada no marco definido polo Plan Galego de Investigación, Desenvolvemento e Innovación Tecnolóxica, os plans estatais e internacionais correspondentes. Así mesmo colaborar coas actividades de transferencia de tecnoloxía, formación e divulgación realizadas pola consellería.

O obxectivo final é favorecer o desenvolvemento do sector agrícola, gandeiro, forestal e agroalimentario galegos, garantindo os mais altos estándares de calidade e seguridade alimentaria, e utilizando a I+ D+i como vía para impulsar a innovación nas empresas do sector que permita o aproveitamento da gran diversidade e potencial do agro galego.

Así mesmo outro obxectivo estratéxico é o fomento das producións de calidade diferenciada, para iso o Ingacal prestará os seus servizos a aqueles consellos reguladores que polo seu pequeno tamaño e escasos recursos económicos non poden realizar o control e a certificación da súa produción, ou ocuparse da súa xestión e secretaría.

Entre as actuacións programadas para o ano 2012 salientanse as seguintes:

1. O desenvolvemento do proceso de conversión do Ingacal en Axencia Pública Autonómica.
2. A redacción e realización de proxectos de investigación no marco definido polos plans de I+D+i rexionais, os plans estatais e internacionais correspondentes.
3. A colaboración nas actividades de transferencia de tecnoloxía, formación e divulgación realizadas pola Consellería do Medio Rural.
4. O programa de mellora das infraestruturas de apoio á investigación dos centros da Consellería do Medio Rural, mediante o programa de renovación e adecuación das súas instalacións, maquinaria e equipamentos científicos.
5. O programa de mellora da operatividade dos centros e laboratorios sinalados en canto a dotación de maquinaria, instrumental científico- tecnolóxico e a calidade das tecnoloxías de información e comunicación dos mesmos facilitando a súa conexión en rede.
6. O proceso de acreditación por ENAC do Ingacal na norma europea EN 45011.
7. O desenvolvemento dun sistema de xestión da información no Departamento de Protección da Calidade Diferencial.
8. A continuación na prestación de servizos de xestión e control e certificación da calidade aos consellos reguladores de Faba de Lourenzá, Castaña de Galicia, Pemento de Herbón, Pemento do Couto, Tarta de Santiago, Pan de Cea, Grelos de Galicia. Así mesmo o instituto certificará a produción dos tres Viños da Terra (Betanzos, Barbanza-Iria e Val do Miño-Ourense).
9. O inicio da prestación de servizos de xestión e control e certificación da produción as novas IXP de Pemento de Arnoia e Pemento de Oímbra. Ademais, algúns consellos reguladores actualmente en funcionamento, unha vez aprobadas as modificacións dos seus regulamentos, delegarán no Ingacal o control e certificacións dos seus produtos diferenciados (Augar

- I. dentes e Licores de Galicia, Lacón Galego e as DOPs de Arzúa-Ulloa, Cebreiro e San Simón da Costa). Así mesmo, prevese o inicio das certificación por parte do Ingacal dunha nova marca de garantía relacionada cos produtos hortícolas e a posibilidade de realizar a certificación dos produtos alimentarios artesanais.

1.1. DAS SOCIEDADES MERCANTÍS PÚBLICAS AUTONÓMICAS

EMPRESA PÚBLICA DE SERVIZOS AGRARIOS GALEGOS, S.A.

O Decreto 260/2006, do 28 de decembro, publicado no DOG do 18 de xaneiro de 2007, autorizou a creación da sociedade pública Empresa Pública de Servizos Agrarios Galegos, S.A.

No exercicio 2012, a sociedade pretende a consolidación dun modelo de xestión pública no eido agrario, con vinculación íntegra coa Administración da Comunidade Autónoma Galega e realizará cantas encomendas lle sexan ordenadas pola Consellería do Medio Rural, así como de calquera outro departamento ou ente público autonómico que encaixen dentro do seu obxecto social , e dun xeito programado as seguintes:

A realización de traballos de obra preventiva e de restauración forestal, a asistencia técnica na redacción dos instrumentos de planificación preventiva forestal, así como a colaboración en traballos silvícolas en montes ordenados baixo xestión da Comunidade Autónoma.

A colaboración en actuacións de infraestrutura e equipamentos para o medio rural dentro da estratexia de mellorar a calidade de vida dos concellos rurais e do reequilibrio territorial.

A realización de traballos nos espazos naturais protexidos de Galicia xestionados pola administración da Comunidade Autónoma.

A prestación de servizos relacionados coa produción agropecuaria.

A colaboración, se fora procedente, na campaña de incendios forestais, poñendo a disposición da consellería un dispositivo de reforzo na época de alto risco de incendios forestais colaborando tanto nas tarefas de extinción coma nas de prevención e mellora de infraestruturas.

XENÉTICA FONTAO, S.A.

O obxecto social da sociedade Xenética Fontao, SA., de acordo co Decreto 265/1997, do 18 de setembro, é a prestación de asesoramento e servizos ás persoas tanto físicas como xurídicas dedicadas á mellora xenética animal. A través do Decreto 237/1998, do 30 de xullo, fóronlle adscritos os bens e dereitos que integran o Centro de Escolma e Reprodución Animal de Fontao-Lugo, constituídos por inmobles, animais e material xenético.

Dentro das súas actividades principais inclúense a produción e a comercialización de doses

seminais de gando vacún das razas holstein e rubia galega. Ademais, estanse a diversificar os servizos ofertados mediante o desenvolvemento de tecnoloxías innovadoras reprodutivas que aceleran o progreso xenético da cabana gandeira e da aplicación da biotecnoloxía do ADN no eido da produción e sanidade agropecuarias.

Entre os obxectivos que se pretende acadar para o 2012 destácanse os seguintes:

A consolidación do Laboratorio de Xenética Molecular, impulsando o investimento en I+D+I co desenvolvemento de proxectos baseados nas liñas de investigación prioritarias da sociedade: tecnoloxías moleculares no eido da sanidade e produción animal, novas tecnoloxías de reprodución asistida e predición da fertilidade do esperma animal.

A mellora e ampliación da rede de comercialización, co afianzamento dos acordos neste eido e obtención doutros novos que permitan incrementar a xeración de recursos propios.

A mellora e optimización da produción a través da valoración xenética por descendencia de sementais en proba das razas holstein e rubia galega, potenciando a valoración de machos nados en explotacións de Galicia.

1.1. DAS FUNDACIÓNS DO SECTOR PÚBLICO AUTONÓMICO

FUNDACIÓN CENTRO TECNOLÓXICO DA CARNE

O Centro Tecnolóxico da Carne (CTC) é unha fundación de interese galego dependente da Consellería do Medio Rural que pretende dinamizar e mellorar a capacidade competitiva do sector cárnico de Galicia.

Dende a súa apertura, o CTC vén desenvolvendo unha actividade moi significativa no impulso da I+D+i dentro do sector cárnico, como se reflicte na colaboración mantida con diversas entidades públicas e privadas e os numerosos proxectos de investigación concedidos en diferentes convocatorias.

Son fins do Centro Tecnolóxico da Carne o desenvolvemento tecnolóxico das empresas relacionadas co sector cárnico, en todos os terreos de actividade e todas as cabanas existentes e en particular: fomentar a investigación e o desenvolvemento en materia cárnica; mellorar as técnicas de xestión produtiva; coordinar a correcta utilización de todos os medios tecnolóxicos existentes en Galicia; asistir ao sector nos procesos de adaptación lexislativa; atender a formación profesional dos recursos humanos; establecer as estruturas organizativas que sexan pertinentes; prestación de servizos oportunos; promover estudos e publicacións; elaboración de normativa legal e regulamentaria.

As liñas de acción do CTC baséanse en catro eixes fundamentais: servizos ás empresas cárnicas; I+D+i no ámbito cárnico; asesoramento e transferencia tecnolóxica ao sector cárnico; e a formación.

De todos os servizos que presta o Centro Tecnolóxico da Carne son de destacar tres deles:

Por unha banda, a planta piloto, que conta cunha sala de despezamento, unha sala de elaborados e unha sala de pratos preparados. Os servizos máis importantes que presta son os orientados a produtos (alimentos de quinta gama, sistemas de envase, etc), servizos orientados a tecnoloxías (ensaio de novas técnicas de produción, novas tecnoloxías aplicadas aos procesos transformadores, etc) e, por último, o control de procesos.

En segundo lugar, o CTC conta cunha rede de campos de ensaio e instalacións gandeiras que permiten, mediante ensaios e demostracións, realizar a transferencia tanto de novas técnicas de cultivo coma de manexo de animais a agricultores e gandeiros.

Por último, cabe salientar a importancia do panel de cata con que conta o Centro, destinado a se converter nunha ferramenta fundamental para as industrias cármicas galegas, xa que os servizos que presta permiten introducir novos produtos no mercado, implantar melloras en produtos existentes, coñecer os gustos dos consumidores, etc.

En consonancia coas actuacións descritas anteriormente e que conforman a actividade do centro os obxectivos do CTC para o ano 2012 son:

1.- Desenvolvemento de proxectos de I+D+i de programas autonómicos:

É un obxectivo do CTC a potenciación das actividades de investigación e transferencia tecnolóxica. Para acadalo, entre outras actuacións programadas, o CTC vai formular e executar proxectos de investigación durante o ano 2012 nas áreas prioritarias definidas por tres programas:

- Programa Galego de I+D+i (Consellería de Economía e Industria)
- Programa de Accións de Cooperación (Consellería do Medio Rural)
- Programa de Transferencia Tecnolóxica (Consellería do Medio Rural)

2.- Formular e executar proxectos de programas nacionais e europeos de investigación e outros:

Debe considerarse que un dos obxectivos da Xunta de Galicia para os vindeiros anos é atallar o baixo nivel de execución do Fondo Tecnolóxico e a escasa representatividade da participación de empresas galegas en proxectos do Sétimo Programa Marco da UE, polo que se propón por en marcha liñas de actuación baseadas na dinamización da participación en programas colaboradores de I+D+i por parte de empresas galegas con carácter tractor en sectores estratéxicos, é dicir, con capacidade para mobilizar un número significativo de axentes arredor de iniciativas innovadoras, incluíndo ás OPIS, como é o caso da nosa entidade.

Neste escenario, o CTC fíxase como obxectivo a formulación e execución de proxectos de investigación e outros que concorran ás principais convocatorias europeas e nacionais, como son

o VII Programa Marco, POCTEP, SUDOE ou, a nivel nacional, o INIA.

3.- Ampliar a oferta formativa:

O programa formativo do CTC pretende mellorar a capacitación profesional de persoas que traballan no sector agrogandeiro, alimentario e forestal galego.

De cara a 2012, o obxectivo é desenvolver 5 accións formativas pero ampliando a variedade da actual oferta de formación mediante:

- Accións de formación e transferencia de tecnoloxía a entidades do sector.
- Cursos de formación e reciclaxe de técnicos.
- Xomadas, seminarios, sesións de información e talleres para a divulgación técnica e científica.

4.- Incrementar os servizos prestados a todo tipo de entidades:

Preténdese ampliar o número de técnicas acreditadas nos laboratorios, por en marcha un novo laboratorio de bioloxía molecular, facer un maior esforzo de comunicación exterior, incrementar os contactos con empresas, etc.

5.- Promover estudos, publicacións e congresos:

6.- Promover convenios de colaboración e outros:

7.- Outros obxectivos, como son:

- O fomento e mellora da transformación e comercialización dos produtos agroalimentarios galegos, como medio para gañar valor engadido nas producións.
- O apoio ás denominacións e indicacións de calidade.
- O fomento das razas autóctonas galegas.
- O impulso da agricultura multifuncional e sustentable, etc.

III. ORZAMENTO DE GASTOS POR PROGRAMA

III.1. PROGRAMAS DE GASTO

III.1.1.

III.1.2. PROGRAMA 422L - CAPACITACIÓN E EXTENSIÓN AGROFORESTAL DESCRICIÓN DO PROGRAMA

NECESIDADE QUE TRATA DE ATENDER O PROGRAMA

No marco de actuación da formación agraria se formula unha oferta integral, dirixida aos xoves e a poboación activa, e que integre a formación profesional regrada, a iniciación profesional, a formación ocupacional e a formación continua dos profesionais do sector, que desenvolverase a través dos seis centros de formación e experimentación agroforestal con que conta a Consellería do Medio Rural e coa colaboración doutras unidades dependentes dela.

Os fortes vínculos entre este sistema formativo e o sector produtivo garanten unha oferta flexible e adaptada as necesidades e prioridades das distintas comarcas e sistemas de produción.

POBOACIÓN OU COLECTIVO AO QUE SE DIRIXE

Profesionais do sector, centros de formación, agricultores, gandeiros

DETALLE DA SITUACIÓN DE PARTIDA

Problemas ou carencias:

Os cambios económicos, tecnolóxicos e ambientais dan lugar á necesidade de novas cualificacións para todas as persoas implicadas en actividades agroforestais e agroalimentarias. Para obter estas novas habilidades, é necesario ofrecer actividades xerais, técnicas e económicas de formación non regulada. A capacitación profesional dos agricultores, en particular de aqueles profesionais que se incorporan por primeira vez á actividade agraria, debe servir tamén para mellorar as súas condicións de vida, frear o éxodo rural e asegurar a substitución xeracional no medio rural. A mellora da cualificación dos agricultores require tamén que se eleve o nivel de formación do persoal docente e técnico encargado de transmitir os coñecementos para facilitar a adopción de innovacións no sector agroforestal.

Outra das debilidades estruturais de Galicia é o envellecemento da poboación especialmente no rural.

Situación á que se quere chegar:

- Elevar o nivel formativo dos profesionais do sector e facilitar a transferencia tecnolóxica dos resultados das investigacións son as prioridades fundamentais para este período.
- Frear o éxodo rural e asegurar a substitución xeracional no medio rural , con capacitación profesional daqueles que se incorporan por primeira vez á actividade agraria.

- Así mesmo, debe servir para que a actividade produtiva sexa respectuosa co medio ambiente.

DEFINICIÓN DO MARCO NO QUE SE DESENVOLVE O PROGRAMA

O Programa anual de Formación Continua é desenvolvido polos centros de formación e experimentación agroforestal e por outras unidades dependentes da Consellería do Medio Rural.

O Fondo Europeo Agrícola de Desenvolvemento Rural (FEADER) no marco do Programa de Desenvolvemento Rural de Galicia 2007-2013 Medida 11110 para “Accións relativas á información e formación profesional incluída a divulgación de coñecementos científicos e prácticas innovadoras de persoas que traballan no sector agrícola, alimentario e forestal”.

FINALIDADE E ESTRATEXIA DO PROGRAMA

Elevar o nivel formativo dos profesionais do sector e facilitar a transferencia tecnolóxica dos resultados das investigacións son as prioridades fundamentais para este período e que desenvolvanse a través dos programas de acción anual.

O Programa anual de Formación Continua é desenvolvido polos centros de formación e experimentación agroforestal e por outras unidades dependentes da Consellería do Medio Rural. O seu deseño realízase en colaboración co sector, ofrecendo unha oferta diversificada e adaptada ás distintas necesidades locais e sectoriais.

Ese programa para a mellora do nivel de coñecementos dos agricultores e das persoas que traballan no sector, complementase co plan de transferencia e divulgación de coñecementos científicos e prácticas innovadoras que ten como obxectivo facilitar a transferencia e a adopción polo sector dos resultados das investigacións.

Programa de formación de formadores: para manter a calidade na prestación dos servizos é unha obriga continuar na liña de mellora do nivel de formación do persoal docente e técnico encargado de transmitir os coñecementos.

Frear o éxodo rural e asegurar a substitución xeracional no medio rural é outro dos obxectivos estratéxicos que vese apoiado coa capacitación profesional daqueles que se incorporan por primeira vez á actividade agraria. Así mesmo, debe servir para que a actividade produtiva sexa respectuosa co medio ambiente.

Estes programas formativos contan con financiamento do Fondo Europeo Agrícola de Desenvolvemento Rural (FEADER) no marco do Programa de Desenvolvemento Rural de Galicia 2007-2013 Medida 11110 para “Accións relativas á información e formación profesional incluída a divulgación de coñecementos científicos e prácticas innovadoras de persoas que traballan no sector agrícola, alimentario e forestal”, e serán desenvolvidos polos servizos técnicos dependentes da Consellería do Medio Rural, entre os que se inclúe o persoal das oficinas agrarias comarcais e das escolas de formación e experimentación agroforestal, e contando coa colaboración dos centros de investigación, centros tecnolóxicos e de entidades asociativas do sector agrario,

alimentario e forestal.

A axuda prevista non incluírá os cursos de preparación ou formación que formen parte dos programas ou sistemas normais de educación agrícola ou forestal do ensino secundario ou superior nin as accións específicas de formación contidas no programa de formación e cualificación profesional desta consellería.

Actividades:

Accións formativas nas seguintes áreas prioritarias:

Cursos de capacitación dirixidos ás persoas que se incorporan por primeira vez á actividade agraria.

Cursos de formación e reciclaxe de técnicos da administración e formadores dos programas de capacitación.

Cursos de formación continua esixible pola normativa aplicable a distintas actividades e programas de axudas. Entre elas, cursos de benestar animal e de capacitación para aplicadores-manipuladores de produtos fitosanitarios.

Cursos de formación continua de carácter teórico-práctico para axudar a reorientar aos produtores en función das esixencias dun mercado que evoluciona rapidamente, impartidos directamente pola administración ou a través de entidades colaboradoras.

Seminarios, sesións de información e talleres para a divulgación técnica e científica.

Accións de demostración ligados á adopción de innovacións nas explotacións e pequenas empresas transformadoras do medio rural.

Accións formativas dirixidas a cooperativas agrarias, incluídas viaxes formativas para persoal e asociados.

Accións de formación e transferencia de tecnoloxía externalizadas definidas mediante ordes de convocatoria, e dirixidas a entidades asociativas do sector agrario.

Para a selección dos proxectos formativos serán temas de atención prioritaria as accións de capacitación da mocidade para a incorporación á empresa agraria, ademais dos seguintes: benestar animal, fomento dos sistemas de produción integrada e ecolóxica; técnicas de silvicultura de frondosas, silvopastoralismo, xestión da empresa agroforestal, mellora da eficiencia das producións gandeiras; xestión de estercos e zurros nas explotacións gandeiras; transformación de produtos agrarios no marco de producións de calidade diferenciada, seguridade alimentaria, seguridade no uso da maquinaria. incluíndo a capacitación en materia de manipulación e aplicación de produtos fitosanitarios; cumprimento dos requisitos de condicionalidade nas producións agrarias, enerxías renovables de orixe agrícola; aforro enerxético na agricultura; novas oportunidades

de emprego no rural; tecnoloxías de información e comunicación; fomento do asociacionismo agrario e formación de persoal de substitución das explotacións gandeiras.

A necesaria contención no gasto é compatible coa integración de novos proxectos como o CERNES (Comunidad de Espacios Rurales para una nueva Economía Sostenible), que, cun carácter piloto e demostrativo, fomenta a posta en marcha de producións e sistemas produtivos innovadores. O Proxecto CERNES conta con financiamento do FEDER no marco do Programa Operativo de Cooperación Transfronteiriza 2007-2013.

ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

1.1.1. PROGRAMA 422M - ENSINANZA SECUNDARIA E FORMACIÓN PROFESIONAL.

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Neste programa inclúense as actividades de preparación ou formación que forman parte dos programas ou sistemas normais de educación agrícola ou forestal do ensino secundario ou superior e as accións específicas de formación contidas no programa de formación e cualificación profesional desta consellería. Ademais, realízanse accións formativas dirixidas a colectivos especiais con dificultade de inclusión no mercado de traballo enmarcadas nos programas de garantía social, formación e emprego e talleres profesionais agroforestais e accións de sensibilización da poboación rural.

Co obxectivo de incorporar profesionais con titulación de FP ao mercado de traballo, a Consellería do Medio Rural conta con seis centros de formación e experimentación agroforestal onde impartir ciclos formativos de formación profesional de grao medio e superior das especialidades agrarias. No ano 2012 continua o proceso de actualización, ampliación e diversificación da súa oferta.

Tendo en conta o carácter práctico da formación impartida nestes centros, é fundamental atender ás necesidades de renovación do equipamento para impartir un ensino de calidade e ao nivel adaptado ás demandas da sociedade e das empresas.

POBOACIÓN OU COLECTIVO AO QUE SE DIRIXE

Ademais das accións dirixidas á integración no ámbito laboral do sector agroforestal, no marco deste programa existe a necesidade de impulsar accións de sensibilización da poboación rural especialmente nos eidos da seguridade e prevención de riscos nos traballos agrarios e forestais, na prevención dos incendios forestais, e para dinamizar e aumentar a eficiencia das medidas dirixidas desde a administración para a ordenación e valorización do espazo rural, de colaboración nas accións de divulgación e transferencia de tecnoloxía dos centros de investigación e do resto dos servizos técnicos da consellería dirixido á poboación xeral e mulleres.

DETALLE DA SITUACIÓN DE PARTIDA

Os cambios normativos nos ciclos de formación profesional e das demandas dos alumnos existen adaptar a oferta formativa ás novas necesidades, atender prioritariamente a facilitar a incorporación no mercado de traballo dos xoves, de colectivos con dificultades especiais e a accións específicas formativas de seguridade e adestramento para os traballadores do dispositivo de prevención e defensa contra o lume da Consellería do Medio Rural.

No medio rural existe un alto grao de envellecemento da poboación activa do sector agroforestal que convive con xoves e colectivos que teñen fortes dificultades de integración no ámbito laboral, trátase de atraelos e achegarles a formación necesaria para desenvolverse nestas actividades.

As características dos centros de formación agroforestal da consellería, que dispoñen de amplos recursos para as prácticas, fincas, gando etc, e onde ademais da formación regrada desenvólense accións formativas no marco do plan de formación continua dos profesionais, permiten un contacto directo dos alumnos co sector ao que se van a incorporar.

DEFINICIÓ DO MARCO NO QUE SE DESENVOLVE O PROGRAMA

Os plans no que se enmarcan as actuacións deste programa son os correspondentes á ensinanza regrada de formación profesional para o sector agroforestal, os programas de cualificación e o plan galego de actuacións para a xuventude.

FINALIDADE E ESTRATEXIA DO PROGRAMA

Para acadar os obxectivos indicados contémpanse as seguintes accións:

Un programa de formación e cualificación agroforestal para o 2012 no que se estableza un conxunto de actuacións dirixidas a ampliar e mellorar as capacidades dos traballadores do sector complementando a súa formación profesional.

Un programa de formación e concienciación en materia de prevención de riscos laborais e seguridade viaria no manexo de maquinaria agroforestal, co obxectivo de mellorar os estándares de seguridade e hixiene nas actividades laborais do sector.

Un programa para dinamizar e aumentar a eficiencia das medidas dirixidas desde a administración para a ordenación e valorización do espazo rural, de colaboración nas accións de divulgación e transferencia de tecnoloxía dos centros de investigación e do resto dos servizos técnicos da consellería dirixido á poboación xeral e as mulleres.

Actividades:

1. Impartición de ciclos de grao medio e superior de formación profesional nas especialidades agrarias, con ampliación da oferta formativa no curso 2011/2012 .
2. Impartición de accións formativas de garantía social, orientadas á formación agroforestal.

1. Plan de seguridade e prevención de riscos laborais especialmente no uso de maquinaria agroforestal
2. Realización de construción nova e/ou mellora das dotacións de aulas, laboratorios, naves, silos, invernadoiros, talleres e infraestrutura de apoio en xeral dos centros para mellora da calidade da ensinanza e ampliación da oferta formativa.
3. Equipamento dos centros con material tecnolóxico adecuado ás actividades formativas, incluíndo maquinaria, apeiros e instrumental auxiliar.
4. Ampliación da oferta e deseño de novos modelos de formación profesional con apoio das novas ferramentas da sociedade de información.
5. Convocatoria de bolsas de prácticas para estudantes de formación profesional agroforestal e para titulados en especialidades agroforestais, que inclúen axudas para prácticas en empresas e de iniciación á investigación.
6. Accións formativas específicas dirixidas ao persoal da Consellería do Medio Rural como o dispositivo de prevención e extinción de incendios

ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

1.1.1. PROGRAMA 541B - CONSERVACIÓN DA BIODIVERSIDADE E POSTA EN VALOR DO MEDIO NATURAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A importancia do patrimonio natural e a biodiversidade, así como a interrelación entre o medio e as persoas cobra na actualidade unha grande relevancia. Ningunha actividade humana pode prescindir da compoñente ambiental. A conservación do patrimonio natural e a biodiversidade en Galicia ten como escenario común fundamental a gran heteroxeneidade do territorio galego, expresada na variabilidade das características bioxeográficas e socioecolóxicas. Pero tamén, na conxunción de características e factores derivados, por unha banda, dos aspectos ecolóxicos e xeográficos e por outra, das interaccións humanas, que afectan a práctica totalidade do territorio.

Galicia amosa un perfil crecentemente urbano, cunha translación de poboación dende o interior á costa. Sen embargo, non debemos perder de vista que o 90% do territorio é rural, e nel aséntase unha importante porcentaxe da poboación. Esta afirmación ten o seu aval máis significativo nas 26.892 entidades singulares de poboación con menos de 100 habitantes e os 198 municipios con menos de 5.000 habitantes.

O territorio galego preséntase ademais como un escenario complexo, no que a demanda de bens e servizos ten unha correlación directa coa dispersión da poboación e coas necesidades estruturais. As características da propiedade, o alto peso do sector primario, a alta produtividade dos ecosistemas, as fortes demandas de solo para os usos agrarios, forestais ou urbanísticos, a

gran dispersión da poboación ou a ocupación intensa dunhas áreas, que incrementan a demografía en termos relativos, fronte ao abandono propiciado polo éxodo rural noutras, configuran este territorio de un xeito significativo. Este contexto intensamente antropizado, cunha compoñente rural moi acusada, presenta unha forte dependencia, no que a fauna, a flora, os hábitats e, en definitiva, a biodiversidade coexisten e o equilibrio das poboacións depende, en grande medida, da existencia e da harmonización coas actividades que xestionan e manexan o territorio.

As políticas de desenvolvemento rural vai máis alá da actividade puramente agrícola, con ser esta de extraordinaria importancia na nosa comunidade. A nova política agraria ten e terá, máis no futuro, un compoñente esencial na conservación dos ecosistemas e terá en conta que a súa capacidade de produción non vaia máis alá da súa capacidade de carga.

Neste sentido os espazos naturais protexidos, a Rede Natura 2000 e a súa xestión e conservación constitúe, en esencia, o eixo básico sobre o que pivota a acción da administración pública, consciente da necesidade de dotala de réximes xurídicos axeitados, acompañados de medidas activas de conservación, restauración e posta en valor.

A demanda de recreo sobre o medio natural constitúe tamén unha aspiración dos cidadáns, trátase pois de proporcionar espazos de lecer nos que as actividades de contacto coa natureza estean garantidas baixo o concepto da suficiente calidade e baixo a mínima afección o medio.

A conservación da vida silvestre como expresión da preservación dos elementos da biodiversidade constitúe outro obxectivo básico. Nos últimos anos a produción normativa e a implementación de instrumentos e ferramentas ao servizo da conservación das especies ten sido abundante, e isto suxire a necesidade de planificar e establecer as medidas axeitadas para garantir a conservación das especies tendo en conta a prioridade das mais ameazadas.

A protección dos animais domésticos e salvaxes en cativeiro forma parte das competencias da Consellería do Medio Rural e é obxecto de especial atención a necesidade de desenvolver políticas e accións de benestar animal.

O outro eixo transversal está relacionado coa utilización da divulgación, a información, a educación e sensibilización ambiental, como elemento de fomento a participación pública no contexto do dereito constitucional de gozar dun medio ambiente axeitado.

Por outro banda, este programa contempla tamén as necesidades relativas á aplicación de políticas preventivas, funcións de policía e vixilancia, control e prevención de impactos no medio natural, para o que é preciso dispor dunha adecuada dotación de medios humanos e materiais.

Por último, este programa tamén promove o ordenado aproveitamento das especies da fauna cinxética e da piscícola nas augas continentais, asegurando unha xestión sostible destas.

POBOACIÓN OU COLECTIVO AO QUE SE DIRIXE

Os colectivos afectados por este programa son os que seguen:

- A poboación en xeral.
- A poboación residente no medio rural, con especial incidencia nos residentes na área de influencia dos espazos naturais protexidos.
- As corporacións locais.
- Os visitantes dos espazos naturais.
- As ONG con finalidade vinculada á conservación e protección da natureza.
- As sociedades protectoras de animais domésticos.
- As sociedades e entidades colaboradoras e representativas da actividade cinexética e piscícola.
- Os colectivos de gandeiros, agricultores e silvicultores.
- As empresas vinculadas ao turismo de natureza.

DETALLE DA SITUACIÓN DE PARTIDA

Os principais problemas que se deben afrontar neste programa de gasto son:

- O deterioro da biodiversidade e do patrimonio natural.
- A representatividade das áreas protexidas en termos relativos nos contexto español e comunitario
- A ausencia , en moitos casos, de instrumentos de planificación que fixen as normas de uso, xestión e desenvolvemento transversal destes espazos protexidos como os PORN, PRUG e PDS.
- O estado incipiente de instrumentos de conservación dalgunhas especies de fauna e flora catalogadas. Ausencia de plans de conservación de especies.
- Detéctase insuficiencia de infraestruturas, equipamentos e servizos de uso público que garantan o uso apropiado e sostible do medio natural e, en especial, nos espazos naturais protexidos. As infraestruturas e equipamentos que son a ferramenta básica na ordenación do uso público, son aínda insuficientes e non alcanzan nalgúns casos a calidade necesaria. Cómpre seguir realizando actuacións de dotación encamiñadas a este fin, que inclúan novos equipamentos e melloren a súa calidade.
- A oferta limitada dos servizos a visitantes nos espazos naturais protexidos constitúe unha debilidade.
- As áreas protexidas en xeral, e os parques naturais en particular constitúen escenarios obxectivos de gran valor intrínseco para o desenvolvemento económico e social. Detectase a necesidade de apoio ás liñas de axudas necesarias para a promoción socioeconómica dos espazos naturais, o desenvolvemento sostible, a mellora da calidade de vida, o apoio as oportunidades empresariais e o fomento e mellora das canteiras de emprego constitúen un obxectivo de primeira magnitude.
- Necesita avanzarse na transmisión de coñecemento e difusión dos valores do patrimo

- nio natural e a biodiversidade, como ferramenta principal ao servizo da conservación.
- A necesidade de mellorar a accesibilidade dos canles fluviais, eliminando obstáculos ao desprazamento da fauna acuática.
- Carencia de plans de ordenación de ríos que activen as medidas a adoptar para conseguir un aproveitamento sostible das poboacións piscícolas e dos ecosistemas acuáticos.
- As poboacións de salmóns nalgúns cursos fluviais
- Necesidade de apoio para a ordenación da actividade cinexética e piscícola e para paliar os ataques das especies cinexéticas ao gando e aos cultivos agrícolas; xa que estes xeran gran tensión social, polo que cómpre continuar con liñas de axudas de carácter compensatorio para os afectados.
- Necesidade de mellorar a participación dos colectivos implicados na toma de decisións ambientais.
- A insuficiencia de medios para afrontar a necesidade crecente de informar plans, programas e proxectos que poidan afectar a integridade dos espazos naturais, hábitats e especies ameazadas.

DEFINICIÓN DO MARCO NO QUE SE DESENVOLVE O PROGRAMA

Todas as actuacións previstas neste programa acomódanse aos principios do VI programa de acción comunitaria en materia de medio ambiente, programa que resulta de especial interese como ferramenta de primeira importancia para acometer iniciativas de desenvolvemento sostible.

O marco legal e regulamentario que comprende as actuacións do programa é o seguinte.

-Disposicións comunitarias:

- Directiva 79/409/CEE do Consello do 2 de abril, relativa á conservación das aves silvestres.
- Directiva 92/43/CEE do Consello do 21 de maio, relativa á conservación dos hábitats naturais e da fauna e flora silvestres.

- Disposicións estatais:

- Lei do 20 de febreiro de 1942, pola que se regula o fomento e conservación da pesca fluvial.
- Lei 1/1970, do 4 de abril, de caza.
- Lei 42/2007, do 13 de decembro, do Patrimonio Natural y da Biodiversidade.
- Real decreto 439/1990, do 30 de marzo, polo que se regula o Catálogo Nacional de Especies Ameazadas.
- Real decreto 1997/1995, do 7 de decembro, polo que se establecen medidas para contribuír a garantir a biodiversidade mediante a conservación dos hábitats naturais e da fauna e flora silvestres.

- Disposicións autonómicas:

- Lei 7/1992, do 24 de xullo, de pesca fluvial.
- Decreto 130/1997, do 14 maio, regulamento de ordenación da pesca fluvial e dos ecosistemas acuáticos continentais.
- Lei 4/1997, do 25 de xuño, de caza de Galicia.
- Lei 9/2001, do 21 de agosto, de conservación da natureza.
- Lei 6/2006, do 23 de outubro, de modificación da Lei 4/1997, do 25 de xuño, de caza de Galicia.
- Decreto 88/2007, do 19 de abril, polo que se regula o catálogo galego de especies ameazadas.

FINALIDADE E ESTRATEXIA DO PROGRAMA

O principal obxectivo do programa é, en esencia, a conservación e protección da biodiversidade e o patrimonio natural así como das paisaxes naturais, tendo en conta as esixencias económicas, sociais e culturais do conxunto da sociedade galega.

Acadar este obxectivo implica, por unha banda, manter unha ampla rede de espazos naturais protexidos, así como o establecemento de ferramentas de planeamento activas específicas de conservación de ENP e protección de especies nos seus hábitats. Por outra banda, é preciso involucrar á sociedade na protección dos mesmos. Neste sentido, cómpre, polo tanto, desenvolver accións que permitan harmonizar a conservación coa posta en valor do medio natural e dos seus compoñentes, fomentando as accións que deriven nunha participación nos beneficios económicos e sociais partir da xestión sostible do mesmo.

Beneficios a acadar:

Posta en valor e desenvolvemento sostible social e económico dos territorios con marcado carácter ambiental.

Mantemento nun estado de conservación favorable de hábitats e especies así como da paisaxe mellorando o estado de conservación da biodiversidade, dos habitats e das especies.

Lograr unha representación axeitada dos hábitats e das especies propios de Galicia que garanta a súa conservación activa dentro das políticas de espazos naturais protexidos consolidando unha rede de espazos protexidos nun estado adecuado de conservación. Ultimar a aprobación e aplicación dos instrumentos de planeamento dos espazos naturais protexidos.

Mellorar a situación de apoio o desenvolvemento e ós habitantes, empresas ONG, entidade e institucións locais da área de influencia dos parques naturais, do parque nacional e dos espazos naturais protexidos, axudando a manter o tecido poboacional das áreas incluídas nos espazos.

Dotar os espazos naturais das infraestruturas, equipamentos e servizos ambientais con suficiente oferta e calidade para o goce dos usuarios ordenando o uso socio-recreativo do medio natural compatibilizándoo coa conservación do mesmo e garantindo un uso racional do medio natural acorde coas demandas dos usuarios e coa fragilidade dos ecosistemas.

Mellorar a información e difusión da importancia do patrimonio natural e da biodiversidade e garantir o seu goce, resaltando a importancia dos valores naturais e concienciando á cidadanía sobre a importancia de conservar a natureza.

Mellorar o nivel socioeconómico das poboacións que están integradas nos espazos protexidos, fomentando actividades produtivas respectuosas co medio ambiente, e a distribución equitativa dos beneficios ambientais.

Fomentar a participación das persoas e dos colectivos implicados na conservación do medio ambiente e na toma de decisións ambientais.

Mellorar o benestar dos animais domésticos e salvaxes en cativeiro.

Compensar aos agricultores e gandeiros polos danos sufridos nas súas explotacións, producidos pola fauna silvestre.

Eixes de actuacións:

I.- Conservación, protección e xestión de espazos naturais protexidos.

Os principais obxectivos establecidos para o ano 2012 están orientados a traballar na liña que garanta a protección, conservación e posta en valor dos espazos naturais de maior valor ecolóxico, asegurar o mantemento e a coherencia da Rede Natura 2000, e promover o uso sostible das áreas protexidas. As principais accións previstas son:

I.1 Desenvolver a Estratexia Galega do Patrimonio Natural e da Biodiversidade.

É preciso dar un pulo ós obxectivos de conservación do Patrimonio Natural e da Biodiversidade nun contexto de desenvolvemento sostible adaptados aos estándares da conservación definidos polos marcos estratéxicos nacionais e internacionais.

I.2 Formular a adaptación da Lei 9/2001 de conservación da natureza á Lei 42/2007 do Patrimonio Natural da Biodiversidade.

Existe a necesidade de actualizar o escenario normativo da conservación e o desenvolvemento sostible dos espazos naturais e da biodiversidade ás novidades xurídicas estatais e da UE.

I.3 Rede Natura

A Rede Natura 2000 resultante do cumprimento da Directiva 92/43/CEE, está composta

por 59 lugares de Importancia Comunitaria (LIC) cunha superficie total de 371.868 Ha, e 15 ZEPAS que supoñen 101.028 Ha que representa un 12 % do territorio. Os límites destes espazos coinciden cos publicados na Resolución do 30 de abril de 2004 da Dirección Xeral de Conservación da Natureza (DOG do 19 de maio de 2004).

I.3.1 Completar os sistemas de áreas protexidas. Ampliación RN2000

Actualmente está en estudio unha nova proposta autonómica de Rede Natura 2000. A referida ampliación ten a súa orixe en tres aspectos:

- A necesidade de corrixir as insuficiencias impostas pola UE.
- Necesidade de mellorar a conectividade dos hábitats.
- Dotar a Rede dunha maior coherencia no sentido de protexer o patrimonio natural máis valioso.

I.3.2 Conservación e mellora da diversidade biolóxica nos espazos forestais da Rede Natura 2000.

O Ministerio de Medio Ambiente, Medio Rural y Marino e a Consellería do Medio Rural subscribiron un convenio de colaboración o 16 de outubro de 2009, co obxecto de coordinar as actuacións para a conservación e mellora da diversidade biolóxica nos espazos forestais da rede natura 2000 que ambas partes levan a cabo na Comunidade Autónoma de Galicia. A Consellería do Medio Rural no ámbito do convenio comprométese a investir 4.000.000 € ó longo dos anos 2009 a 2014, estando previsto investir na anualidade do 2012 o importe de 985.000 €, que se destinarán á conservación e mellora de hábitats nos espazos forestais da Rede Natura 2000, a análise, diagnóstico, planificación e avaliación da Rede Natura 2000 e accións de divulgación e concienciación da biodiversidade e da Rede Natura 2000.

I.4 Completar os sistemas de áreas protexidas. A declaración de Novos Parques Naturais.

Na actualidade, a Rede de Parques Naturais de Galicia compóñena 6 Parques cunha superficie de 40.661 Ha con excepcionais valores naturais e extraordinaria beleza.

Os Parques Naturais están encamiñados a multiplicar as oportunidades de desenvolvemento económico dos territorios e do seu contorno. É preciso dar relevancia á participación pública a través dos órganos establecidos como son as Xuntas Consultivas.

É preciso tamén dar un pulo á colaboración cos concellos en actuacións de conservación, rexeneración e mellora dos espazos con especial valor dos recursos naturais locais.

I.5. A xestión do Parque Nacional.

No ano 2008 realizouse a transferencia do Parque Nacional das Illas Atlánticas á Xunta de Galicia e a súa incorporación á Consellería do Medio Rural. As estratexias de futuro para o Parque Nacional sitúanse no seguinte ámbito:

- Mellorar na xestión integral do parque coa elaboración neste mesmo ano do Plan Reitor de Uso e Xestión.
- Traballar na posta en valor dos aspectos arqueolóxicos en colaboración co Instituto Padre Sarmiento.
- Traballar na proposta de declaración de Reserva da Biosfera, que poderá supor mellorar no recoñecemento internacional e novas liñas de axudas para a súa xestión e promoción.
- Aumentar a oferta educativa nun intento dun maior coñecemento e recoñecemento dos seus valores naturais.
- Seguir no proxecto de eliminación de especies alóctonas.
- Mellorar as infraestruturas do parque en procura dunha mellor atención ós visitantes.
- Incrementar a posta en valor e difusión dos valores naturais do Parque incorporando as novas tecnoloxías a través da páxina web e boletín PDF.

I.6. A planificación dos espazos naturais

I.6.1. Aprobar o Plan Director de Ordenación dos Recursos Naturais e do Medio Físico da Rede Natura 2000

De acordo tanto coa Directiva 92/43/CEE de Hábitats é preciso a aprobación de medidas administrativas regulamentarias ou contractuais na planificación dos espazos considerados Lugares de Interese Comunitario e ZEPAS, 6 anos despois da designación. Tense optado pola aprobación dun instrumento director único para todos eles, con independencia dunha planificación futura máis específica para cada lugar.

I.6.2 PORN, PRUG e PDS

É necesario dar un pulo ao planeamento dos recursos naturais como base da conservación e do desenvolvemento sostible. Neste sentido vaise realizar un esforzo na revisión e adaptación dos Plans de Ordenación dos Recursos Naturais e na elaboración e aprobación dos Plans Reitores de Uso e Xestión dos principais espazos.

É preciso elaborar plans integradores da acción pública de desenvolvemento dos territorios de influencia dos Parques Naturais. Os Plans de Desenvolvemento Sostible constitúen o principal referente neste sentido.

I.7. Rede Galega de Reservas da Biosfera

A concepción actual das Reservas da Biosfera vai máis alá dos espazos protexidos sendo unha ferramenta que vincula a conservación da biodiversidade co desenvolvemento socioeconómico para o benestar da humanidade. No escenario actual, as Reservas da Biosfera son xurisdición das Comunidades Autónomas nas que se ubican, que adoptarán as medidas necesarias para mellorar o seu funcionamento. Os obxectivos e directrices aparecen recollidos nos art. 65, 66,

67 da Lei 42/2007, do 13 de decembro, do Patrimonio Natural e da Biodiversidade.

O 16 de decembro de 2010 o Ministerio de Medio Ambiente, y Medio Rural y Marino e a Consellería do Medio Rural subscribiron un convenio de colaboración para o apoio á xestión e o desenvolvemento sostible da reserva da biosfera de Río Eo, Oscos e Terras de Burón; e da Reserva da Biosfera Transfronteiriza Gerês-Xurés. O convenio ten previsto un orzamento total de 3.720.000 €, contribuíndo cada parte nun 50 % a investir durante os anos 2011, 2012 e 2013.

Na anualidade 2012 do citado convenio a Consellería do Medio Rural achegará 890.000 € para a realización de actuacións destinadas fundamentalmente á mellora e recuperación dos hábitats e a promoción e difusión do plan de acción das devanditas reservas da biosfera.

2. Conservación da biodiversidade.

As accións para a conservación da biodiversidade encádranse no contexto normativo derivado da Lei 42/2007 de conservacións do patrimonio natural e da biodiversidade, que ten por obxecto “ a conservación do medio natural e os seus recursos, así como a xestión sostible dos espazos naturais e a flora e fauna silvestres, ademais da xea, da Comunidade Autónoma de Galicia”, que se inspira nos principios da estratexia galega para a conservación e o uso sostible da biodiversidade: información, formación, participación e coordinación.

Efectuaranse distintas accións encamiñadas á adecuada protección e conservación das especies de flora e fauna silvestres, especialmente daquelas incluídas no catálogo galego de especies ameazadas. Así mesmo, continuarase coas accións necesarias para garantir a correcta aplicación das Directivas comunitarias 2/43/CEE de “hábitats” e 79/409/CEE de “aves”, ámbalas dúas orientadas ao mantemento nun estado de conservación favorable dos hábitats e das especies incluídas nos seus anexos.

2.1 Estratexia Galega da Biodiversidade

- O programa de conservación de especies ameazadas ten por finalidade acadar a supervivencia sostida longo prazo no medio silvestre das especies de plantas e de animais que pola evolución das súas poboacións se atopan actualmente baixo ameaza da extinción na nosa Comunidade Autónoma.
- Os instrumentos actuais demostráronse moi limitados, sobre todo no relativo á definición de directrices e vías integradoras nas actividades sectoriais da conservación da biodiversidade.
- O compromiso vai encamiñado a elaboración da Estratexia Galega para o Uso Sostible da Biodiversidade orientado a definir marcos de acción máis realistas e as estratexias e directrices para deter a perda da biodiversidade que se comporta co entorno internacional.

2.2 Plans de conservación de Especies Ameazadas

O programa de conservación de especies ameazadas ten por finalidade acadar a supervivencia sostida a longo prazo no medio silvestre das especies de plantas e de animais que pola evolución das súas poboacións se atopan actualmente baixo ameaza de extinción na nosa Comunidade Autónoma. Durante o ano 2012 prevese a aprobación de 4 plans de conservación-recuperación de especies ameazadas.

2.3 Plan de Xestión de especies exóticas invasoras

- A introdución de especies animais ou vexetais exóticas con comportamento invasor, está considerada como a segunda causa de extinción de especies e o segundo problema ambiental, por orde de magnitude. Esta problemática atinxe enormes danos económicos en sectores relevantes como a agricultura, a pesca, o sector forestal.
- Durante o seguinte exercicio prevese a elaboración dun plan estratéxico que inclúe un diagnóstico e un programa de medidas encamiñadas á erradicación ou ao control destas poboacións, así como a metodoloxía de avaliación de riscos destas especies. Contempla ademais avanzar no desenvolvemento de plans de divulgación, detección temperá e actuación rápida fronte as especies que supoñen na actualidade un elevado risco, como é o caso, da Reynoutria japónica.

2.4 Protección de árbores senlleiras

Con independencia das medidas establecidas para a protección de especies ou unidades taxonómicas como tales, a conservación da nosa biodiversidade vexetal pasa tamén pola protección de aqueles valores naturais, culturais, científicos, didácticos, estéticos ou paisaxísticos. Estes exemplares senlleiros representan un valioso legado e un valor natural na medida de que se trata de exemplares que subsistiron aos rigores dos tempos ou que contan cunhas particularidades especiais. Esta liña de conservación sobrepasa no seu ámbito de acción do campo estritamente biolóxico, ao incorporar o valor antropolóxico dende o punto de vista da estética e a sensibilidade do pobo ao seu entorno. O Decreto 67/2007, do 22 de marzo, no que se regula o Catálogo Galego de Árbores Senlleiras, no que se prevé a inclusión destas árbores e formacións singulares coa finalidade de protexelos de posibles riscos e ameazas, garantindo a súa conservación.

Preténdese seguir avanzando na identificación de árbores senlleiros

Preténdese establecer un plan específico de actuación nas árbores senlleiras de Galicia, cun obxectivo claro de tratamento e coidados especiais deste patrimonio da flora galega. Mediante a apertura de liñas de axudas para a conservación dos exemplares.

2.5 Rede galega de centro de recuperación de fauna silvestre.

2.5.1 Desenvolvemento da rede galega e desenvolvemento da estrutura de xestión de centros de recuperación da fauna salvaxe.

É preciso integrar o funcionamento á rede dos actuais Centros de Recuperación de Fauna Silvestre co obxecto de aproveitar todas as súas funcionalidades e experiencias.

2.5.2 Centro de mamíferos mariños

Impulso dun centro que sirva para a asistencia dos exemplares de mamíferos mariños varados. No centro contemplarase o tratamento dos animais varados e recuperación dos mesmos que unha vez superada esta fase serán liberados ao medio mariño, nas condicións e medio máis adecuados. O centro cumprirá así mesmo funcións de divulgación e investigación en relación coa conservación da fauna de mamíferos e tartarugas mariñas ameazadas.

2.6. Animais domésticos e salvaxes en cativeiro

O obxectivo deste programa trata de mellorar o benestar dos animais domésticos e salvaxes en cativeiro en Galicia mediante:

- Desenvolver un marco normativo axeitado para a protección animal
- Favorecer a participación doutras entidades protectoras de animais mediante un marco de apoio para institucións e ONGs
- Apoiar aos concellos na proteccións de animais domésticos
- Sensibilización da poboación galega

3. Divulgación e difusión da natureza.

Constitúe un eixe fundamental cuxo obxectivo pretende por unha parte transmitir á sociedade a transcendencia da conservación da natureza para o seu benestar social e para o desenvolvemento e por outra contribuír activamente ao panorama internacional en materia de áreas protexidas.

É esencial que a sociedade coñeza e recoñeza os beneficios que as áreas protexidas proporcionan ó benestar das persoas.

É preciso comunicar estes beneficios o que permitirá un maior apoio ós esforzos de conservación.

Este eixe de actuación debateuse e aprobouse no recente Congreso de Espazos Protexidos (EUROPARC) o pasado día 12 de xuño, onde se trazou un marco de actuación para os vindeiros catro anos, marco que foi ratificado na Asemblea do cal a Xunta é membro.

Trazaremos vías de comunicación adecuadas para chegar ó público e mellorar a percepción social das áreas protexidas.

Faremos un esforzo en mellorar a rede de centros de visitantes dos parques, a atención

educativa, o fomento das visitas guiadas, a investigación e a divulgación dos valores naturais que os espazos protexidos atesouran.

4. Os recursos cinexéticos e piscícolas.

É obxectivo xeral da Dirección Xeral de Conservación da Natureza, o fomento e o control dos aproveitamentos piscícolas e cinexéticos asegurando a súa sostibilidade.

As actividades da caza e da pesca fluvial son esenciais no desenvolvemento social e económico doa poboacións rurais. O fomento destas actividades é un elemento crucial na política de desenvolvemento rural.

4.1. Recursos Cinexéticos

Impúlsanse os programas de recuperación das especies cinexéticas, poñendo especial énfase no coello de monte e a perdiz, as dúas especies referentes da caza menor, e continúaase a reintrodución do rebezo, a cabra montés e do cervo, no que respecta á caza maior.

Propiciaranse actividades de colaboración cos tecores e coas súas entidades representativas para a recuperación do hábitat e a mellora das poboacións cinexéticas.

Traballaremos na mellora do coñecemento científico das distintas especies cinexéticas e empregaremos esforzos e medios para evitar as tensións sociais que provocan os danos que causan algunhas especies na gandería e nos cultivos agrarios.

Poñerase especial empeño en potenciar a caza como un instrumento de desenvolvemento rural, pola súa particular virtualidade para xerar recursos, precisamente nos lugares nos que resulta máis necesaria, para fixar poboacións e xerar riqueza e emprego.

Modifícase a lei de caza de Galicia para dar resposta as aspiracións expresadas polos diferentes colectivos sociais implicado no mundo cinexético. Preténdese asimesmo, actualizar a normativa de caza en vigor poñéndoa en liña coas leis das demais autonomías españolas, que están a facer un esforzo de harmonización. Introdúcense novos conceptos e dáselle cabida a novas figuras.

4.2 Recursos Piscícolas

Seguirase traballando no coñecemento e na investigación das diversas especies piscícolas e do seu hábitat, para mellorar as condicións do medio e procurar o incremento das súas poboacións naturais.

Darase un forte pulo á elaboración de plans de ordenacións e xestión dos recursos piscícolas, como instrumentos básicos para a mellora dos nosos recursos piscícolas.

Prestarase especial atención ao programa de recuperación do salmón atlántico, especie raíña dos nosos ríos, así como a outras que se atopen nun delicado estado de conservación.

Será un obxectivo desta consellería fomentar a pesca continental, como actividade deportiva e potenciala como un instrumento dinamizados para economía rural.

No esforzo de concienciación ecolóxica dos pescadores, vaise a solicitar a colaboración das asociacións de pescadores, para facer con elas un esforzo de divulgación de formación dos valores naturais dos nosos ríos.

Vaise facer unha profunda revisión da lei de pesca para actualizar as estratexias de xestión dos recursos piscícolas, mellorar o control sobre o cumprimento das esixencias da lei, ampliar as fórmulas de coexistión, para procurar orientar a pesca fluvial de xeito que se constitúa como un instrumento de grande interese para o desenvolvemento rural. Actualizar o seu réxime sancionado re, coa experiencia acadada nestes últimos anos, introducir elementos de aproveitamento dos recursos mais axeitado a realidade.

5. Plan Impulsa Lugo e Plan Impulsa Ourense

Por último, cabe mencionar as políticas transversais contempladas nos Plans Impulsa Lugo e Ourense que aparecen reflectidas neste programa onde se recollen os obxectivos presentes nos mesmos.

No ámbito do Plan Impulsa Lugo desenvolveranse programas para valorización dos espazos naturais protexidos da provincia.

No ámbito do Plan Impulsa Ourense levarase a cabo a valorización do patrimonio natural ourensán, mediante actuacións de conservación e desenvolvemento do medio natural e dinamización dos parques naturais.

ÓRGANOS ENCARGADOS DA SÚA XESTIÓN

Dirección Xeral de Conservación da Natureza

1.1.1. PROGRAMA 551A - INFRAESTRUTURAS E EQUIPAMENTOS NO MEDIO RURAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O desenvolvemento equilibrado e sostible de Galicia implica a necesidade de actuar en todos os sectores produtivos, facendo competitivo o sector primario, sentando as bases dun desenvolvemento rural con futuro, e uns servizos de calidade, na base dun desenvolvemento sostible.

O 80% do territorio galego pode denominarse rural atendendo a súa densidade de poboación e a súa estrutura socioeconómica. A modernización do medio rural é un dos retos máis importantes que ten a Galicia.

A Lei 15/2010, do 28 de decembro, de medidas fiscais e administrativas, autoriza, no seu artigo 16, que o Consello da Xunta de Galicia proceda á disolución da Sociedade Anónima para o Desenvolvemento Comarcal de Galicia e á integración das súas competencias noutras sociedades ou entes públicos da administración autonómica. Desta forma a Axencia Galega de Desenvolvemento Rural (Agader), incluída no proceso de reorganización dos instrumentos de xestión no eido do desenvolvemento rural, centrará a súa actividade naquelas accións como un instrumento de dinamización económica e social das áreas rurais, facilitando apoio técnico na elaboración de propostas de proxectos europeos ou doutros ámbitos así como a avaliación, xestión, dirección e coordinación tanto de actuacións como de obras vinculadas a iniciativas de desenvolvemento rural e apoio na xestión de convocatorias públicas de axudas.

POBOACIÓN OU COLECTIVO AO QUE SE DIRIXE

Este programa está dirixido, por un lado, á poboación do rural, procurando corrixir deficiencias de infraestruturas básicas e dotándolles de servizos públicos de calidade, e por outro lado, ás explotacións agrogandeiras, redimensionando a súa estrutura da base territorial e mellorando as estruturas agrarias, así como, investindo na mellora e consolidación dos regadíos existentes.

DETALLE DA SITUACIÓN DE PARTIDA

É necesario afondar na diversificación económica do medio rural, buscando alternativas novas e complementarias, cun modelo que fixe a poboación ao territorio, baseándose nas seguintes liñas:

1. Mellora da calidade de vida da poboación no rural. No rural, son imprescindibles servizos públicos suficientes e de calidade. A poboación rural ten os mesmos dereitos que o entorno urbano a dispoñer de medios e servizos que permitan o desenvolvemento das súas iniciativas empresariais e dunha calidade de vida equiparable ao medio urbano. Neste senso, é necesario investir na mellora de infraestruturas e servizos básicos á poboación.
2. Mellora da estrutura das explotacións. O medio rural galego ten que afrontar o forte desafío de avanzar na súa competitividade no medio dunha crise económica que trae consigo o incremento dos custos de produción nas explotacións, e que supón un freo ao seu desenvolvemento económico. Neste senso, é imprescindible un apoio ás mesmas para que, por unha parte, logren unha diminución de custos, redimensionando a súa base territorial (concentración parcelaria, mellora de accesos as explotacións, etc) e, doutra, incrementen os seus ingresos, mellorando os sistemas de produción (posta en cultivo de terras improdutivas, mellora e consolidación de regadíos, etc)

DEFINICIÓ DO MARCO NO QUE SE DESENVOLVE O PROGRAMA

Este programa ven a dar cumprimento ao recollido na Lei 10/1985, do 14 de agosto, de concentración parcelaria para Galicia, na súa redacción segundo a Lei 12/2001, do 10 de setembro, á Lei 45/2007, do 13 de decembro, para o desenvolvemento sostible do medio rural e á Lei

62/2003, do 30 de decembro de 2000, de medidas fiscais, administrativas e do orden social, que modifica o Real decreto legislativo 1/2001, do 20 de xullo, polo que se aproba o texto refundido da Lei de augas.

FINALIDADE E ESTRATEXIA DO PROGRAMA

Respecto da liña de mellora da calidade de vida no medio rural, establécense os seguintes proxectos de actuación:

1. Plan Estratéxico de Infraestruturas do Medio Rural. As fortes deficiencias que existen nas zonas rurais de Galicia, urxen a adopción dunha política intensiva en materia de infraestruturas, necesarias para a dotación, conservación e mellora dos servizos básicos elementais (camiños rurais, abastecementos de auga domiciliaria, saneamentos dos núcleos de poboación, e outros) que, pola súa natureza, supoñen un importante desembolso económico para as administracións locais. Con este plan, invístese en todos os concellos de Galicia utilizando uns parámetros que pretenden lograr un principio básico de equidade e converxencia.
2. Proxectos de infraestrutura rural. É necesario investir, naquelas zonas do territorio galego nas que, polas graves carencias de infraestruturas básicas, sexa urxente e necesario dotar á poboación rural dun nivel de vida adecuado, aproximándose ao que se ten en ámbitos urbanos.

Respecto da liña de mellora da estrutura das explotacións, establécense os seguintes proxectos de actuación:

1. Programa de mellora e reordenación das estruturas agrarias. Neste programa, dedicado á concentración parcelaria, pretenderase:
 - Continuación das políticas de concentración da terra agraria, mellorándoa e dándolle un forte pulo aos procesos en curso.
 - Perfeccionamento dos procedementos de selección de zonas, asociándoas, fundamentalmente, a procesos produtivos, onde as inversións públicas sexan máis efectivas.
 - Promoción de instrumentos para a integración e redimensionamento das explotacións en zonas de concentración parcelaria, prestando ademais especial apoio ao asociacionismo produtivo nelas.
 - Axilización e racionalización nos procedementos de concentración, na procura de limitar, no tempo, os custos ou perdas en que incorren as explotacións durante o procedemento de concentración parcelaria.
 - Respecto co medio ambiente e o patrimonio de Galicia, na procura de racionalizar o proceso de concentración parcelaria, respectando os valores ambientais das zonas, incluídos nas respectivas declaracións de impacto ambiental, así como os valores patrimoniais existentes dentro das zonas.
2. Mellora das infraestruturas relacionadas coas explotacións. A través da Lei 45/2007, do 13 de decembro, para o desenvolvemento sostible do medio rural, preténdese fomentar

1. unha actividade económica continuada e diversificada no medio rural, mantendo os sectores agrícola, gandeiro e forestal, preferentemente nas zonas rurais consideradas prioritarias. Neste senso, foméntase a mellora dos accesos en comarcas gandeiras en diversos concellos de Galicia, contribuíndo na diminución de custos nestas explotacións, pola mellora da súa accesibilidade.
2. Mellora e consolidación de regadíos existentes. Respecto das infraestruturas de regadío, tentárase de optimizar o aproveitamento dos recursos hídricos na agricultura, mellorando os sistemas de xestión da auga e utilizando métodos que permitan aforros de caudal e de enerxía, diminuíndo os posibles efectos negativos sobre o medio ambiente, e permitindo a compatibilización dos usos da auga nos distintos eidos sociais, económicos e ambientais implicados.

Establécese como un dos obxectivos deste programa a mellora e consolidación dos regadíos existentes, tendo presente que a utilización de sistemas eficientes, debidamente regulados, comprobados e cun correcto mantemento, xunto cunha xestión axeitada, redundará nun balance hídrico máis favorable desde o punto de vista económico e ambiental.

As zonas a investir son as de A Limia, Terra Chá e Val de Lemos, así como a mellora de levadas de regadío tradicional.

ÓRGANOS ENCARGADOS DA SÚA XESTIÓN

Dirección Xeral de Desenvolvemento Rural

Axencia Galega de Desenvolvemento Rural (Agader)

1.1.1. PROGRAMA 551B - ACCIÓNS PREVENTIVAS E INFRAESTRUTURA FORESTAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O programa ten como obxectivo o financiamento das competencias da Dirección Xeral de Montes en materia de defensa contra os incendios forestais:

“Levará a termo as actuacións encamiñadas á defensa contra os incendios forestais, exercendo as funcións de programación, execución, avaliación e seguimento de medidas e accións contra os incendios forestais; e a elaboración de estudos e análise de causalidade e a coordinación de medios na loita contra os incendios forestais.”

As accións a levar a cabo neste programa deberán buscar, por definición, reducir ao mínimo os danos ecolóxicos, económicos e sociais producidos polos incendios forestais.

Para acadar ditos obxectivos a prevención e defensa contra os incendios forestais céntrase en dúas fronte:

- a) Redución do número de lumes.
- b) Redución das superficies queimadas.

POBOACIÓN OU COLECTIVO AO QUE SE DIRIXE

A poboación obxectivo do programa ten carácter universal pero tamén sectorial.

É universal porque o conxunto da poboación galega pode verse afectada nun determinado momento pola incidencia dun incendio forestal, polo risco que pode xerar non só sobre os bens de natureza forestal senón tamén sobre as persoas e sobre os bens de natureza non forestal.

Así mesmo, é sectorial porque o problema dos incendios forestais e a súa prevención afecta principalmente ao sector forestal, sector económico estratéxico para Galicia.

DETALLE DA SITUACIÓN DE PARTIDA

A situación dos incendios forestais en Galicia continúa a ser un dos principais problemas no medio natural da comunidade autónoma, especialmente para o seu sector forestal, de carácter estratéxico dentro da economía galega. Lamentablemente os incendios intencionados así como as negligencias continúan a ser maioritarias dentro das causas que están detrás dos lumes.

As estatísticas de incendios avalían esta situación, se ben é certo que tamén amosan claramente un descenso da media anual do número de lumes, dende os 10.000 de media do período 1995-2005, ata os 4.000 lumes dos últimos anos.

Este feito, de manterse á baixa nos próximos anos, podería significar un dato esperanzador de cara á futuro e a posibilitar unha solución ao problema.

Cada ano o desenvolvemento das accións previstas neste programa, tanto as de carácter territorial mediante traballos de prevención, así como as que se dirixen á poboación, a través da concienciación e da regulación normativa, contribúen a por control e intentar reducir ao mínimo os efectos negativos que os incendios producen sobre o noso medio natural. A persistencia na execución das accións do programa é fundamental para acadar os obxectivos fixados.

DEFINICIÓN DO MARCO NO QUE SE DESENVOLVE O PROGRAMA

A prevención e defensa contra os incendios forestais desenvólvese en Galicia no seguinte marco legal e de planificación:

- Lei 2/1985, do 21 de xaneiro, sobre Protección Civil.
- Lei 7/1985, do 2 de abril, Regulación das bases do Réxime Local.
- Lei 9/2001, do 21 de agosto, de conservación da natureza de Galicia
- Lei 43/2003, do 21 de novembro de montes. (BOE núm. 280).
- Lei 10/2006, do 28 de abril, pola que se modifica a Lei 43/2003, do 21 de novembro, de Montes.

- Lei 3/2007, do 9 de abril, de prevención e defensa contra os incendios forestais de Galicia .
- Lei 5/2007, do 7 de maio, de emerxencias de Galicia.
- Real decreto 1535/84, do 20 de xuño, sobre a ampliación e adaptación de funcións e servizos do Estado na Comunidade Autónoma de Galicia en materia de conservación da natureza.
- Real decreto 875/1988, do 29 de xullo, polo que se regula a compensación de gastos derivados da extinción de incendios forestais.
- Real decreto 407/1992, do 24 de abril, polo que se aproba a Norma Básica de Protección Civil.
- Decreto 3769/1972, do 23 de decembro, polo que se aproba o Regulamento da Lei de Incendios Forestais.
- Decreto 105/2006, do 22 de xuño, polo que se regulan as medidas relativas á prevención de incendios forestais, á protección dos asentamentos no medio rural e á regulación de aproveitamentos e repoboacións forestais.
- Orde do 18 de abril do 2007 pola que se zonifica o territorio con base no risco espacial de incendio forestal.
- Orde do 31 de xullo de 2007 pola que se establecen os criterios para a xestión da biomasa vexetal.
- Resolución do 11 de outubro de 1994, da Secretaría Xeral para a Protección Civil e o Medio Ambiente, pola que se ordena a publicación do plano territorial de protección civil da Comunidade Autónoma de Galicia (PLATERGA) (DOG núm. 236, do 9 de decembro) aprobado polo Consello da Xunta de Galicia o 12 de xullo de 1994, e homologado pola Comisión Nacional de Protección Civil o 30 de setembro de 1994. (Polo Decreto 56/2000, do 3 de marzo, foi publicada unha nova revisión (DOG núm. 62, do 29 de marzo de 2000).
- Resolución do 26 de Xuño de 2001, da Dirección Xeral de Interior e Protección Civil, pola que se dispón a publicación da revisión e actualización do Plan Especial de Protección Civil ante Emerxencias por Incendios Forestais na Comunidade Autónoma de Galicia.
- Regulamento (C.E.E.) núm. 307/97, Diario Oficial das Comunidades Europeas do 17 de febreiro, relativo á protección dos bosques na Comunidade contra a contaminación atmosférica.
- Plan de incendios forestais de Galicia (Pladiga).
- Plans de prevención e defensa contra os incendios forestais dos Distritos Forestais.

FINALIDADE E ESTRATEXIA DO PROGRAMA

Finalidade e estratexia do programa:

Concretase en actividades específicas que se dirixen a atender os dous obxectivos principais do programa:

- a) Redución do número de lumes
 - Actualización dos estudos espazo-temporais, e que evidencian a distribución espacial, temporal e horaria dos lumes ao longo do ano.
 - Redefinición das Zonas de Alto Risco de Incendios e de especial vixilancia, onde se realizarán Plans de investigacións policiais e forestais que permitan coñecer a súa casuística de cara a realizar un Plan de Ordenación do Territorio e Dos Seus Usos e un Plan de Resolución de Conflitos e Conciliación de Intereses.
 - Desenvolvemento das Campañas de educación forestal, sensibilización social e divulgación, dirixidas a cada un dos distintos estratos de poboación e diferenciando, ademais a poboación urbana e a rural.
 - Potenciación do Teléfono 085.
 - Incrementar a vixilancia preventiva e disuasoria (policial e forestal en todo o territorio), así como a presión policial nas zonas de alto risco e de especial vixilancia que se definan.

b) Redución da superficie queimada

Proponse a realizacións dos seguintes plans de actuacións:

b.1. Plan de vixilancia e detección: vixilancia dos montes, agrupacións de propietarios, de voluntarios, etc.

O plan contempla os recursos humanos e medios materiais necesarios para desenvolver os traballos de vixilancia e detección dos incendios por parte do dispositivo da Xunta de Galicia, e outras administracións, incluíndo especificamente aos corpos e Forzas de Seguridade do Estado e ás Forzas Armadas, ademais da colaboración dos distintos colectivos tanto rurais como urbanos con maior o menor vinculación ao monte (agrupacións de propietarios forestais, agrupacións de voluntarios, etc) para que tamén realicen no monte tarefas de vixilancia e detección de incendios. Estes colectivos apoiarán ao dispositivo de vixilancia e a súa presenza terá un efecto disuasorio fronte a posibles incendiarios.

b.2. Plan preventivo: potenciación das infraestruturas defensivas, fomento da silvicultura.

Este plan inclúe actuacións e traballos de carácter preventivo así como a construción e mantemento das infraestruturas defensivas contra incendios, entre os que destacan:

- A silvicultura preventiva coa xestión do combustible nas zonas de alto risco de incendio e a promoción de queimas controladas de outubro a maio nas zonas de pastoreo.
- A ampliación da rede de devasas e de puntos de auga .
- A mellora das instalacións e bases de medios aéreos.
- A construción e mellora de pistas e devasas.

Neste Plan contémpase realizar certas obras incluídas nos plans de Incendios dos concellos das zonas de alto risco.

Ademais dos investimentos propios da Subdirección Xeral de Prevención e Defensa contra os Incendios Forestais este Plan levarase a cabo tamén a través da participación social mediante convenios coas corporacións locais e de ordes de subvencións a Comunidades de Montes Veciñais en Man Común.

Os convenios coas entidades locais incluírán actuacións lineais de control selectivo do combustible nas beiras de vías e camiños forestais de titularidade destas entidades, de xeito que estas zonas queden limpas da vexetación con maior facilidade de ignición.

En relación coas subvencións a Comunidades de Montes Veciñais en Man Común faranse cambios respecto ás actuacións financiadas en ordes de subvencións de anos precedentes, centrando as accións en labores puramente de prevención e defensa contra incendios forestais que evitan a propagación dos posibles lumes e facilitan as tarefas de extinción. Estes traballos comprenderán:

- Construción e mellora de devasas.
- Rozas en áreas de devasas.
- Rozas en faixas auxiliares de pistas.
- Construción e mellora de pistas de penetración.
- Construción e mellora de puntos de auga.

b.3. Plan de extinción.

Un dispositivo de extinción insuficiente, escasamente profesional ou mal dirixido conduce a graves situacións de risco, a pouco que o dispositivo sexa sometido a carga de traballo. Por outra banda, a viabilidade dun espazo forestal, sostible e certificado, correspóndese cun escenario libre de incendios ou polo menos con certo control. Por isto, un dispositivo de extinción eficaz, profesional e preparado é totalmente imprescindible.

Continuarase coas modificacións xa previstas no dispositivo de defensa e da súa dimensión para adecualas tanto á realidade do problema como ao orzamento dispoñible.

b.4. Plan de formación do persoal e Plan de seguridade e saúde na prevención e extinción de incendios forestais.

Terá a máxima consideración esta formación específica, tanto na realización de traballos preventivos como no desenvolvemento dos traballos de extinción, cunha formación específica e sistemática.

b.5. Plan de renovación/adquisición de dotacións, equipamento e material de loita contra incendios.

Dentro das posibilidades das partidas orzamentarias, continuaranse coas renovacións de equipamentos e materiais empregados na extinción, do parque de motobombas e maquinaria, incorporando cantas novidades se consideren de interese e de mellora

ÓRGANOS ENCARGADOS DA SÚA XESTIÓN

Dirección Xeral de Montes

1.1.1. PROGRAMA 561A- PLAN GALEGO DE INVESTIGACIÓN, INNOVACIÓN E CRECEMENTO:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Necesidade que trata de atender o programa:

Este programa ten como finalidade desenvolver as actividades de I+ D+I nos sectores agrario, gandeiro e forestal, dentro das competencias atribuídas á Consellería do Medio Rural. O sector produtivo agrario ten que reforzar a introdución de novas ideas, adaptación ás demandas e innovacións, polo que o incremento de I+D+I é unha das principais necesidades do sector. Por iso, no 2012 incrementaranse as actuacións de desenvolvemento de actividades innovadoras coa participación en novos proxectos, o incremento das actuacións de desenvolvemento tecnolóxico de colaboración empresarial con centros tecnolóxicos e de investigación e o impulso da transferencia tecnolóxica.

No ámbito concreto do sector forestal este programa de gasto trata de dar resposta ás demandas, en materia de investigación e transferencia do sector forestal, e que supoñen:

- a) O incremento de forma continua da cantidade e calidade dos produtos forestais, entendidos como materia prima da industria de primeira e segunda transformación de Galicia para contribuír con iso a mellorar a súa posición competitiva.
- b) A transferencia no coñecemento científico desenvolvido respecto das limitacións do medio e das debilidades do manexo das plantacións, da produción en viveiro, das técnicas de preparación de chans e de implantación, do control de malezas, do balance nutricional, da prevención de incendios, pragas, enfermidades e dos danos de herbívoros.
- c) A mellora das técnicas de prevención de incendios, a través de o desenvolvemento de tratamentos silvícolas para diminuír a vulnerabilidade das masas forestais a incendios de copa e de alta intensidade, de técnicas de control de combustible en matogueiras e de seguridade respecto das técnicas de combate de incendios, así como a mellora da técnica do contralume.
- d) O coñecemento das técnicas de restauración de áreas queimadas, mediante a cuantificación do papel de lumes repetidos na sostibilidade dos ecosistemas de matogueira, do desenvolvemento de modelos de predición de supervivencia do arboredo despois de incendio ou das técnicas rápidas de control dos riscos hidrolóxico-erosivos post-

- a) incendio.
- b) E por último o avance na mellora e posta a punto dos métodos de detección e predición do dano e control de axentes patóxicos forestais.

POBOACIÓN OU COLECTIVO AO QUE SE DIRIXE

As actuacións van dirixidas ás empresas do sector agroalimentario e forestal, así como aos centros tecnolóxicos e de investigación.

No específico ámbito forestal os investimentos orzamentarios deste programa dirixiranse principalmente ao seguintes colectivos:

a) A propietarios, silvicultores e xestores forestais, a través do desenvolvemento de técnicas e métodos que optimicen áreas tan importantes de traballo como son a silvicultura, a prevención e loita contra incendios forestais, á restauración hidrolóxica-forestal ou a loita integral contra pragas e doenzas que danan os nosos bosques.

b) A empresas vinculadas á cadea monte-industria, especialmente aos viveiristas forestais, ás empresas forestais de servizos e a aquelas vinculadas coa primeira e segunda transformación da madeira en Galicia.

DETALLE DA SITUACIÓN DE PARTIDA

Cómpre consolidar os centros tecnolóxicos e de investigación dependentes da Consellería do Medio Rural para que contén cos medios e co persoal cualificado para desenvolver este tipo de actividades, e de incentivar o aumento da competitividade empresarial coa mellora tecnolóxica, a formación e a innovación son prioridades sinaladas polo Plan Estratéxico Galicia 2010-2014.

Galicia é unha comunidade eminentemente forestal cun potencial que se reflicte nas súas principais macrocifras, onde a superficie forestal abrangue o 70% da superficie total da comunidade, sendo o 98% desta cabida de natureza privada, estando arboradas máis de 1,4 millóns de hectáreas.

Pero o monte galego non está exento de ameazas, destacan entre elas os incendios forestais. No período 2005-2010 producíronse preto de 33.000 incendios que afectaron a algo máis de 190.000 hectáreas forestais, das cales unhas 80.000 arboradas, é dicir, de media se produciron anualmente 5.500 incendios que queimaron 32.000 ha de superficie forestal das cales 14.000 estaban arboradas.

Doutra banda, a posición competitiva da nosa industria forestal de primeira transformación, sobre todo tendo en conta a súa vocación exportadora, é unha das principais debilidades a ter en conta, xa que, a totalidade da pasta de celulosa producida, o 80% da madeira serrada e o 78%

dos taboleiros se comercializan fóra de Galicia.

No caso da pasta de celulosa o custo da madeira necesaria para fabricar unha tonelada de pasta é un 11% maior que en Portugal, un 30% superior que en Canadá, un 50% máis que no leste dos EUA, e máis de tres veces que en Brasil, produtor de referencia para pastas de eucaliptos. E no caso dos serradoiros de madeira de da especie *Pinus pinaster*, a especie máis común en Galicia, Portugal e Aquitania (Francia), o custo medio da madeira con codia posta nos parques de madeira de Galicia é un 22% máis elevado que en Portugal e un 76% máis que en Aquitania.

Por tanto debe afondarse no desenvolvemento científico co fin de desenvolver, mellorar e poñer a punto técnicas e protocolos de actuación que doten dunha maior eficacia e eficiencia ás actividades e procesos que se están a desenvolver no monte galego co fin de aumentar o valor engadido e fortalecer a posición do sector forestal galego nos mercados estatais e internacionais.

DEFINICIÓN DO MARCO NO QUE SE DESENVOLVE O PROGRAMA

A Lei 2/2005 de calidade alimentaria, sinala que un dos principais campos de actuación do Ingacal será a investigación e o desenvolvemento tecnolóxico no sector alimentario galego. O Ingacal pretende actuar de dinamizador, colaborando coa industria agraria e alimentaria, promovendo e participando directamente en actividades de investigación e desenvolvemento tecnolóxico neste ámbito así como no eido dos procesos produtivos primarios, e integrando as actuacións realizadas a través dos centros de investigación e estacións experimentais anexas, xunto coas do Laboratorio Agrario e Fitopatolóxico de Galicia da actual Dirección Xeral de Innovación e Industrias Agrarias e Forestais da Consellería do Medio Rural.

A este conxunto súmase as actuacións do Centro Tecnolóxico da Carne de Ourense, fundación de interese público galego, que realiza tarefas de investigación aplicada, transferencia tecnolóxica e prestación de servizos ás empresas en materias de produción e transformación agroalimentaria, en particular de produtos cármicos.

Enmarcase tamén neste programa e no marco do PDR 2007/2013 unha liña de financiamento para desenvolvemento de novos produtos e sistemas produtivos, liña que ten como obxectivo impulsar a innovación nas empresas, que permita o desenvolvemento de novos produtos transformados, a investigación e formación de novas producións agrarias de alto valor engadido con capacidade de expansión, o aproveitamento da diversidade do material xenético local e a colaboración con outros centros que desenvolvan actividades de investigación relacionadas co sector agrario, forestal e alimentario.

FINALIDADE E ESTRATEXIA DO PROGRAMA

En todas as actividades terán prioridade aqueles proxectos que busquen solucións para adaptar os sistemas produtivos existentes ás novas necesidades da actividade agraria e na industria, e para a diversificación e aumento da eficiencia e calidade dos sistemas de produción, con especial atención ao desenvolvemento do patrimonio xenético autóctono de aptitude agroalimentaria, e aos sectores cármico e lácteo.

Actividades:

1. Redacción e realización de proxectos de investigación nas áreas prioritarias definidas polo Plan Galego de Investigación, Desenvolvemento e Innovación Tecnolóxica, do novo plan de investigación, innovación e crecemento 2011-2015 e dos plans estatais e internacionais correspondentes. Colaboración nas actividades de transferencia de tecnoloxía, formación e divulgación realizadas pola consellería.
2. Financiamento a través do Ingacal do gasto de funcionamento vinculado á actividade investigadora dos centros de investigación dependentes da Dirección xeral de Innovación e Industrias Agrarias e Forestais da Consellería do Medio Rural.
3. Programa de mellora das infraestruturas de apoio á investigación do Ingacal, mediante a renovación e adecuación de instalacións e equipamento científico-técnico.
4. Apoio ás actuacións do Centro Tecnolóxico da Carne que realiza tarefas de investigación aplicada, transferencia tecnolóxica e prestación de servizos ás empresas en materias de produción e transformación agroalimentaria, en particular de produtos cármicos.
5. Colaboración con iniciativas doutros centros e entidades investigadoras que desenvolvan proxectos de interese para o sector agroalimentario galego
6. Plan de dinamización da innovación na industria agraria e alimentaria mediante un programa de axudas á cooperación entre produtores, industria e investigación para o desenvolvemento de novos produtos, procesos e tecnoloxías, orientados prioritariamente ás producións de calidade diferenciada, a produción integrada e ecolóxica, ao aproveitamento de subprodutos, e as enerxías renovables na agricultura integrado no PDR 2007/2012.

No ámbito forestal as principais finalidades deste programa serán:

7. Aumentar a cantidade e calidade dos produtos forestais, entendidos como materia prima da industria de primeira e segunda transformación de Galicia para contribuír con iso a mellorar a súa posición competitiva.
8. Avaliar o posible impacto do cambio climático nos bosques atlánticos, e nomeadamente nos bosques galegos.
9. Concretar e executar diversas actuacións innovadoras de elevado valor engadido tecnolóxico diagnosticadas como necesarias para previr e incrementar a seguridade e eficacia na extinción de grandes incendios forestais na nosa comunidade.
10. Continuar a desenvolver actuacións de mellora dentro dos campos de investigación de mellora xenética forestal e caracterización molecular das principais especies forestais en Galicia.

ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

Instituto Galego de Calidade Alimentaria (Ingacal)

Dirección Xeral de Montes

1.1.1. PROGRAMA 581A - ELABORACIÓN E DIFUSIÓN ESTATÍSTICA:

DESCRIPCIÓN DO PROGRAMA

NECESIDADE QUE TRATA DE ATENDER O PROGRAMA

Recompilar e sintetizar a información relativa ao territorio, os recursos naturais, a estrutura produtiva nas explotacións e as industrias transformadoras do medio rural como base da avaliación da realidade, das necesidades, dificultades e resultados nas áreas relacionadas coas actividades dos sectores agro-gandeiro, forestal e alimentario galego.

Manter a periodicidade das operacións definidas co fin de proporcionar datos para análise da súa evolución.

POBOACIÓN OU COLECTIVO AO QUE SE DIRIXE

Poboación en xeral e empresas e profesionais do sector.

DETALLE DA SITUACIÓN DE PARTIDA

As operacións tanto do programa rexional como nacional foron definidas e programadas tanto no alcance como na súa periodicidade de acordo coas necesidades sectoriais de información.

DEFINICIÓN DO MARCO NO QUE SE DESENVOLVE O PROGRAMA

O obxectivo deste programa é a execución das operacións estatísticas encomendadas á Consellería do Medio Rural dentro do Plan Galego de Estatística (PGE) para o 2012 e das conveniadas co Ministerio de Medio Ambiente, Medio Rural y Marino (MARM).

No marco deste programa inclúense tamén as actividades de apoio para o seguimento de prezos e mercados agrarios e as acordadas no marco do Observatorio do Sector Lácteo de Galicia, atribuídas ao mesmo no Decreto 61/2007, do 22 de marzo e que se relacionan fundamentalmente coa recompilación de información técnico-económica das explotacións de vacún de leite, e índices de referencia que se consideren axeitados para o coñecemento da evolución do sector lácteo, e a subministración aos axentes representativos do sector de información sobre a situación estrutural e conxuntural do sector.

FINALIDADE E ESTRATEXIA DO PROGRAMA

A estratexia deste programa concrétese na realización destas actividades:

Realización de estatísticas aprobadas no Plan Galego de Estatística 2012: explotación do rexistro de avicultura; estatística de sacrificio de gando en matadoiros; estrutura do viñado de vinificación; enquisa do sector avícola; superficies agrícolas; explotación do rexistro de gando bovino; explotación do rexistro de ovino e cabrún; explotación do rexistro de maquinaria agrícola; explotación do rexistro da agroindustria; prezos agrarios; prezos da terra; prezos do leite; prezos de produtos lácteos en destino; rendementos de cultivos; estatística do sector hortoflorícola; utilización de medios de produción na explotación agraria; macromagnitudes agrarias; sector cunícola; sector porcino industrial; repoboación con fondos públicos; incendios forestais; produ

cións forestais; explotación do rexistro de montes veciñais de man común e superficie forestal cuberta por especies.

Realización das operacións conveniadas co MARM para a elaboración das estatísticas agregadas a nivel estatal e da UE: actualización dos directorios de ruminantes e porcino; enquisa de vacún, produción e destino do leite; enquisa de ovino; enquisa de porcino; enquisas de salas de incubación; enquisa de sacrificio en matadoiros; aforos de cultivos; avance de superficies e producións agrarias; enquisa de prezos da terra e canons de arrendamentos rústicos; prezos e salarios agrarios e prezos de produtos de interese estatal e da UE.

Realización das estatísticas e estudos no marco do Observatorio do Sector Lácteo e doutros estudos relativos ao sector agrario que se lle encomenden, dentro do ámbito da Consellería do Medio Rural.

Apoio á obtención e seguimento de prezos e mercados agrarios

Publicación dos principais resultados das operacións estatísticas: Anuario de Estatística Agraria e Macromagnitudes Agrarias, así como outras que se lle encomenden en materia de difusión de resultados de investigación e experimentación e, en xeral, de transferencia tecnolóxica.

ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

1.1.1. PROGRAMA 711A - DIRECCIÓN E SERVIZOS XERAIS DO MEDIO RURAL: DESCRICIÓN DO PROGRAMA NECESIDADE QUE TRATA DE ATENDER O PROGRAMA

O obxecto deste programa de gasto é o funcionamento e a coordinación dos servizos centrais e periféricos, tanto no que atinxe aos medios humanos como aos materiais e de organización, actuando de soporte básico para a execución do resto dos programas da consellería e co obxectivo de acadar unha maior calidade, eficacia e eficiencia na prestación de servizos públicos aos cidadáns en xeral e, dun xeito particular, ás persoas vinculadas social e economicamente ao medio rural en Galicia.

Na execución deste programa de gasto no exercicio 2012 se seguirá a renovar e modernizar os medios materiais para o desenvolvemento das funcións do persoal da consellería (material de transporte, de oficina, informático), e destinará unha parte significativa dos recursos a mellorar os sistemas de información, incorporando os avances tecnolóxicos para unha xestión administrativa mais transparente e eficaz.

Por outra banda, son obxectivos deste programa a divulgación e promoción dos sectores agropecuario e forestal de Galicia, estimulando a demanda, a divulgación do medio rural en xeral, mellorando a percepción que a poboación ten do mesmo, así como a divulgación do patrimonio natural de Galicia, co que se contribuirá a unha maior conciencia conservacionista da poboación.

Así mesmo destinaranse fondos do programa á realización de actuacións de fomento de interese xeral para toda a consellería, como a promoción e fortalecemento do asociacionismo agrario en Galicia.

POBOACIÓN OU COLECTIVO AO QUE SE DIRIXE

Dado que o programa de gasto incide directamente no funcionamento da estrutura administrativa da Consellería de Medio Rural, o colectivo mais afectado son os cidadáns demandantes de servizos prestados pola mesma.

DETALLE DA SITUACIÓN DE PARTIDA

Principais problemas e carencias:

- Necesidade de renovación periódica dos bens de que dispón a consellería para a prestación de servizos, así como de incorporar as novas tecnoloxías, coa fin de axilizar a tramitación e mellorar a calidade do servizo.
- Por outra banda, existe en Galicia unha necesidade de incrementar a valoración dos cidadáns polo medio rural, así como polo patrimonio natural que posúe Galicia.
- Por último, deben prestarse apoio institucional ás asociacións agrarias, pola súa función vertebradora do entramado social do medio rural e de defensa dos sectores económicos vinculados a este.

Definición da situación á que se quere chegar:

- Prestación duns servizos públicos de calidade no marco, na medida do posible, dunha racionalización do gasto público
- Incremento do coñecemento e a estima, por parte da cidadanía en xeral, da actividade agropecuaria, do medio rural e o patrimonio natural de Galicia
- Incremento do asociacionismo agrario que colabore a unha mellor defensa do sector.

O exercicio orzamentario 2012 ven condicionado pola particular situación de crise económica internacional que estamos a padecer. A diminución da actividade económica así como a perda de capacidade de endebedamento da Comunidade Autónoma teñen como consecuencia unha redución de recursos da facenda pública que terá incidencia no orzamento de gastos de toda a consellería. Neste escenario enténdese que este tipo de programas de gasto deban asumir un maior recorte de fondos en favor de programas de gasto con maior impacto na dinamización da economía. Por este motivo é obxectivo principal deste programa de gasto optimizar os recursos con criterios de eficacia e eficiencia, evitando que esta redución afecte á prestación de servizos.

DEFINICIÓN DO MARCO NO QUE SE DESENVOLVE O PROGRAMA

Disposicións legais: Na execución deste programa veranse afectadas as principais leis de dereito administrativo (procedemento, persoal, xestión orzamentaria, contratación...).

FINALIDADE E ESTRATEXIA DO PROGRAMA

As actividades nas que se concreta a estratexia deste programa son as seguintes:

1. Xestión do persoal do departamento.
2. Tramitación do gasto corrente e investimentos asociados ao funcionamento dos servizos administrativos, tanto centrais como periféricos, así como a realización de tarefas de xestión económico-administrativa.
3. Modernización e informatización dos servizos centrais e periféricos da consellería.
4. Implantación da tramitación electrónica nos procedementos de axudas e autorizacións da Consellería do Medio Rural.
5. Realización de estudos e traballos técnicos en temas xerais da consellería e demais actividades de apoio que lle sexan encomendadas.
6. Coordinación dos servizos e centros administrativos dependentes da consellería.
7. Tramitación de toda a produción normativa no eido agrario e forestal da Xunta de Galicia,
8. Contribuír ao fortalecemento das organizacións profesionais agrarias de Galicia
9. Actividades de promoción agraria e difusión de información relativa ao agro, ao desenvolvemento rural e ao patrimonio natural.

ÓRGANOS ENCARGADOS DA SÚA XESTIÓN

Secretaría Xeral Técnica

1.1.1. PROGRAMA 712A - FIXACIÓN DE POBOACIÓN NO MEDIO RURAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O programa de fixación de poboación no medio rural ten os seguintes obxectivos estratéxicos:

1. Potenciar un desenvolvemento económico sostible e un desenvolvemento territorial cohesionado, a través do fomento da creación e consolidación de actividades económicas sostibles no medio rural a través de pemes, fomento da diversificación das actividades económicas sostibles no medio rural, fomento da competitividade das actividades económicas vinculadas ao mundo agroforestal, apoio á creación de emprego e fomento do autoemprego.
2. Contribuír á mellora da calidade de vida dos habitantes do rural, a través da creación e consolidación de dotacións, equipamentos, infraestruturas e servizos básicos para o desenvolvemento no medio rural, fomento das novas tecnoloxías da información no medio rural,

1. conservación e uso sostible do patrimonio natural e cultural rural.
2. Articular a planificación e coordinación de investimentos no rural e potenciar as sinerxías e efectos multiplicadores das actuacións horizontais, a través da execución de estratexias locais de desenvolvemento, fomento do tecido asociativo social, cultural e económico no medio rural, fomento da participación pública e privada no proceso de desenvolvemento.

POBOACIÓN OU COLECTIVO AO QUE SE DIRIXE

A poboación rural de Galicia.

DETALLE DA SITUACIÓN DE PARTIDA

Ao longo das últimas décadas as áreas rurais veñen experimentando en Galicia unha acelerada caída do emprego agrario, xeneralizada ao longo e ancho do territorio continental, que non se viu compensada pola creación de novos postos de traballo en cantidade suficiente nos outros sectores económicos. Esta destrución neta de emprego ten a súa tradución en termos demográficos, estando na orixe do despoboamento e o crecente envellecemento da poboación no rural. A loita contra o envellecemento e a despoboación rural precisa actuacións que xeren crecemento económico e melloren a calidade de vida no rural. Cómpre manter un rural vivo, atractivo e dinámico, no que sen perder de vista os criterios de protección ambiental, se fomente un desenvolvemento das actividades económicas que contribúan a fixar poboación no rural

DEFINICIÓN DO MARCO NO QUE SE DESENVOLVE O PROGRAMA

A Axencia Galega de Desenvolvemento Rural (Agader), foi creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo, configurándose como un instrumento para o fomento e coordinación do desenvolvemento no territorio rural galego para mellorar as condicións de vida e evitar o despoboamento dese territorio. Entre as funcións atribuídas destacan a elaboración de estratexias e plans integrados de coordinación de actuacións de diversa natureza no medio rural e a difusión das políticas e medidas de desenvolvemento rural, a dinamización e coordinación dos grupos de desenvolvemento rural.

As funcións de Agader previstas nos seus comezos aparecen recollidas no Decreto 79/2001, do 6 de abril, polo que se aproba o Regulamento da Axencia Galega de Desenvolvemento Rural (DOG núm. 77, do 20 de abril). Posteriormente modificáronse polo artigo 2 da Lei 12/2008, do 3 de decembro, pola que se modifica a Lei 7/1996 e a Lei 5/2000 (DOG nº 244, do 17 de decembro), e polo apartado dous da disposición derradeira da Lei 15/2010, do 28 de decembro, de medidas fiscais e administrativas (DOG nº 250, do 30 de decembro).

No marco do segundo pilar de desenvolvemento rural derivado da aplicación da Política Agrícola Común (PAC) da UE, aplícanse en Galicia as medidas do regulamento 1698/2005 a través do documento de planificación denominado “Programa de desenvolvemento rural de Galicia 2007-2013”, que se desenvolve en 4 eixos máis outro eixo 5 horizontal de asistencia técnica. Agader está encargada da aplicación dos eixos 3 e 4 (LEADER) e máis do apoio á implementa

ción operativa do eixo 5.

O Eixo 3 tradúcese en orden de axuda en concorrncia competitiva para proxectos dinamizadores do medio rural e o eixo 4 na aprobación das axudas que conceden os grupos de desenvolvemento rural no marco da filosofía LEADER e que son a implementación real do eixo 4.

Nestes momentos Agader está inmersa, ademais, na posta en marcha da Lei 45/2007, de 13 de decembro, de desenvolvemento sostible do medio rural e do Real Decreto 752/2010, que aproba o primeiro “Programa de desenvolvemento rural sostible 2010-2014”, que desenvolve a devandita lei. Tal e como establece a lei, esta se aplicará no territorio en base aos coñecidos como plans de zona. Para a aplicación, coordinación, seguimento e avaliación dos plans de zona, Agader reservará unha dotación orzamentaria para asistencia técnica.

FINALIDADE E ESTRATEXIA DO PROGRAMA

O programa ten como obxectivos contribuír de forma eficaz á diversificación económica, á modernización do tecido produtivo rural, e a mellora da calidade de vida e nese marco, desenvolvendo as seguintes actuacións:

1. A xestión, control e seguimento dos programas con enfoque Leader, centrándose durante o ano 2012 as accións de Agader en acadar un nivel axeitado de execución do Programa Leader 2007-2013, despois da posta a punto dos mecanismos de implementación.
2. Aplicación de programas de apoio a iniciativas de desenvolvemento rural, executados directamente por Agader:
 - a) Convocatoria de axudas a proxectos a desenvolver nas áreas rurais de Galicia e implementación das novas medidas que Agader executará directamente dentro do programa de desenvolvemento rural 2007-2013.
 - b) Estudo, impulso e execución, se é caso, de investimentos directos cara á implantación ou mellora de servizos básicos para a economía e a poboación rural, así como de convenios con axentes socioeconómicos públicos e privados do medio rural, destinados á posta en marcha de plans e accións específicas destinados á dinamización económica e a mellora da calidade de vida no medio rural.
 - c) Coordinación das actuacións recollidas nos plans de zona redactados e executados ao abeiro da Lei 45/2007, de desenvolvemento sostible do medio rural e do Programa de desenvolvemento rural sostible 2010-2014.
 - d) Premios Agader ás iniciativas de desenvolvemento rural.

En relación coas liñas de actuación dos plans Impulsa Lugo e Ourense, Agader apoiará a creación de novas prazas de aloxamento rurais en concellos de Lugo e Ourense, promovendo subvencións cos GDR para este fin con concellos de Lugo e Ourense.

ÓRGANOS ENCARGADOS DA SÚA XESTIÓN

Axencia Galega de Desenvolvemento Rural (Agader)

1.1.1. PROGRAMA 712B - MODERNIZACIÓN E DIVERSIFICACIÓN DO TECIDO PRODUTIVO RURAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O despoboamento do rural é, sen dúbida, un problema estratéxico que a sociedade galega debe afrontar. Neste camiño, parece claro que a produción agropecuaria segue a constituír o pilar imprescindible sobre o que asentar o desenvolvemento do rural. Cómpre apoiar a reestruturación dos sistemas produtivos, en aras da mellora da súa competitividade, fomentar o relevo xeracional nas explotacións agropecuarias galegas e establecer medidas complementarias de apoio á renda en zonas con dificultades especiais. Adicionalmente, resulta imprescindible ofrecer apoio a aquelas posibilidades que permiten unha mellora na calidade de vida no rural, como pode ser o establecemento de servizos de substitución.

Este programa financia investimentos nas explotacións dirixidos a mellorar a súa eficacia produtiva; indemnizacións aos agricultores que residan en zonas onde a actividade agraria presenta dificultades especiais; e o apoio a sistemas produtivos respectuosos co ambiente.

De xeito particular, seguen a fomentarse os investimentos que reducen os custes de produción, a través de aforros nos sistemas enerxéticos e mediante a xestión axeitada dos recursos propios das explotacións. Tamén seguen a implementarse accións tendentes a reestruturar as superficies de pastoreo das comunidades de montes veciñais en man común, fundamentalmente as situadas en zonas de montaña. Este programa contempla, ademais, o apoio ás explotacións que desenvolvan unha agricultura sostible e respectuosas co medio ambiente ou ligadas ao benestar animal.

POBOACIÓN OU COLECTIVO AO QUE SE DIRIXE

Agricultores e gandeiros que necesitan dimensionar a estrutura produtiva das súas explotacións agrarias; que queren establecer métodos de produción máis respectuosos co ambiente e mellorar o marxe técnica económica das súas explotacións.

Os xoves agricultores que se queren incorporar a actividade agraria son igualmente obxectivo prioritario da atención do programa.

Tamén se destinan axudas a entidades con capacidade para asesorar ás explotacións gandeiras e organizar servizos de substitución.

DETALLE DA SITUACIÓN DE PARTIDA

O agro galego está a vivir unha redución global no número de explotacións gandeiras, principalmente no sector lácteo, que parcialmente se adaptan para a produción cárnica. Este proceso vai da man dun incremento da dimensión media das explotacións, que aínda debe mellorar. O

esforzo inversor dos agricultores galegos nos últimos anos está a render resultados positivos nas ratios de rendibilidade; cómpre, por tanto, manter o apoio a este esforzo.

Non obstante, será necesario traballar na vertebración do sector, promovendo unha presenza máis directa dos agricultores no mercado. Neste senso, a formación e asesoramento dos agricultores é unha peza imprescindible no escenario de futuro.

DEFINICIÓN DO MARCO NO QUE SE DESENVOLVE O PROGRAMA

As medidas deste programa están incluídas no Programa de Desenvolvemento Rural de Galicia, cofinanciado polo FEADER, que constitúe o marco normativo básico a respectar.

FINALIDADE E ESTRATEXIA DO PROGRAMA

A estratexia deste programa concrétese na realización das seguintes accións:

1. Incorporación de agricultores mozos: o relevo xeracional no agro galego é fundamental para a subsistencia do tecido social.
2. Plans de mellora nas explotacións: as liñas de axuda existentes perseguen a mellora da eficacia e sostibilidade das explotacións agrarias; a mellora das condicións de vida e traballo; a ordenación das producións en función das necesidades de mercado; a adaptación das explotacións para reducir os custos de produción, aforrar enerxía, ou incorporar novas tecnoloxías; o cumprimento das normas mínimas en materia de medio ambiente, hixiene e benestar dos animais e a mellora das condicións de hixiene das explotacións gandeiras. As axudas consisten nun apoio económico e financeiro ao investimento que se pretenda realizar na explotación, primando as explotacións en que os titulares sexan mozos e aquelas que radiquen en zonas de montaña ou desfavorecidas.
3. Axudas a titulares de explotacións para aconsellamento por parte de entidades: o asesoramento das explotacións é unha ferramenta que axuda en gran medida a que as explotacións poidan acadar os obxectivos da súa actividade, tanto socioeconómicos como de cumprimento de requisitos medio ambientais. Para facilitar o acceso ao asesoramento das explotacións, e dentro do marco europeo e nacional do novo período de programación 2007-2013 para o Desenvolvemento Rural, existen axudas para cada explotación que utilice os servizos de aconsellamento de entidades recoñecidas pola Consellería do Medio Rural.
4. Axudas de xestión, aconsellamento e substitución: establécense axudas ás entidades de aconsellamento que presten servizos ás explotacións que así o requiran de xestión, substitución e aconsellamento, como mínimo, en materia de cumprimento dos requisitos legais de xestión e boas prácticas agrarias e medio ambientais.
5. Axudas a determinado tipo de agricultores polas difíciles condicións agroclimáticas nas que están a desenvolver a súa actividade produtiva.
6. Favorecer a implantación de sistemas de produción agrogandeira respectuosos co medio ambiente e co benestar dos animais.
7. Favorecer a competitividade e redimensionamento das explotacións agrogandeiras a través da mobilidade de terras incultas.

ÓRGANOS ENCARGADOS DA SÚA XESTIÓN

Dirección Xeral de Produción Agropecuaria

Fondo Galego de Garantía Agraria (Fogga)

1.1.1. PROGRAMA 712C - FOMENTO DO ASOCIACIONISMO AGRARIO E DIVULGACIÓN DA TECNOLOXÍA AGRARIA:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O fomento do asociacionismo representa unha ferramenta de grande potencialidade para a reestruturación do sector agrario galego, intervindo positivamente en todos os seus factores de produción, para acadar obxectivos de sustentabilidade económica e medioambiental. Estas vantaxes son especialmente relevantes na mellora dos procesos de produción, xestión e dirección empresarial a nivel da explotación agraria, e que polo tanto contribúe a unha mellora da rendibilidade, aparte de reportar grandes beneficios na vertente social en canto a calidade de vida, traballo e creación de emprego.

Así o asociacionismo agrario é un impulsor do desenvolvemento rural no seu conxunto, e gran dinamizador da economía e da sociedade rural, contribuíndo de forma efectiva a súa fixación no medio.

POBOACIÓN OU COLECTIVO AO QUE SE DIRIXE

As cooperativas agrarias, cooperativas de explotación comunitaria da terra e SAT, que acrediten ser titulares de explotación agraria.

As cooperativas agrarias e SAT, que desenvolvan ou pretendan desenvolver actividades na fase de produción agraria.

DETALLE DA SITUACIÓN DE PARTIDA

As explotacións agrarias atopan dificultades para afrontar o continuo cambio que se produce nuns procesos produtivos e comerciais, cada vez mais esixentes, así como para adaptarse a unha moderna estrutura do tempo de traballo e lecer. O asociacionismo representa, neste senso, unha alternativa chamada a se converter no instrumento fundamental no que asentar a futura evolución do desenvolvemento rural do noso modelo agrario, e poder afrontar os desafíos que a propia política común comporta.

Outro aspecto chave para unha favorable evolución do sector, é a mellora da estrutura na vertente da transformación e comercialización, tendente ao peche dos ciclos produtivos.

A rápida evolución nas dúas últimas décadas do desenvolvemento do subsector de gando vacún, e en especial o do leite, propiciou desequilibrios nos factores de produción que se mani

festaron fundamentalmente en problemas de adaptación das estruturas produtivas e da man de obra. Este desequilibrio provocou profundos cambios nos modelos produtivos, con repercusións no abandono de actividades propias do sistema produtivo deste subsector.

DEFINICIÓN DO MARCO NO QUE SE DESENVOLVE O PROGRAMA

O Programa de Desenvolvemento Rural de Galicia, financiado con fondos comunitarios do FEADER, estatais e autonómicos, configura o marco económico do programa.

En tanto que Galicia ten competencias exclusivas en materia de agricultura, o marco normativo responde ás esixencias comunitarias en materia de axudas de estado e aos condicionantes da normativa sectorial estatal de carácter básico.

FINALIDADE E ESTRATEXIA DO PROGRAMA

Os cambios que supoñen as orientacións da política agraria común (PAC), así como a evolución de todo un complexo conxuntural de carácter socioeconómico, cultural, de mercado a nivel internacional, fai necesario dar pasos máis decididos na dirección dun asociacionismo de maior dimensión, integrado, e máis eficiente no desenvolvemento de actividades, con maior capacidade de xerar valor engadido, cunha maior capacidade de diversificación das súas actividades, maior decisión para afrontar iniciativas na industrialización e comercialización das producións dos seus socios.

Todos estes retos concitan a necesidade de melloras integrais; transformación profunda na dimensión empresarial, modelos e técnicas de organización e de xestión, cambio nos modelos produtivos, que precisan dunha nova orientación nos modelos e sistemas de formación e información. As posibilidades de diversificación produtiva e de calidade das nosas producións invitan a ser optimistas de cara a mercados cada día máis amplos, aínda que complexos, pero ao mesmo tempo abertos a múltiples posibilidades.

Así mesmo, preténdese reforzar a interlocución institucional agraria, articulando mecanismos eficaces de participación do sector agrario coa Administración, asegurando a presenza dos intereses dos produtores agrarios nos procesos de avaliación e decisión das políticas agrarias, e potenciando ás organizacións profesionais agrarias pola súa contribución no fornecemento do sector a través do intercambio de opinións entre a Administración e os produtores e produtoras agrarios.

ÓRGANOS ENCARGADOS DA SÚA XESTIÓN

Dirección Xeral de Producción Agropecuaria

1.1.1. PROGRAMA 713A - MOBILIDADE DE TERRAS AGRARIAS IMPRODUTIVAS:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A agricultura galega necesita unha decidida política de reforma das estruturas agrarias, contemplados tamén noutros programas desta consellería, e que teñen especificamente neste unha importancia significativa: trátase da posta en valor de terras agrarias que hoxe están infrautilizadas, improdutivas e, mesmo en situación de grave abandono que poden causar danos aos bens públicos ou privados do contorno.

Entre outras actuacións lévanse a cabo accións para fomentar o uso de superficies de Montes Veciñais en Man Común (MVMC), sempre mediante actuacións de carácter non produtivo pero que reportan gran cantidade de beneficios medio ambientais. Estas actuacións están enfocadas a actuacións que fomenten as melloras en aspectos medio ambientais nos MVMC, conservación da paisaxe, así como de fixación de poboación en zonas desfavorecidas. Tamén favorecendo a limitación da erosión en zonas axeitadas para elo, así como de loita contra os lumes. Estas actuacións tamén abranguen medidas destinadas a favorecer a conservación no monte, de determinadas razas autóctonas galegas, sobre todo de vacún de carne, en perigo de extinción.

Tampouco podemos esquecer que a ganadería ligada á terra ten un peso importante na economía galega, e ademais é a principal actividade económica xeradora de rendas de moitas familias nas comarcas da Galicia interior.

Ante esta situación, estableceuse un programa de mobilidade de terras agrarias que arbitra medidas destinadas a reformar e ordenar as estruturas agrarias de Galicia, evitar a perda de superficie agraria útil e aumentar a capacidade produtiva da terra, favorecendo a súa mobilidade, de maneira que as explotacións agrarias dispuxesen das fincas infrautilizadas e aumentasen a súa base produtiva.

Neste senso, aprobouse a Lei de conservación da superficie agraria útil e do banco de terras de Galicia, no que se define o instrumento básico do programa, o Bantegal, un organismo público de intermediación para favorecer a mobilidade de terras entre as explotacións agrarias.

O artigo 16.dous da Lei 15/2010, do 28 de decembro, de medidas fiscais e administrativas, autoriza ao Consello da Xunta de Galicia a proceder á disolución da Sociedade Anónima Xestora do Banco de Terras de Galicia (Bantegal) e dispón que corresponderá á Axencia Galega de Desenvolvemento Rural (Agader) a xestión do Banco de Terras de Galicia mediante a modificación da súa lei de creación.

O banco de terras establece a necesidade de poñer en valor as terras con evidente aptitude agraria, e frear a perda de superficie agraria útil, modernizar a base produtiva das explotacións, contribuíndo a fixar poboación, e potenciar a incorporación de persoas á actividade agraria, mellorando a renda dos produtores, e por último trata de instrumentar novas medidas de reforzo da mobilidade como unha forma de xestionar mellor o territorio e manter a súa sustentabilidade.

As terras, por unha banda, garanten que esta propiedade agraria sexa utilizada e explotada en termos acordes a súa alta potencialidade agronómica e, por outra, que a demanda de solo ou as necesidades de mellora da base territorial xerada polos novos proxectos de explotación e

investimento, ou a innovación dos existentes, poida contar cunha oferta correlativa e suficientemente fluída de solo para a súa posta en marcha.

POBOACIÓN OU COLECTIVO AO QUE SE DIRIXE

As actuacións deste programa inciden directamente no sector agrogandeiro, e logo da previsible aprobación da futura lei de mobilidade de terras, tamén nos sectores forestais e conservacionistas, tanto no eido natural como histórico-artístico.

De xeito indirecto, debido o seu obxectivo de frea do abandono e polo tanto a mellora da conservación ambiental, o programa tamén se dirixe a toda a poboación que desenvolve a súa actividade vital no medio rural.

Tamén son colectivos afectados por este programa as comunidades de montes veciñais en man común, así como asociacións de agricultores e gandeiros que establezan un contrato de arrendamento dun monte, para a realización de investimentos non produtivos que permitan realizar determinadas actividades agrogandeiras, nestas superficies.

DETALLE DA SITUACIÓN DE PARTIDA

A situación de partida que da orixe necesidade da existencia deste programa de gasto ven referida polos seguintes factores:

- a) A organización integral e multifuncional do territorio de Galicia, caracterizado este por ser dunha gran complexidade froito das múltiples decisións tomadas sobre parcelas de moi reducido tamaño orixina escenarios onde se combinan diferentes usos do solo en espazos moi reducidos.
- b) A socioloxía galega, da que destaca o apego a terra, a consideración desta como un valor refuxio para momentos de crise, a ausencia de moitos propietarios do medio rural e o abandono e descoñecemento da propiedade de moitos predios con vocación agraria.
- c) Nas comunidades de MVMC que teñen determinado tipo de gando no monte e queren realizar investimentos para acondicionar o territorio, cunha situación de partida na que existen matogueiras e accesos e pistas non libres, non hai peches nin cerramentos. En definitiva, investimentos non produtivos en superficies de montes que non están acondicionadas.

Isto da lugar á existencia dun enorme caudal de terra con capacidade produtiva que debe de ser mobilizada para mellorar o rendemento das explotacións galegas.

Nos últimos anos o Banco de Terras de Galicia ven levando a cabo unha labor non so de dinamización, senón tamén de xestión e intermediación na transferencia temporal deses predios para favorecer os obxectivos expostos. Dende a súa creación no 2007, mais de 1500 predios foron postos en valor a través do arrendamento dos mesmos o cal supón unha cantidade importante tendo en conta as eivas que se arrastran pola Lei que regula a súa actividade e que está en

tramite de ser modificada.

DAFO:

1) Debilidades:

- A elevada fragmentación da terra en Galicia
- O elevado número de propietarios en fincas indivisibles (herdanzas)
- O estado agronómico dalgúns predios con mais potencial produtivo
- A desconfianza que aínda xera o Banco de Terras de Galicia.
- A falta de recursos humanos que permitan unha mellor divulgación das actividades que se pretenden levar a cabo.

2) Ameazas:

- O abandono rural
- O abandono agronómico dos predios con vocación agraria.
- A crise económica no que se refire a confianza de pago das cesións temporais.

3) Fortalezas:

- O apego da xente a terra non permite vela mesma improdutiva
- A necesidade de redimensión das explotacións
- A crise económica esta facendo ver a volta ao campo coma unha oportunidade.
- As garantías en canto a cobro e propiedade que ofrece o Banco de Terras de Galicia.
- A mellora da xestión contando cos recursos dunha estrutura mais forte có Bantegal en Agader.

4) Oportunidades:

- O bo clima no agro (produtores e organizacións) cara a consolidación do Banco de Terras.
- A posta en marcha da nova Lei de mobilidade de Terras
- A mellora da confianza da xente no Banco de Terras de Galicia
- A boa acollida do Banco de Terras de Galicia en organismos internacionais e nacionais, tales como a FAO, UE, etc.

DEFINICIÓ DO MARCO NO QUE SE DESENVOLVE O PROGRAMA

O programa ten o seu marco legal establecido na liñas definidas pola Lei 7/2007, do 21 de maio, de medidas administrativas e tributarias para a conservación da superficie agraria útil e do Banco de Terras de Galicia. Esta lei pretende ser substituída pola futura lei de mobilidade de terras que, mantendo os mesmo obxectivos, define novos xeitos de acada-los.

FINALIDADE E ESTRATEXIA DO PROGRAMA

O programa de mobilidade de terras agrarias improdutivas ten as seguintes liñas e premisas estratéxicas:

1. Aumentar a transferencia de superficie agraria ás explotacións agrogandeiras favorecendo deste xeito o redimensionamento das mesmas favorecendo a redución dos custes e a mellora da súa competitividade.
2. Favorecer a creación de novas explotacións a través da transferencia de terra favorecendo o asentamento da poboación no medio rural e freando o abandono, tanto no eido social como agroambiental.
3. Actualizar, clarificar e mellorar o estado do bens e dereitos que son titularidade da SA Xestora Bantegal (ou no futuro de Agader), coa finalidade de poñer os mesmos en boa condición para a súa produción.
4. Mellorar a planificación das actuacións que tenden a identificar, conservar, por en valor agroeconómico o por en produción a superficie con vocación agraria.

Para levar a cabo estes obxectivos levaranse a cabo as seguintes actividades:

1. Tramitación de expedientes de incorporación e cesión temporal de predios a través do Banco de Terras de Galicia.
2. Realización de charlas de información e promoción do Banco de Terras de Galicia e os beneficios do seu funcionamento para a frea do abandono e a mellora da competitividade das explotacións agrogandeiras. As actividades de divulgación deberanse manter, aínda que con menor intensidade ata a previsible aprobación da Lei de mobilidade, logo da cal se terá que facer un esforzo maior na dinamización do mercado da terra. Por outra banda reforzaranse as actividades de formación nas oficinas colaboradoras como as Oficinas agrarias comarcais(OACS), o estableceranse novos convenios con outras oficinas xestoras posibles: Concellos, GDR, etc.
3. Seguir un plan de inspección, e control de predios incorporados ao Banco de Terras, sexan ou non titularidade da súa entidade xestora. É necesario dotar os recursos necesarios para levar a cabo traballos para o mantemento das adecuadas condicións agroecolóxicas dos predios titularidade do Bantegal. Unha primeira fase é a inspección e control en campo, prevíndose un programa de controis que chegará, no 2012, a unhas 3000 parcelas.

1. Depuración, na medida do posible, documental e rexistral dos predios do Banco de Terras de Galicia. A depuración documental e rexistral farase para un total de 1900 fincas.
2. Estudar a identificación, análise e selección de zonas de actuación prioritaria.
3. Actividades de estudo, divulgación e/ou formación no eido da xestión de terras, e sobre os prezos e os mercados de terras en particular.
4. Cursos de formación a xestores e colaboradores.

Tamén compre destacar neste programa o Plan marco no que establecen as actuacións a levar a cabo nas superficies de MVMC co obxecto de acadar superficies de monte nas que as actuacións descritas permitan constituír espazos compatibles coa conservación da paisaxe, minimizar o risco de erosión e a conservación de certas razas autóctonas de gando.

No marco do Plan Impulsa Ourense a Dirección Xeral de Producción Agropecuaria levará a cabo investimentos non produtivos en CMVMC.

ÓRGANOS ENCARGADOS DA SÚA XESTIÓN

Dirección Xeral de Producción Agropecuaria

Dirección Xeral de Desenvolvemento Rural

Axencia Galega de Desenvolvemento Rural (Agader)

1.1.1. PROGRAMA 713B - ORDENACIÓN DAS PRODUCCIÓN FORESTAIS:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Necesidade que trata de atender o programa:

O programa ten como obxectivo principal establecer liñas de investimento e axuda dirixidas á posta en valor dos montes galegos, mediante:

- a) A ordenación das producións forestais, co fin de acadar un aproveitamento economicamente rendible, socialmente beneficioso e ambientalmente respectuoso.
- b) O favorecemento de liñas de agrupación e creación de sociedades mercantís (SOFOR) compostas dun número de propietarios suficientes para que as superficies agrupadas sexan obxecto dunha xestión forestal sustentable.
- c) O fomento de investimentos en materia de restauración forestal e silvicultura, entendendo que ditas actuacións supoñen unha fonte continuada de emprego no rural, un aumento do valor engadido das producións e unha medida directamente dirixida cara a prevención fronte a incendios forestais.
- d) O fortalecemento das liñas dirixidas a manter e conservar a saúde e vitalidade dos

- a) ecosistemas forestais, con especial atención ao estado fitosanitario dos nosos bosques.
- b) A creación e mellora das empresas de comercialización e transformación de produtos forestais.

POBOACIÓN OU COLECTIVO AO QUE SE DIRIXE

Os investimentos orzamentarios deste programa dirixiranse principalmente ao seguintes colectivos:

- a) A propietarios e silvicultores forestais, especialmente aqueles que posúen superficies forestais de pequeno tamaño, urxíndolles para que se acollan a sistemas de xestión agrupada (SOFOR).
- b) A montes veciñais en man común e outros donos privados de parcelas forestais, favorecendo actuacións de ordenación, silvicultura e restauración de superficies obxecto de degradación ou catástrofes naturais, especialmente incendios.
- c) A propietarios forestais que posúan contratos administrativos coa Xunta de Galicia para a reforestación e levanza dos seus predios.
- d) A empresas do sector forestal, promovendo o mantemento dos empregos que están a xerar, mellorando as súas estruturas e incrementando a súa competitividade nos mercados.

DETALLE DA SITUACIÓN DE PARTIDA

Galicia é a maior potencia forestal de España e unha das máis importantes en Europa, cunha superficie forestal arborada de máis de 1.400.000 ha, o 48% de toda a superficie galega, o noso monte está a producir cada ano máis de 12 millóns de novos metros cúbicos, o que significa que 1 hectárea de monte galego pode acadar un crecemento anual superior aos 25 metros cúbicos de madeira, por comparación oito veces máis que unha hectárea en países, eminentemente forestais, como Suecia ou Finlandia.

Anualmente córtanse en Galicia preto de 7 millóns de metros cúbicos, a mesma cantidade que en todo Reino Unido ou que Italia e Bélxica xuntas.

Na actualidade, os montes galegos, independentemente da especie que alberguen, almacenan máis de 42,8 millóns de toneladas de carbono. Esta inxente cantidade de carbono pon de relevo o importante rol que teñen os nosos bosques non só para xerar rendas aos seus lexítimos propietarios senón tamén para que Galicia poida afrontar os seus compromisos adquiridos no protocolo de Kyoto.

Pero neste contexto tan relevante, Galicia non está a obter os beneficios sociais, económicos, paisaxísticos e medio ambientais que o seu potencial ofrece. Actualmente máis de 600.000 propietarios particulares posúen superficies non maiores á hectárea e estas están divididas a súa

vez en 6-8 parcelas diferentes. Aínda que de forma continuada se está a dar prioridade nas liñas públicas de fomento a aqueles donos forestais que se agrupen, é tempo de afondar neste marco de acción e dotar de liñas de financiamento específicas para a creación e posta en marcha de Sociedades de Fomento Forestal (SOFOR) creadas e reguladas ao abeiro do Decreto 45/2011, do 10 de marzo, polo que se regula o fomento das agrupacións de propietarios forestais, os requisitos e cualificación das sociedades de fomento forestal e a creación do seu rexistro.

Doutra banda cómpre lembrar que a facturación conxunta de industria de transformación da madeira en Galicia supera os 1.600 millóns de euros anuais, dando emprego directo a máis de 22.700 traballadoras e traballadores, encabezando o emprego industrial da nosa Comunidade cun 12%, fronte ao 10% do sector da automoción ou 9% do sector téxtil. Máis aló de salientar que a actividade da industria forestal e da madeira galega está a xerar o 3,5% do Produto Interior Bruto galego, semella incluso máis importante o feito de que o 70% das empresas vinculadas ao sector forestal aséntanse en poboacións de menos de 5.000 habitantes, converténdose nun pilar básico para a fixación do emprego no rural.

Non entanto, o sector forestal galego non é alleo á situación económica que vive o país, no ano 2009 o emprego xerado pola industria de transformación da madeira en Galicia perdía 3.300 traballadores (12,7%) situándose neses 22.700 empregados actuais. Aínda que os datos existentes do ano 2010 amosan signos paulatinos de recuperación, é necesario manter liñas de axuda dirixidas a creación e mellora das empresas de comercialización e transformación de produtos forestais.

DEFINICIÓN DO MARCO NO QUE SE DESENVOLVE O PROGRAMA

O marco principal que rexe nas actuacións comprendidas neste programa é o seguinte:

- En materia de fondos FEADER, o Regulamento (CE) 1698/2005 do Consello, o Regulamento (CE) 1974/2006 da Comisión e o Regulamento (CE) 65/2011 da Comisión.
- A Lei 43/2003, do 21 de novembro, básica de montes e posteriores modificacións (Lei 10/2006 do 28 de abril).
- O regulamento para a aplicación da Lei 5/1977, do 4 de xaneiro, de Fomento de Produción Forestal, publicado no BOE o 12 de xuño de 1978
- A Lei 3/2007, do 9 de abril, de prevención e defensa contra os incendios forestais de Galicia, e as súas modificacións.
- O Decreto 45/2011, do 10 de marzo, polo que se regula o fomento das agrupacións de propietarios forestais, os requisitos e cualificación das sociedades de fomento forestal e a creación do seu rexistro.

FINALIDADE E ESTRATEXIA DO PROGRAMA

As principais finalidades do presente programa serán:

- a) Abordar a planificación forestal de ámbito comarcal (PORF) integrándoa no marco da ordenación do territorio, conseguindo que a planificación e xestión forestal se conecten co decisivo ámbito da ordenación territorial.
- b) Establecer e revisar as directrices para a ordenación e o aproveitamento dos montes, garantindo que non se poña en perigo a persistencia dos ecosistemas e se manteña a capacidade produtiva dos montes.
- c) Fomentar sistemas de xestión forestal conxunta para alcanzar unha explotación económica rendible e sostible dos aproveitamentos forestais e a comercialización das producións forestais.
- d) Incrementar a rendibilidade das explotacións forestais dos silvicultores.
- e) Fomentar e manter o emprego do sector forestal mediante actuacións de forestación e silvicultura, que ademais de valorizar os produtos do monte supoñan unha medida preventiva para diminuír o risco de incendios forestais.
- f) Restauración, conservación e mellora da cuberta vexetal protectora e a ampliación da superficie arborada mediante a restauración hidrolóxico-forestal, tendo cabida dentro deste concepto accións tales como repoboacións forestais protectores, corrección de canles torrenciais e traballos de conservación e mellora da cuberta vexetal.
- g) Continuar a fortalecer as liñas dirixidas a manter e conservar a saúde e vitalidade dos ecosistemas forestais, con especial atención ao estado fitosanitario dos nosos bosques mediante o seguimento, detección e actuación, de ser necesario, fronte a pragas e doenzas que están a mermar e incluso danar gravemente o potencial forestal de determinadas áreas de montes galegos.
- h) Favorecer a implantación, ampliación ou modernización de empresas de aproveitamentos forestais mediante axudas ao investimento en activos fixos produtivos relativos ás operacións de aproveitamento dos produtos forestais, tanto para a creación de novas empresas coma para a ampliación ou modernización das xa existentes.
- i) Modernización e adaptación a normativas mediante axudas ao investimento en plans e ferramentas de xestión empresarial.
- j) Impulsar o aproveitamento enerxético dos restos forestais resultantes dos traballos silvícolas e aproveitamentos forestais así como da biomasa procedente de plantacións forestais especificamente orientadas a este fin.

ÓRGANOS ENCARGADOS DA SÚA XESTIÓN

Dirección Xeral de Montes

1.1.1. PROGRAMA 713C - IMPLANTACIÓN DE SISTEMAS PRODUTIVOS

AGRARIOS SUSTENTABLES:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A consolidación económica da produción agraria é un medio estratéxico no mantemento da poboación rural, que é un obxectivo de atención prioritaria.

A produción agropecuaria moderna require da aplicación de enfoques sustentables orientados á produción de alimentos de calidade diferenciada que satisfagan a demanda dun mercado plural, esixente e competitivo. Por outra parte, a potenciación das producións alternativas a pequena escala é básica para apoiar a diversificación das actividades agropecuarias e ofrecer a posibilidade de obtención de rendas complementarias a agricultores a tempo parcial. O desenvolvemento das producións alternativas debe axustarse ás potencialidades particulares das distintas áreas territoriais e ao aproveitamento dos recursos xenéticos autóctonos.

En consecuencia compre, por unha parte, avanzar no establecemento dun marco normativo que permita o desenvolvemento de novos sistemas produtivos, como pode ser a produción avícola artesanal ou a porcina en réxime extensivo; e doutra, impulsar instrumentos de fomento das producións xa consolidadas con medidas de garantía como os seguros agrarios, ou medidas de promoción como poden ser a renovación de maquinaria, a reestruturación dos viñedos ou a diferenciación comercial dos produtos agropecuarios galegos (Galega 100%, Horta Galega).

Tampouco compre esquecer o apoio ás novas necesidades das explotacións en materia de benestar animal, como consecuencia da aplicación das normas comunitarias. En especial, os sectores porcino e avícola industriais precisan de apoios para completaren a súa adaptación nun breve prazo de tempo.

POBOACIÓN OU COLECTIVO AO QUE SE DIRIXE

As actuacións no marco deste programa apuntan como beneficiarios últimos aos gandeiros galegos con actividade produtiva a tempo completo ou parcial.

As medidas de apoio canalízanse fundamentalmente en colaboración coas asociacións de gandeiros, que se converten en catalizadores e protagonistas do proceso de consolidación económica da gandería.

DETALLE DA SITUACIÓN DE PARTIDA

A gandería galega está a atravesar por momentos de extraordinaria dificultade. A situación conxuntural de crise económica afecta especialmente a sectores que, aínda sendo artífices de produtos de alta calidade, adoecen de carencias estruturais importantes, en termos de dimensión económica, e non dispoñen dunha capacidade real de incidencia nos mercados: por unha parte, os gandeiros vense sometidos á alza dos prezos dos INPUT que precisan; por outra, non son quen de participar activamente na fixación dos prezos dos produtos que facturan. Esta situación, que se mantén nos últimos anos, deriva nunha importante redución no número de explotacións gandeiras e nun envellecemento da poboación activa agraria, ante a ausencia dunha renovación xeracional efectiva. Esta circunstancia repercute de xeito directo no fenómeno de despoboamento do rural.

A produción de vacún de Galicia, tanto en leite como en carne, son un referente no conxun

to do Estado. Os recursos xenéticos autóctonos gozan dunha potencialidade recoñecida, que auguran producións de estima no mercado que compre auspiciar. Nesta liña, as medidas de promoción da calidade e da diferenciación comercial constitúen un factor complementario de éxito.

Por outra parte, o sector vitivinícola estase a converter nun eixo produtivo de primeiro orde na economía agraria galega. Constátase unha crecente vontade de adaptación das explotacións ás novas variedades que demanda o mercado, ou de reestruturación do seu potencial produtivo para acadar unha dimensión axeitada aos seus dereitos de produción.

DEFINICIÓ DO MARCO NO QUE SE DESENVOLVE O PROGRAMA

En tanto que Galicia ten competencias exclusivas en materia de agricultura, o marco normativo responde ás esixencias comunitarias en materia de axudas de estado e aos condicionantes da normativa sectorial estatal de carácter básico.

Con efectos económicos, este programa financíase con fondos finalistas do Estado, con fondos propios da Comunidade Autónoma e co FEAGA.

FINALIDADE E ESTRATEXIA DO PROGRAMA

A estratexia do programa concrétese nas seguintes plans e accións:

1. Programa de recuperación, conservación e fomento de recursos zooxenéticos autóctonos e a súa valorización nas producións ecolóxicas e de calidade e no aproveitamento de superficies infrautilizadas. O programa desenvolverase coa colaboración das entidades de criadores mediante dúas vertentes: programa de consolidación e diversificación xenética da raza Rubia galega; e programa de conservación e recuperación das razas autóctonas galegas en perigo de extinción.
2. Plan de fomento do sector equino.
3. Plan de fomento do porcino extensivo, que pasa pola formulación dun marco normativo adaptado a Galicia.
4. Plan de fomento da avicultura artesanal, que require da publicación dun decreto de base normativa.
5. Programas de aseguramento da calidade e a rastrexabilidade da produción leiteira. Vincularanse as actuacións en materia de calidade coa utilización eficiente da ferramenta Letra Q, co obxectivo inequívoco de mellorar a rendibilidade das explotacións participantes no programa e de transmitirle ao consumidor final a garantía de calidade que demanda.
6. Programa de mellora xenética do frisón galego, coa colaboración das ganderías galegas e de Xenética Fontao.
7. Implantación das novas tecnoloxías da información nas explotacións para mellorar a sanidade, a calidade e a rastrexabilidade completa das producións.
8. Incorporación de novas canles comerciais de relación directa entre o produtor de vacún de carne e o mercado. En particular, o desenvolvemento dunha lonxa virtual no marco da ofici-

1. obtidos polos gandeiros.
2. Ordenación dos aproveitamentos gandeiros das superficies de montes comunais potencian-
do a utilización das razas gandeiras autóctonas.
3. Potenciación da diferenciación comercial dos produtos gandeiros.
4. Reestruturación e reconversión de viñedo.
5. Programas de seguros agrarios
6. Axudas para a renovación do parque de maquinaria agrícola
7. Realización de ensaios de avaliación de variedades agronómicas

No ámbito do Plan Impulsa Ourense realizaranse investimentos para a mellora na xestión e o fomento do gando equino.

ÓRGANOS ENCARGADOS DA SÚA XESTIÓN

Dirección Xeral de Produción Agropecuaria

1.1.1. PROGRAMA 713D -MELLORA DA CALIDADE NA PRODUCCIÓN

AGROALIMENTARIA:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Malia o prestixio que os produtos agroalimentarios de Galicia teñen nos mercados e entre os consumidores, o sector produtor agrario ten importantes carencias e dificultades estruturais que lles dificulta o acceso aos mercados. A pequena dimensión empresarial e a falta de integración son os factores que mais limitan o seu acceso aos mercados nacionais e internacionais de unha forma competitiva, é por iso fundamental desenvolver actuacións que permitan a presenza conxunta, a promoción e o apoio á comercialización dos produtos de calidade, unidos á mellora e modernización das industrias e mercados agrarios.

POBOACIÓN OU COLECTIVO AO QUE SE DIRIXE

Produtores, industrias e entidades asociativas e colectivas do sector agrario, gandeiro, ali-
mentario e forestal.

DETALLE DA SITUACIÓN DE PARTIDA

A situación de partida caracterízase por:

- unhas boas condicións para determinadas producións agroforestais nun marco de im-
portantes deficiencias estruturais especialmente causadas pola pequena dimensión tanto
das explotacións (produtores) como da industria transformadora e empresas comer-
cializadoras.
- o prestixio nos mercados agroalimentarios e entre os consumidores pola calidade das

- materias primas
- unha serie de produtos inscritos xa no rexistro europeo de produtos de calidade agroalimentarios, e outros con posibilidades de ser tramitados.

Estes son os elementos que fan que a estratexia de diferenciación e a certificación da calidade ante os consumidores dos produtos agroalimentarios e forestais sexa básica para a subsistencia dos sectores agrario, gandeiro e forestal, viabilizando as pequenas producións, moitas delas artesanais, que doutra forma terían difícil acceso ao mercado.

A meirande parte dos indicativos de calidade afectan a territorios do rural con importantes problemas de despoboamento, por iso, a potenciación das denominacións de calidade incide directamente na fixación da poboación destas zonas na medida en que favorece a actividade económica e o mantemento e xeración de emprego nesas áreas.

O dimensionamento e modernización do sector empresarial é outra das necesidades sectoriais con especial incidencia na industria da primeira transformación de madeira sobre todo no sector do aserío, un sector asentado no rural e peza clave para o seu dinamismo e fixación de emprego, pero, ao mesmo tempo, un sector que necesita dunha liña clara de innovación e incorporación de tecnoloxía que consolide o liderado da industria galega a nivel estatal.

DEFINICIÓN DO MARCO NO QUE SE DESENVOLVE O PROGRAMA

Normativa de calidade diferenciada, DOP, IXP e outras figuras de calidade.

FINALIDADE E ESTRATEXIA DO PROGRAMA

O sistema de protección dos produtos de calidade a través de denominacións de orixe e indicacións xeográficas protexidas, e doutras figuras de protección da calidade como os produtos da artesanía alimentaria, a agricultura ecolóxica ou a produción integrada obrigan ou favorecen que estes produtos se elaboren e transformen na súa área tradicional de procedencia, case sempre zonas rurais, co que o valor engadido xerado queda nese territorio. Estas producións, ademais, melloran as rendas obtidas xa que estes produtos adoitan acadar mellores prezos no mercado.

Velar polo prestixio das denominacións xeográficas de calidade e polo cumprimento das súas disposicións normativas, e de que se apliquen os sistemas de control necesarios para garantir a calidade e a orixe dos produtos certificados precisa de medidas de apoio aos Consellos Reguladores para o seu desenvolvemento especialmente no caso dos primeiros anos de posta en marcha dos sistemas de acreditación.

Outra das prioridades estratéxicas do escenario económico actual é a necesidade de abrir novos mercados e para isto establécense liñas de apoio á accións de promoción e comercialización realizadas por empresas individuais ou conxuntas dirixidas a apertura de mercados nacionais e internacionais.

Actividades:

1. Apoio a apertura de novos mercados para as empresas agrarias favorecendo a súa presenza en feiras profesionais de carácter nacional e internacional, tanto con actuacións conxuntas coordinadas pola Consellería como co apoio ás accións individuais
2. Axudas a investimentos de mellora da industrialización e comercialización de produtos agrarios.
3. Fomento da modernización e dimensionamento da industria de primeira transformación de madeira
4. Realización de actividades de información e promoción de produtos agroalimentarios galegos con calidade diferenciada.
5. Apoio aos investimentos no control e a mellora da calidade dos produtos agrarios.
6. Apoio á participación de produtores en programas de calidade diferenciada.
7. Programa de promoción dos viños galegos en países de fora da Unión Europea.
8. Apoio á mellora dos mercados agrarios.
9. Apoio ás entidades asociativas para a mellora da comercialización das súas producións.
10. Preparación, organización e execución de xornadas técnicas e estudos sobre a comercialización dos produtos agrarios e agroalimentarios galegos.
11. Apoio financeiro ao funcionamento dos consellos reguladores e órganos reitores das denominacións de calidade (denominacións de orixe, denominacións específicas, e denominacións xenéricas

ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

1.1.1. PROGRAMA 713E - BENESTAR ANIMAL E SANIDADE VEXETAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O consumidor esixe unha produción alimentaria de calidade, respectuosa co medio ambiente e co benestar animal, e suxeita a un sistema de control e trazabilidade. A Unión Europea está a trasladar esta demanda dos cidadáns á lexislación comunitaria en todas as súas vertentes, produtivas, sanitarias, económicas, ambientais e sociais, de tal xeito que os requirimentos en materia de seguridade alimentaria se converten en referencias de obrigado cumprimento. Por outra parte, a sanidade animal non só conleva o garantir a seguridade alimentaria, senón que resulta un elemento básico tanto na defensa da saúde pública como na rendibilidade das producións gandeiras.

Co gallo de obter alimentos seguros, protexer a saúde pública fronte a enfermidades zoonóticas e promocionar un sistema agrario sustentable, cómpre garantir un nivel axeitado de

protección da sanidade animal entendida amplamente (identificación de explotacións e animais, programas de control e erradicación de enfermidades, etc) e da cadea alimentaria (resíduos, hixiene da produción primaria, calidade do leite cru, xestión de subprodutos, pensos, etc).

Un dos principios nos que se basea a política da UE é que non se deben causar aos animais danos ou sufrimentos innecesarios. Isto desenvólvese nunhas normas sobre o benestar dos animais que establecen as condicións nas que se poden criar as galiñas, os porcos e as vacas, e nas que se poden transportar e sacrificar estes animais.

O programa trata de incrementar a rendibilidade das explotacións mediante a loita contra os axentes nocivos, o control da calidade e a seguridade alimentaria das producións, e reducindo ao mínimo o seu impacto no medio de tal xeito que sexan debidamente tratados os residuos e se garanta unha calidade sanitaria para o consumidor. Sendo o subsector gandeiro o primeiro aporte á produción final agraria galega, razóns de tipo socioeconómico e sanitario obrigan a poñer en marcha programas que permitan diminuír as perdas económicas causadas polas enfermidades animais, protexendo a saúde pública e evitando a transmisión destas enfermidades, tanto ás persoas que conviven cos animais como ao consumidor dos produtos de orixe animal. O obxectivo final é acreditar o estado sanitario da totalidade da cabana de vacún, ovino e cabrún e a extensión dos programas sanitarios ao porcino, aves, sector apícola e visóns.

A sanidade vexetal constitúe igualmente un eixe fundamental na política sanitaria agraria. A prevención das pragas vexetais por medio das campañas de prospección obrigatoria e a loita contra pragas coa destrución do material vexetal afectado conforman o primeiro grupo de accións, que se completa co apoio ás agrupacións de produtores para obter servizos de asesoramento cara a sistemas agrarios sustentábeis na mellora da sanidade dos seus cultivos e no cumprimento e certificación dos estándares existentes.

Por fin, cómpre acadar un regulamento básico para a utilización de lodos de depuradora na agricultura, como posible elemento de apoio a políticas de recuperación medioambiental compatibles coa mellora da rendibilidade das producións agrarias.

POBOACIÓN OU COLECTIVO AO QUE SE DIRIXE

As actuacións no marco deste programa apuntan como beneficiarios últimos aos agricultores e gandeiros galegos con actividade produtiva a tempo completo ou parcial.

As medidas de apoio canalízanse fundamentalmente en colaboración coas asociacións de produtores, que se converten en catalizadores e protagonistas do proceso de consolidación económica da gandería.

DETALLE DA SITUACIÓN DE PARTIDA

O notable éxito da evolución da sanidade animal de Galicia demostra a eficacia dos criterios aplicados de maneira continuada nos últimos anos.

Os programas obrigatorios de erradicación, loita e control de enfermidades animais (tuber

culose e brucelose bovina) permitiron diminuír a incidencia destas enfermidades a uns límites próximos a valores de erradicación. Así, Galicia conta cun elevado número de explotacións libres desas enfermidades. Igualmente, as prevalencias de brucelose ovina e cabrúa permiten iniciar os trámites para a declaración de Galicia como zona oficialmente indemne. Na mesma liña, se moven a práctica totalidade dos programas sanitarios en vigor. Esta circunstancia coloca a sanidade animal galega nun estatus referencial no ámbito estatal, que compre perpetuar e sistematizar en modelos epidemiolóxicos baseados na prevención.

DEFINICIÓN DO MARCO NO QUE SE DESENVOLVE O PROGRAMA

En tanto que Galicia ten competencias exclusivas en materia de gandería, o marco normativo responde ás esixencias comunitarias en materia de axudas de estado e aos condicionantes da normativa sectorial comunitaria e estatal de carácter básico, e tamén o marco normativo é o comunitario e estatal de sanidade vexetal e de seguridade alimentaria.

FINALIDADE E ESTRATEXIA DO PROGRAMA

A estratexia do programa materialízase nas seguintes accións:

1. Execución de programas obrigatorios de erradicación, loita e control de enfermidades animais (tuberculose e brucelose bovina) que teñen como base a normativa estatal enmarcada en programas para cada estado aprobados pola Unión Europea.
2. Programa de erradicación da brucelose ovina cabrúa.
3. Programas de vixilancia, control e erradicación das encefalopatías esponxiformes transmisibles (EETs): EEB, Scrapie: neste proxecto de loita e control sanitario das encefalopatías inclúense os gastos derivados das labores de diagnóstico -para garantir que se descarta a presenza da enfermidade en cada canal que é liberada ao consumo, do aseguramento da calidade inspectora nas explotacións gandeiras, e das axudas ao sector por sacrificio e destrución de animais e os seus produtos.
4. Plan sanitario do sector porcino: programa de control e erradicación da enfermidade de Aujeszky.
5. Plan sanitario avícola: plan de control e erradicación de salmoneloses aviares, plan de control da influenza aviar.
6. Programa de loita contra as enfermidades apícolas: enmarcado no Programa nacional de axudas á apicultura desenvolvido mediante un real decreto estatal en aplicación do previsto no correspondente regulamento comunitario que recolle as distintas liñas de axuda a este sector cofinanciadas con fondos FEAGA.
7. Programa de vixilancia e erradicación da Lingua Azul.
8. Programas sanitarios facultativos: impulso, adaptación normativa e consolidación das agrupacións de defensa sanitaria gandeira en Galicia (ADSG) co obxecto de acadar niveis sanitarios superiores aos esixidos polos programas obrigatorios.
9. Plans de control da aplicación da normativa de benestar dos animais.
10. Implementación da estrutura e medios necesarios nos Servizos Veterinarios Oficiais para

1. optimizar os procedementos de inspección e afrontar situacións de alertas sanitarias.
2. Control da seguridade alimentaria das producións gandeiras mediante o mantemento dos programas actuais de alimentación animal, PNIR, medicamento veterinario, control de subprodutos de orixe animal, inspección da calidade do leite cru nas explotacións, e a aplicación da normativa europea de hixiene.
3. Estruturación dentro dos Servizos Veterinarios Oficiais dunha Rede de Epidemio-Vixilancia que poña en valor a información dos programas sanitarios en funcionamento e que reduza o tempo que os produtores dedican á cumprimentación de rexistros e declaracións oficiais.
4. Adaptación das explotacións ás novas normas comunitarias de sanidade animal e de rastrexabilidade das producións.
5. Desenvolvemento da Oficina Agraria Virtual, como medio prioritario de simplificación e axilización das relacións coa Administración. O crecente desenvolvemento tecnolóxico xunto coa evolución da estrutura socio económica do sector agrario esixe da administración a optimización dos sistemas de xestión e relación cos administrados. A elección das canles web como vehículo de transmisión e recepción de información é unha obriga a afrontar no futuro inmediato, que alén da disposición dos medios esixe da administración a adopción de novos procedementos de traballo máis eficaces e eficientes.
6. Medidas para o fomento de métodos de produción compatibles co medio ambiente, como a agricultura e gandería ecolóxica, coa protección do consumidor e co obxectivo de facilitar o mantemento das rendas dos produtores, asegurando a conservación do espazo natural. Para isto cómpre o desenvolvemento dun marco normativo que favoreza a obtención dun produto de calidade sanitaria diferenciada en zonas determinadas (etiqueta de control de calidade de "producción integrada" ou "agricultura ecolóxica").
7. Prevención e loita contra pragas dos diferentes organismos nocivos para os vexetais.
8. Control de residuos nas producións vexetais.
9. Revisión da maquinaria fitosanitaria
10. Desenvolvemento do marco normativo necesario para a aplicación de lodos de depuradora en Galicia.

No ámbito do Plan Impulsa Ourense levaranse a cabo axudas para a identificación de gando equino.

ÓRGANOS ENCARGADOS DA SÚA XESTIÓN

Dirección Xeral de Producción Agropecuaria

1.1.1. PROGRAMA 713F - REGULACIÓN DAS PRODUCIÓN AGRARIAS E APOIO Á RENDA DOS AGRICULTORES: DESCRICIÓN DO PROGRAMA NECESIDADE QUE TRATA DE ATENDER O PROGRAMA

Este programa ten por obxecto a realización das accións previstas nos diversos réximes de apoio á renda establecidos na Política Agraria Común (PAC), no marco definido pola aplicación da reforma da PAC aprobada en 2003.

Introdúcese así un réxime de pagamento único por explotación como axuda disociada á renda de cada explotación e, por tanto, facendo depender o pagamento íntegro ao respecto dos requisitos básicos en materia de medio ambiente, seguridade alimentaria, saúde e benestar dos animais, así como do mantemento da explotación en boas condicións agrarias e medioambientais.

Non obstante, outras accións mantéñense ligadas á produción e conservan, por tanto, unha vinculación parcial entre as axudas e a produción.

As principais actuacións que se realizan son as seguintes:

1. Pagamentos desligados correspondentes ao réxime de pagamento único, para os agricultores que sexan titulares de dereitos correspondentes ao dito réxime, de acordo coa asignación definitiva de dereitos de axuda.
2. Pagamentos ligados á produción no sector do vacún primas aos produtores de vacas nutrices.
3. Pagamentos específicos por hectárea aos produtores de proteaxinosas.
4. Pagamentos adicionais aos produtores, nos sectores de gando vacún de carne e de leite.
5. A concesión dunha axuda para a subministración aos alumnos de centros escolares de leite e determinados produtos lácteos transformados, e de froitas e verduras.
6. Apoiar á sociedade instrumental do organismo, dotándoa dos medios necesarios para o cumprimento da finalidade que teña encomendada.

POBOACIÓN OU COLECTIVO AO QUE SE DIRIXE

Agricultores e gandeiros, alumnos de centros escolares no referente a leite para escolares e froitas.

DETALLE DA SITUACIÓN DE PARTIDA

Os réximes de axudas previstos na Política Agrícola Común (PAC) prevén as axudas directas á renda, para contribuír á mellora do nivel de vida da poboación agraria así como ao mantemento do tecido socioeconómico das zonas rurais. Aínda que estas axudas alcanzan no sector agrario galego unha magnitude relativa inferior á media europea e estatal, a súa adecuada implementación e xestión ten unha incidencia crecente na renda dos agricultores galegos

DEFINICIÓN DO MARCO NO QUE SE DESENVOLVE O PROGRAMA

O desenvolvemento da xestión das axudas da PAC en Galicia, tendo en conta o novo marco derivado da reforma da PAC aprobada en 2003 e o cheque médico de 2009. A tal fin, logo da implantación e xestión dos primeiros anos do réxime de pagamento único, seguirá a executar

as accións necesarias para a concesión dos pagamentos previstos no devandito réxime e noutros réximes de axuda a agricultores por superficie e por gando, pagos adicionais por aplicación do artigo 69 do Regulamento (CE) nº 1782/2003 e axudas específicas por aplicación do artigo 68 do Regulamento (CE) nº 73/2009, no marco da Política Agraria Común.

FINALIDADE E ESTRATEXIA DO PROGRAMA

Garantir ingresos xustos aos agricultores e o benestar na sociedade rural e contribuír ao equilibrio e estabilidade nos mercados agrarios. Mellorar a seguridade alimentaria coa mellora das condicións sanitarias dos animais e do seu benestar. Fomentar a compatibilidade da produción agraria coa protección do medio ambiente

A xestión de alegacións, solicitudes de modificación e outras actuacións para a actualización do Sistema de Información Xeográfica de Parcelas Agrícolas (SIXPAC) como medio de xestión e control eficaz dos réximes de axudas da PAC baseados nas superficies das parcelas agrícolas.

Coordinación do control do cumprimento da condicionalidade, prevista nos artigos 5 e 6 do Regulamento (CE) nº 73/2009, do Consello, como conxunto de requisitos a respectar polos agricultores perceptores dos distintos tipos de axudas da PAC

ÓRGANOS ENCARGADOS DA SÚA XESTIÓN

Fondo Galego de Garantía Agraria

1.1.1. PROGRAMA 741A - APOIO Á MODERNIZACIÓN, INTERNACIONALIZACIÓN E MELLORA DA COMPETITIVIDADE, INNOVACIÓN E PRODUTIVIDADE EMPRESARIAL:

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A comunidade autónoma galega é produtora de moi boas materias primas, pero ten aínda fortes déficits en canto ao desenvolvemento da súa industria alimentaria e nos procesos de comercialización dos seus produtos transformados. Ademais, a demanda dos consumidores encamiñase cara a produtos agroalimentarios transformados e de calidade, de modo que o apoio á nosa agroindustria convértese nun obxectivo estratéxico para acadar un maior desenvolvemento do medio rural galego.

POBOACIÓN OU COLECTIVO AO QUE SE DIRIXE

Empresas do sector.

DETALLE DA SITUACIÓN DE PARTIDA

As industrias de transformación e comercialización de produtos agrarios acrecentan o valor das producións agrarias, deixando o valor engadido nas propias zonas rurais, xerando un importante número de postos de traballo, mantendo no rural á poboación nova e activa, afianzando a viabilidade das explotacións e fortalecendo o tecido económico destas áreas.

A pesar dos avances continúa existindo un potencial sen desenvolver na modernización do noso tecido agroindustrial e de incremento da valorización das producións agrarias galegas a través da industria agroalimentaria galega.

A forte competitividade dos mercados esixe ademais unha permanente adaptación ás novas demandas.

Por todo isto, cómpre apoiar con carácter xeral aos procesos de transformación e comercialización dos produtos agrarios e, en particular, aqueles que garanten un beneficio directo aos produtores de base galegos.

DEFINICIÓN DO MARCO NO QUE SE DESENVOLVE O PROGRAMA

Liñas de apoio á creación e modernización empresarial no marco do PDR 2007/2013.

FINALIDADE E ESTRATEXIA DO PROGRAMA

A estratexia do programa concrétase nestas actividades:

1. Apoio á creación de novas industrias agrarias, fomentando os investimentos que teñan un beneficio para os produtores galegos así como aqueles que teñan por obxecto a incorporación de innovacións e melloras tecnolóxicas, prioritariamente en zonas con procesos de despoboamento e zonas desfavorecidas, co obxecto de crear emprego e potenciar os sectores da industria e os servizos.
2. Apoio á creación e modernización das industrias do sector lácteo e novos retos.
3. Axudas ás empresas para a promoción e mellora da comercialización dos produtos agrarios e agroalimentarios galegos.
4. Axuda aos investimentos realizados por empresas de base asociativa para que reverta nos propios produtores o valor engadido que achega a transformación industrial agroalimentaria.
5. Investimentos dirixidos á obtención de produtos ecolóxicos.
6. Apoio aos investimentos encamiñados a unha mellora da competitividade das industrias agroalimentarias xa existentes, favorecendo a mellora da calidade, a diversificación produtiva e o valor engadido das producións, e primando a aquelas industrias que establezan contratos estables cos produtores galegos.
7. Apoio á participación do sector produtor na transformación e comercialización de produtos agrarios.

ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

IV. CADROS DE OBXECTIVOS POR PROGRAMA

OBXECTIVOS DE PROGRAMA

Prog.	Obxectivos Extratécnicos	Indicador	Valor Final
	Obxectivos Operativos		
422L CAPACITACIÓN E EXTENSIÓN AGROFORESTAL			
	Soporte xeral - Garantir o acceso a educación e a cultura en condicións de igualdade no marco dun ensino de calidade para unha Galicia formada, innovadora e trilingüe		
	Soporte xeral - Garantir o acceso a educación e a cultura en condicións de igualdade no marco dun ensino de calidade para unha Galicia formada, innovadora e trilingüe	Sen indicador	
422M ENSINANZA SECUNDARIA E FORMACIÓN PROFESIONAL			
	Garantir a continuidade nos estudos e a incorporación ao mercado laboral		
	Medidas para favorecer o acceso das persoas adultas á formación ao longo da vida	Actuacións de formación (Nº)	100
		Persoas beneficiadas (mulleres) (Nº)	100.000
	Actualización e formación continuada dos profesionais do ensino		
	Actuacións do Plan de Formación do profesorado de ensinanza non universitarias	Axudas (Nº)	10.000
		Profesorado beneficiado (total) (Nº)	10.000
	Mellorar as dotacións e as infraestruturas do ensino público		
	Dotación de recursos aos centros públicos para o seu funcionamento	Centros beneficiados (Nº)	10
541B CONSERVACIÓN DA BIODIVERSIDADE E POSTA EN VALOR DO MEDIO NATURAL			
	Ordenación do territorio e política medioambiental para a posta en valor da natureza e a paisaxe		
	Accións para a optimización socioeconómica e para o desenvolvemento sostible da poboación da Rede Galega de Espazos Naturais Protexidos a través da mellora dos hábitats e da paisaxe rural.	Actuacións desenvolvidas en zonas Rede Natura 2000 (Nº)	50
		Actuacións desenvolvidas fóra de zonas Rede Natura 2000 (Nº)	20
		Axudas en materia de conservación da natureza (Nº)	568
	Protección, conservación, restauración e mellora dos recursos naturais situados na Rede Galega de Espazos Naturais Protexidos (Reserva Natural, Parque Natural, Parque Nacional, Monumento Natural, Humedal Protexido, Paisaxe Protexida e ZEPVN).	Actuacións de estudo, difusión e promoción (Nº)	15
		Actuacións desenvolvidas en zonas Rede Natura 2000 (Nº)	80
		Actuacións destinadas á recuperación e rexeneración do entorno desenvolvidas (Nº)	50
		Campañas de educación ambiental desenvolvidas (Nº)	20
		Centros de recursos, aulas de natureza, creados (Nº)	10
		Lonxitude de senderos novos e/ou mellorados (Km)	800
		Proxectos de carácter medioambiental (Nº)	2
	Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida		
	Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida	Sen indicador	
551A INFRAESTRUTURAS E EQUIPAMENTOS NO MEDIO RURAL			
	Diversificación de actuacións económicas nas zonas interiores de Galicia, establecendo mecanismos de discriminación positiva a favor das zonas desfavorecidas, na liña dos Plans Impulsa Lugo, Impulsa Ourense e Ferrolterra e Comarca de Ortegal		
	Accións de reordenación das estruturas agrarias mediante procesos de concentración parcelaria	Explotacións agrícolas beneficiadas (Nº)	11.000
		Explotacións gandeiras beneficiadas (Nº)	50
		Superficie afectada (Hectáreas)	10.000

OBXECTIVOS DE PROGRAMA

Soporte xeral - Desenvolvemento equilibrado e sostible do territorio eliminando as disparidades territoriais e integrando a Galicia como cidade única		Zonas de Concentración Parcelaria con Actuacións desenvolvidas (Nº)	30
Soporte xeral - Desenvolvemento equilibrado e sostible do territorio eliminando as disparidades territoriais e integrando a Galicia como cidade única		Sen indicador	
551B ACCIÓNS PREVENTIVAS E INFRAESTRUTURA FORESTAL			
Aumento da produtividade forestal e fomento da xestión forestal sostible. Investigación forestal e transferencia tecnolóxica			
Axudas para accións preventivas fronte aos incendios forestais.		Axudas (Nº)	350
Prevención e defensa contra os incendios forestais.		Superficie queimada por incendios forestais (Hectáreas)	15.000
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		Sen indicador	
561A PLAN GALEGO DE INVESTIGACIÓN, INNOVACIÓN E CRECEMENTO			
Creación e desenvolvemento de centros tecnolóxicos, centros de competencia, centros de transferencia científica e plataformas tecnolóxicas			
Impulso da financiación de Centros tecnolóxicos e Centros de investigación en base a contratos programa		Centros de I+D+i beneficiados (Nº)	2
Fomento da I+D+i empresarial e da investigación aplicada priorizando as iniciativas de cooperación empresarial			
Desenvolvemento de novos produtos		Proxectos de cooperación entre empresas e centros de investigación (Nº)	10
Financiamento de proxectos de investigación industrial, desenvolvemento experimental e innovación realizados por empresas galegas		Empresas beneficiadas (PEMES) (Nº)	100
		Empresas beneficiadas (total) (Nº)	1
		Novos produtos en desenvolvemento (Nº)	3
		Proxectos de cooperación entre empresas e centros de investigación (Nº)	1
		Proxectos de I+D+i (Nº)	20
Lanzamento de novas empresas de base tecnolóxica		Empresas beneficiadas (total) (Nº)	1
Proxectos de I+D+i en cooperación con empresas		Empresas beneficiadas (total) (Nº)	1
Soporte xeral - Construír unha sociedade competitiva baseándose na Investigación e o desenvolvemento tecnolóxico e a innovación empresarial, como garantía de crecemento			
Soporte xeral - Construír unha sociedade competitiva baseándose na Investigación e o desenvolvemento tecnolóxico e a innovación empresarial, como garantía de crecemento		Sen indicador	
581A ELABORACIÓN E DIFUSIÓN ESTATÍSTICA			
Creación, organización e difusión do coñecemento estatístico			
Cumprir e coordinar o Programa estatístico anual		Operacións e actividades estatísticas desenvolvidas/programadas (%)	10
		Publicacións para a difusión do coñecemento estatístico (Nº)	10
711A DIRECCIÓN E SERVIZOS XERAIS DO MEDIO RURAL			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		Sen indicador	
712A FIXACIÓN DE POBOACIÓN NO MEDIO RURAL			
Fixación da poboación e a súa distribución máis eficiente, diminuíndo a súa dispersión			
Execución de estratexias de desenvolvemento local a través dos Grupos de desenvolvemento rural (enfoque de abaixo cara arriba). Mellora das infraestruturas e servizos básicos para a poboación que vive no medio rural.		Proxectos de desenvolvemento rural (Nº)	125
Fixación da poboación e a súa distribución máis eficiente, diminuíndo a súa dispersión		Proxectos de desenvolvemento rural (Nº)	20

OBXECTIVOS DE PROGRAMA

Diversificación de actuacións económicas nas zonas interiores de Galicia, establecendo mecanismos de discriminación positiva a favor das zonas desfavorecidas, na liña dos Plans Impulsa Lugo, Impulsa Ourense e Ferrolterra e Comarca de Ortegal		
Accións de contribución a valorización do medio rural.	Actuacións de estudo, difusión e promoción (Nº)	1
	Proxectos de desenvolvemento rural (Nº)	50
Impulsar os proxectos dinamizadores das áreas rurais de Galicia, diversificando as actividades económicas sostíbeis.	Actuacións de dinamización territorial (Nº)	125
Premio Agader ás iniciativas de desenvolvemento rural	Proxectos de desenvolvemento rural (Nº)	3
Sapoite xeral - Desenvolvemento equilibrado e sostíbel do territorio eliminando as disparidades territoriais e integrando a Galicia como cidade única		
Sapoite xeral - Desenvolvemento equilibrado e sostíbel do territorio eliminando as disparidades territoriais e integrando a Galicia como cidade única	Sen indicador	
712B MODERNIZACIÓN E DIVERSIFICACIÓN DO TECIDO PRODUTIVO RURAL		
Impulso do sector agrogandeiro e do campo industria apoiando as explotacións sostíbeis e respetuosas medioambientalmente		
Favorecer a competitividade e redimensionamento das explotacións agrogandeiras a través da mobilidade de terras incultas ou improdutivas.	Agricultores beneficiados (mulleres) (Nº)	4.000
	Agricultores beneficiados (total) (Nº)	7.100
	Explotacións beneficiadas (Nº)	6.600
	Investimento privado inducido (Euros)	7.000.000
Axudas para fomentar a contratación de seguros agrarios	Agricultores beneficiados (mulleres) (Nº)	50.000
Sapoite xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Sapoite xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	
712C FOMENTO DO ASOCIACIONISMO AGRARIO E DIVULGACIÓN DA TECNOLOXÍA AGRARIA		
Impulso do sector agrogandeiro e do campo industria apoiando as explotacións sostíbeis e respetuosas medioambientalmente		
Favorecer a competitividade e redimensionamento das explotacións agrogandeiras a través da mobilidade de terras incultas ou improdutivas.	Explotacións beneficiadas (Nº)	50
Fomentar o asociacionismo agrario	Agricultores beneficiados (total) (Nº)	3
	Asociacións creadas (Nº)	20
713A MOBILIDADE DE TERRAS AGRARIAS IMPRODUTIVAS		
Impulso do sector agrogandeiro e do campo industria apoiando as explotacións sostíbeis e respetuosas medioambientalmente		
Favorecer a competitividade e redimensionamento das explotacións agrogandeiras a través da mobilidade de terras incultas ou improdutivas.	Hectáreas mobilizadas (Hectáreas)	150
Sapoite xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Sapoite xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	
713B ORDENACIÓN DAS PRODUCCIÓNS FORESTAIS		
Estruturación do sector forestal primario. Posta en marcha de sociedades de fomento forestal		
Potenciar a constitución e a ordenación forestal das Sociedades de Fomento Forestal, impulsando a concentración privada forestal.	Produtores beneficiados (total) (Nº)	5.000
	Sociedades de Fomento Forestal inscritas no rexistro (Nº)	50
Promoción de Sociedades de Fomento Forestal nos Perímetros de Prevención e Actuación Forestal.	Campañas de difusión y promoción (Nº)	2
Aumento da produtividade forestal e fomento da xestión forestal sostíbel. Investigación forestal e transferencia tecnolóxica		
Accións silvícolas de mellora das superficies arboradas.	Proxectos (Nº)	4
	Superficie arborada de mellora silvícola (Hectáreas)	2.300
Creación, mellora e mantemento de infraestruturas forestais.	Infraestruturas forestais melloradas (Hectáreas)	25

OBXECTIVOS DE PROGRAMA

Loita integrada contra pragas e enfermidades forestais.	Actuacións contra pragas e enfermidades forestais (Nº)	8
Promoción da ordenación forestal das masas arboradas de Galicia, baseada nos principios de xestión forestal sostible.	Superficie arborada de mellora silvícola (Hectáreas)	3.750
Promover as repoboacións forestais.	Axudas (Nº)	1.000
	Superficie recuperada e/ou rehabilitada (Hectáreas)	308
Transferencia de material de reprodución forestal.	Proxectos (Nº)	5
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	
713C IMPLANTACIÓN DE SISTEMAS PRODUTIVOS AGRARIOS SUSTENTABLES		
Impulso do sector agrogandeiro e do campo industria apoiando as explotacións sostibles e respetuosas medioambientalmente		
Control do rendemento leiteiro.	Producción láctea en control de rendemento (%)	70
Ensaio de variedades vexetais e conservación de recursos xenéticos	Ensaio de conservación de recursos xenéticos (Nº)	1.520
	Ensaio de variedades vexetais (Nº)	20
Favorecer a competitividade e redimensionamento das explotacións agrogandeiras a través da mobilidade de terras incultas ou improdutivas.	Agricultores beneficiados (total) (Nº)	1.000
	Explotacións beneficiadas (Nº)	11.000
Reestruturación dos sistemas produtivos do viñado	Viñedos beneficiados (Nº)	500
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	
713D MELLORA DA CALIDADE NA PRODUCCIÓN AGROALIMENTARIA		
Fomento da calidade diferenciada no sector agroalimentario Galego. Denominación de orixe, indicación xeográfica protexida, marcas de calidade, selos de garantía e artesanía alimentaria. Posta en valor, desde o punto de vista produtivo, comercial e turístico, do viño e da gastronomía galega		
Apoio á innovación e fomento da calidade diferenciada no ámbito agroalimentario.	Agricultores beneficiados (total) (Nº)	9.000
	Explotacións beneficiadas (Nº)	1.000
	Incremento de produtos de calidade diferenciada (%)	10
Apoio as agrupacións e consellos reguladores para actividades de promoción e comercialización de produtos de calidade.	Campañas de difusión y promoción (Nº)	41
	Incremento das vendas de produtos (%)	10
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	
713E BENESTAR ANIMAL E SANIDADE VEXETAL		
Impulso do sector agrogandeiro e do campo industria apoiando as explotacións sostibles e respetuosas medioambientalmente		
Plan apícola galego.	Agricultores beneficiados (total) (Nº)	40
Programas de ordenación dos medios de produción agrarios orientados á sanidade vexetal e ás producións minoritarias	Actuacións de ordenación dos medios de produción (Nº)	200
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	
713F REGULACIÓN DAS PRODUCCIÓNS AGRARIAS E APOIO Á RENDA DOS AGRICULTORES		
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial		
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador	

V. CADROS NUMÉRICOS

Orzamento consolidado. Distribución dos créditos por programas e servizos

Programas	Servizos				
	01	02	03	04	05
422L-Capacitación e extensión agroforestal				7.731	
422M-Ensinanza secundaria e formación profesional				996	
551A-Infraestruturas e equipamentos no medio rural			35.396		
551B-Accións preventivas e infraestrutura forestal					91.900
561A-Plan galego de investigación, innovación e crecemento				6.822	2.319
581A-Elaboración e difusión estatística				251	
711A-Dirección e servizos xerais do medio rural	34.530				
712B-Modernización e diversificación do tecido produtivo rural		47.108			
712C-Fomento do asociacionismo agrario e divulgación da tecnoloxía agraria		4.511			
713A-Mobilidade de terras agrarias improdutivas		1.770	3.215		
713B-Ordenación das producións forestais					53.938
713C-Implantación de sistemas produtivos agrarios sustentables		6.985			
713D-Mellora da calidade na produción agroalimentaria				9.896	
713E-Benestar animal e sanidade vexetal		47.915		1.170	
741A-Apoio a modernización, internacionalización e mellora da competitividade, innovación e produtividade empresarial				16.993	
Total	34.530	108.289	38.611	43.859	148.157

(Orzamento 2011 homoxeneizado) (Miles de Euros)

**Orzamento consolidado. Distribución dos créditos por programas e
servizos (continuación)**

Programas	Servizos				
	06	80	A1	A2	Total
422L-Capacitación e extensión agroforestal					7.731
422M-Ensinanza secundaria e formación profesional					996
541B-Conservación da biodiversidade e posta en valor do medio natural	25.564				25.564
551A-Infraestruturas e equipamentos no medio rural					35.396
551B-Accións preventivas e infraestrutura forestal					91.900
561A-Plan galego de investigación, innovación e crecemento				4.652	13.793
581A-Elaboración e difusión estatística					251
711A-Dirección e servizos xerais do medio rural					34.530
712A-Fixación de poboación no medio rural			39.624		39.624
712B-Modernización e diversificación do tecido produtivo rural		24.173			71.282
712C-Fomento do asociacionismo agrario e divulgación da tecnoloxía agraria					4.511
713A-Mobilidade de terras agrarias improdutivas			140		5.125
713B-Ordenación das producións forestais					53.938
713C-Implantación de sistemas produtivos agrarios sustentables					6.985
713D-Mellora da calidade na produción agroalimentaria					9.896
713E-Benestar animal e sanidade vexetal					49.085
713F-Regulación das producións agrarias e apoio á renda dos agricultores		57.754			57.754
741A-Apoio a modernización, internacionalización e mellora da competitividade, innovación e produtividade empresarial					16.993
Total	25.564	81.927	39.764	4.652	525.353

(Orzamento 2011 homoxeneizado) (Miles de Euros)

Orzamento consolidado. Distribución dos créditos por programas e capítulos

Programas	Capítulos					
	I	II	IV	VI	VII	Total
422L-Capacitación e extensión agroforestal	5.298	715		1.538	180	7.731
422M-Ensinanza secundaria e formación profesional			379	617		996
541B-Conservación da biodiversidade e posta en valor do medio natural	14.557		202	7.654	3.151	25.564
551A-Infraestruturas e equipamentos no medio rural	5.504			29.509	383	35.396
551B-Accións preventivas e infraestrutura forestal	39.309			42.991	9.600	91.900
561A-Plan galego de investigación, innovación e crecemento	6.393	881	570	3.471	2.478	13.793
581A-Elaboración e difusión estatística				251		251
711A-Dirección e servizos xerais do medio rural	19.754	8.953	492	4.031	1.300	34.530
712A-Fixación de poboación no medio rural	4.452	901		2.682	31.589	39.624
712B-Modernización e diversificación do tecido produtivo rural			149	1.205	69.928	71.282
712C-Fomento do asociacionismo agrario e divulgación da tecnoloxía agraria			317		4.194	4.511
713A-Mobilidade de terras agrarias improdutivas				5.125		5.125
713B-Ordenación das producións forestais	23.530			11.431	18.978	53.938
713C-Implantación de sistemas produtivos agrarios sustentables		128		3.332	3.525	6.985
713D-Mellora da calidade na produción agroalimentaria	2.250	28	552	590	6.476	9.896
713E-Benestar animal e sanidade vexetal	28.618	638		15.860	3.968	49.085
713F-Regulación das producións agrarias e apoio á renda dos agricultores	4.969	654	20	1.979	50.131	57.754
741A-Apoio a modernización, internacionalización e mellora da competitividade, innovación e produtividade empresarial					16.993	16.993
Total	154.635	12.898	2.680	132.265	222.875	525.353

(Orzamento 2011 homoxeneizado) (Miles de Euros)

DISTRIBUCIÓN ORGÁNICA

01 SECRETARIA XERAL TECNICA	2011	2012	% Var.
Cap. I - Gastos de persoal	19.729	19.754	0,1
Cap. II - Gastos en bens correntes e servizos	8.957	8.953	0,0
Cap. IV - Transferencias correntes	400	492	23,0
Cap. VI - Investimentos reais	3.673	4.031	9,7
Cap. VII - Transferencias de capital	1.247	1.300	4,2
Total	34.006	34.530	1,5

(Orzamento 2011 homoxeneizado) (Miles de Euros)

02 D.X. DE PRODUCCIÓN AGROPECUARIA	2011	2012	% Var.
Cap. I - Gastos de persoal	28.746	27.448	-4,5
Cap. II - Gastos en bens correntes e servizos	767	767	0,0
Cap. IV - Transferencias correntes	1.061	466	-56,1
Cap. VI - Investimentos reais	22.697	22.167	-2,3
Cap. VII - Transferencias de capital	49.973	57.442	14,9
Total	103.243	108.289	4,9

(Orzamento 2011 homoxeneizado) (Miles de Euros)

03 D.X DE DESENVOLVEMENTO RURAL	2011	2012	% Var.
Cap. I - Gastos de persoal	5.514	5.504	-0,2
Cap. IV - Transferencias correntes	3.445	0	-100,0
Cap. VI - Investimentos reais	33.071	32.724	-1,0
Cap. VII - Transferencias de capital	942	383	-59,3
Total	42.972	38.611	-10,1

(Orzamento 2011 homoxeneizado) (Miles de Euros)

04 D.X. DE INNOVACIÓN E INDUSTRIAS AGRARIAS	2011	2012	% Var.
Cap. I - Gastos de persoal	12.186	12.279	0,8
Cap. II - Gastos en bens correntes e servizos	751	743	-1,1
Cap. IV - Transferencias correntes	1.460	1.444	-1,1
Cap. VI - Investimentos reais	3.858	3.266	-15,3
Cap. VII - Transferencias de capital	27.715	26.127	-5,7
Total	45.971	43.859	-4,6

(Orzamento 2011 homoxeneizado) (Miles de Euros)

05 D.X. DE MONTES	2011	2012	% Var.
Cap. I - Gastos de persoal	64.697	64.657	-0,1
Cap. IV - Transferencias correntes	29	57	99,0
Cap. VI - Investimentos reais	61.065	54.866	-10,2
Cap. VII - Transferencias de capital	20.745	28.578	37,8
Total	146.536	148.157	1,1

(Orzamento 2011 homoxeneizado) (Miles de Euros)

06 D.X. DE CONSERVACIÓN DA NATUREZA	2011	2012	% Var.
Cap. I - Gastos de persoal	14.434	14.557	0,9
Cap. IV - Transferencias correntes	243	202	-17,0
Cap. VI - Investimentos reais	10.830	7.654	-29,3
Cap. VII - Transferencias de capital	2.123	3.151	48,5
Total	27.630	25.564	-7,5

(Orzamento 2011 homoxeneizado) (Miles de Euros)

80 FONDO GALEGO DE GARANTÍA AGRARIA	2011	2012	% Var.
Cap. I - Gastos de persoal	4.891	4.969	1,6
Cap. II - Gastos en bens correntes e servizos	743	654	-11,9
Cap. IV - Transferencias correntes	20	20	0,0
Cap. VI - Investimentos reais	1.629	1.979	21,5
Cap. VII - Transferencias de capital	84.354	74.304	-11,9
Total	91.638	81.927	-10,6

(Orzamento 2011 homoxeneizado) (Miles de Euros)

A1 AXE. GALEGA DE DESENVOLVEMENTO RURAL	2011	2012	% Var.
Cap. I - Gastos de persoal	1.880	4.452	136,8
Cap. II - Gastos en bens correntes e servizos	479	901	87,9
Cap. VI - Investimentos reais	1.068	2.822	164,2
Cap. VII - Transferencias de capital	25.784	31.589	22,5
Total	29.212	39.764	36,1

(Orzamento 2011 homoxeneizado) (Miles de Euros)

A2 INST. GALEGO DE CALIDADE ALIMENTARIA	2011	2012	% Var.
Cap. I - Gastos de persoal	1.020	1.015	-0,5
Cap. II - Gastos en bens correntes e servizos	798	881	10,4
Cap. VI - Investimentos reais	3.033	2.757	-9,1
Total	4.851	4.652	-4,1

(Orzamento 2011 homoxeneizado) (Miles de Euros)

SERVIZOS	2011	2012	% Var.
01 SECRETARIA XERAL TECNICA	34.006	34.530	1,5
02 D.X. DE PRODUCCIÓN AGROPECUARIA	103.243	108.289	4,9
03 D.X. DE DESENVOLVEMENTO RURAL	42.972	38.611	-10,1
04 D.X. DE INNOVACIÓN E INDUSTRIAS AGRARIAS	45.971	43.859	-4,6
05 D.X. DE MONTES	146.536	148.157	1,1
06 D.X. DE CONSERVACIÓN DA NATUREZA	27.630	25.564	-7,5
80 FONDO GALEGO DE GARANTÍA AGRARIA	91.638	81.927	-10,6
A1 AXE. GALEGA DE DESENVOLVEMENTO RURAL	29.212	39.764	36,1
A2 INST. GALEGO DE CALIDADE ALIMENTARIA	4.851	4.652	-4,1
Total	526.059	525.353	-0,1

(Orzamento 2011 homoxeneizado) (Miles de Euros)

Consellería, Organismos Autónomos, Entidades públicas instrumentais de consulta ou asesoramento e Axencias Públicas Autonómicas

	Consellería		00.AA , EE.CC.AA. e Axencias		Trans. Internas		Consolidado	
	2011	2012	2011	2012	2011	2012	2011	2012
Cap. I - Gastos de persoal	145.306	144.198	7.791	10.437	0	0	153.097	154.635
Cap. II - Gastos en bens correntes e servizos	10.474	10.462	2.020	2.436	0	0	12.495	12.898
Cap. IV - Transferencias correntes	15.789	14.981	20	20	9.151	12.321	6.659	2.680
OPERACIÓNS CORRENTES	171.570	169.642	9.832	12.892	9.151	12.321	172.251	170.213
Cap. VI - Investimentos reais	135.194	124.707	5.730	7.558	0	0	140.924	132.265
Cap. VII - Transferencias de capital	218.285	230.275	110.139	105.894	115.539	113.294	212.884	222.875
OPERACIÓNS DE CAPITAL	353.479	354.982	115.869	113.451	115.539	113.294	353.808	355.140
Total	525.049	524.624	125.701	126.343	124.690	125.614	526.059	525.353

(Orzamento 2011 homoxeneizado) (Miles de Euros)

Medios Persoais

Medio Rural	2012
Altos Cargos	7
Persoal Funcionario	2.194
Subgrupo A1	577
Subgrupo A2	450
Subgrupo C1	877
Subgrupo C2	270
Agrupacións profesionais	20
Persoal Laboral	2.413
Grupo I	129
Grupo II	32
Grupo III	342
Grupo IV	521
Grupo V	1.389
TOTAL	4614

Medios Persoais

Fondo Galego de Garantía Agraria	2012
Persoal Funcionario	113
Subgrupo A1	32
Subgrupo A2	40
Subgrupo C1	22
Subgrupo C2	17
Agrupacións profesionais	2
Persoal Laboral	26
Grupo I	1
Grupo II	7
Grupo III	6
Grupo IV	9
Grupo V	3
TOTAL	139

Medios Persoais

Axencia Galega de Desenvolvemento Rural	2012
Persoal laboral	55
Grupo I	35
Grupo II	9
Grupo III	9
Grupo IV	2
TOTAL	55

Medios Persoais

Instituto Galego de Calidade Alimentaria	2012
Persoal Laboral	21
Grupo I	20
Grupo III	1
TOTAL	21

**Entidades Públicas Empresariais, Consorcios, Sociedades Mercantís e
Fundacións do Sector Público Autonómico**

	2012	
Sociedades mercantís públicas autonómicas	Capital	Explotación
Emp. Públ. de Servizos Agrarios Galegos	417	30.197
Xenética Fontao	350	4.500
Fundacións do sector público autonómico	Capital	Explotación
Fund. Centro Tecnolóxico Da Carne	76	1.724

(Miles de Euros)